

ЎЗБЕКИСТОН РЕСПУБЛИКАСИ 51-52-сон
ҚОНУН ҲУЖЖАТЛАРИ (239-240)
ТЎПЛАМИ 2006 й.
декабрь

Ўзбекистон Республикаси Қонун ҳужжатлари тўплами беш бўлимдан иборат:

тўпلامнинг биринчи бўлимида Ўзбекистон Республикаси қонунлари ва Ўзбекистон Республикаси Олий Мажлиси палаталарининг қарорлари эълон қилинади;

иккинчи бўлимда Ўзбекистон Республикаси Президентининг фармон, қарор ва фармойишлари эълон қилинади;

учинчи бўлимда Вазирлар Маҳкамасининг қарор ва фармойишлари эълон қилинади;

тўртинчи бўлимда Ўзбекистон Республикаси Конституциявий судининг қарорлари эълон қилинади;

тўпلامнинг бешинчи бўлимида вазирликлар, давлат қўмиталари ва идораларининг Ўзбекистон Республикаси Адлия вазирлигида давлат рўйхатидан ўтказилган норматив-ҳуқуқий ҳужжатлари эълон қилинади.

+

-

МУНДАРИЖА

Биринчи бўлим

498. «Ўзбекистон Республикасининг Жиноят кодексига ва Ўзбекистон Республикасининг Маъмурий жавобгарлик тўғрисидаги кодексига ўзгартишлар киритиш ҳақида» Ўзбекистон Республикасининг 2006 йил 15 декабрдаги ўРҚ–70-сон Қонуни
499. «Давлат божхона хизмати тўғрисида»ги Ўзбекистон Республикаси Қонунига ўзгартишлар киритиш ҳақида» Ўзбекистон Республикасининг 2006 йил 19 декабрдаги ўРҚ–71-сон Қонуни
500. «Давлат божи тўғрисида»ги Ўзбекистон Республикаси Қонунининг 2-моддасига ўзгартиш киритиш ҳақида» Ўзбекистон Республикасининг 2006 йил 22 декабрдаги ўРҚ–72-сон Қонуни
501. «Ўзбекистон Республикасининг Маъмурий жавобгарлик тўғрисидаги кодексига қўшимчалар киритиш ҳақида» Ўзбекистон Республикасининг 2006 йил 26 декабрдаги ўРҚ–73-сон Қонуни

502. «Ўзбекистон Республикасининг Солиқ кодексига ўзгартиш ва қўшимчалар киритиш тўғрисида» Ўзбекистон Республикасининг 2006 йил 29 декабрдаги ЎРҚ–74-сон Қонуни

Иккинчи бўлим

503. «Тижорат банкларининг капиталлашиш даражасини оширишни рағбатлантириш чора-тадбирлари тўғрисида» Ўзбекистон Республикаси Президентининг 2006 йил 19 декабрдаги ПФ–3831-сон Фармони
504. «Ўзбекистон Республикаси Қуроли Кучларига 15 йил» эсдалик нишонини таъсис этиш тўғрисида» Ўзбекистон Республикаси Президентининг 2006 йил 26 декабрдаги ПФ–3837-сон Фармони
505. «Республика вольфрам конларининг минерал-хом ашё базасини янада ривожлантириш тўғрисида» Ўзбекистон Республикаси Президентининг 2006 йил 14 декабрдаги ПҚ–530-сон қарори
506. «Самарқанд автомобиль заводида ишлаб чиқаришни янада ривожлантириш ва республика автотранспорт паркани янгилаш чора-тадбирлари тўғрисида» Ўзбекистон Республикаси Президентининг 2006 йил 14 декабрдаги ПҚ–531-сон қарори [Кўчирма]
507. «Ўзбекистон Республикасининг 2007 йилги асосий макроиқтисодий кўрсаткичлари прогнози ва Давлат бюджети параметрлари тўғрисида» Ўзбекистон Республикаси Президентининг 2006 йил 18 декабрдаги ПҚ–532-сон қарори [Кўчирма]
508. «2007—2010 йилларда умумий фойдаланиладиган автомобиль йўллари қурилишини ривожлантириш чора-тадбирлари тўғрисида» Ўзбекистон Республикаси Президентининг 2006 йил 20 декабрдаги ПҚ–535-сон қарори
509. «Ўзкимёсаноат» ДАК корхоналарида Киото Протоколининг Мусаффо ривожланиш механизми доирасидаги лойиҳа ўз вақтида амалга оширилишини таъминлаш чора-тадбирлари тўғрисида» Ўзбекистон Республикаси Президентининг 2006 йил 25 декабрдаги ПҚ–540-сон қарори [Кўчирма]
510. «Халқаро шартномаларга қўшилиш тўғрисида» Ўзбекистон Республикаси Президентининг 2006 йил 27 декабрдаги ПҚ–542-сон қарори
511. «Халқаро шартномаларни тасдиқлаш тўғрисида» Ўзбекистон Республикаси Президентининг 2006 йил 28 декабрдаги ПҚ–544-сон қарори

Учинчи бўлим

512. «Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш тўғрисида (Ўзбекистон Республикаси Президентининг «Алкоголли маҳсулотларни ишлаб чиқариш ва сотиш самарадорлигини оширишга доир қўшимча чора-тадбирлар тўғрисида» 2006 йил 7 ноябрдаги ПҚ–505-сон қарори)» Ўзбекистон Республикаси Вазирлар Маҳкамасининг 2006 йил 18 декабрдаги 260-сон қарори

513. «Ўзбекистон Республикасида автотранспорт воситаларини бошқариш ҳуқуқини берувчи миллий ҳайдовчилик гувоҳномасининг янги намунасини тасдиқлаш тўғрисида» Ўзбекистон Республикаси Вазирлар Маҳкамасининг 2006 йил 19 декабрдаги 261-сон қарори
514. «Ўзбекистон Республикаси Ҳукуматининг айрим қарорларига ўзгартиришлар киритиш ва баъзиларини ўз кучини йўқотган деб ҳисоблаш тўғрисида (Ўзбекистон Республикаси Президентининг «2006—2008 йилларда тўқимачилик корхоналарини модернизация қилиш ва техникавий қайта жиҳозлаш Дастури тўғрисида» 2006 йил 13 ноябрдаги ПҚ–510-сон қарори)» Ўзбекистон Республикаси Вазирлар Маҳкамасининг 2006 йил 21 декабрдаги 262-сон қарори
515. «Мадрид битимига доир Баённомага (Мадрид, 1989 йил 27 июнь) мувофиқ белгиларни халқаро рўйхатдан ўтказишда ундириладиган яқка тартибдаги божларнинг ставкаларини белгилаш тўғрисида» Ўзбекистон Республикаси Вазирлар Маҳкамасининг 2006 йил 21 декабрдаги 263-сон қарори
516. «Ўзбекистон Республикаси давлат муассасалари тиббиёт ва фармацевтика ходимлари меҳнатига ҳақ тўлаш тартиби ва шартлари тўғрисидаги низомга қўшимчалар киритиш ҳақида» Ўзбекистон Республикаси Вазирлар Маҳкамасининг 2006 йил 25 декабрдаги 269-сон қарори
517. «Халқ истеъмол товарлари кўرғазмалари ва ярмаркаларини ўтказиш соҳасида «Ўзулгуржисавдоинвест» уюшмаси фаолиятини фаоллаштиришга доир қўшимча чора-тадбирлар тўғрисида» Ўзбекистон Республикаси Вазирлар Маҳкамасининг 2006 йил 29 декабрдаги 270-сон қарори
518. «Яқка тартибдаги уй-жой қурилиши тўғрисидаги низомни тасдиқлаш ҳақида» Ўзбекистон Республикаси Вазирлар Маҳкамасининг 2006 йил 30 декабрдаги 272-сон қарори

Бешинчи бўлим

519. «Давлат органлари ахборот тизимларини ҳисобга олиш ва рўйхатдан ўтказиш тартиби тўғрисидаги низомни тасдиқлаш ҳақида» Ўзбекистон алоқа ва ахборотлаштириш агентлиги Бош директорининг 2006 йил 17 ноябрдаги 355-сон буйруғи. (*Ўзбекистон Республикаси Адлия вазирлиги томонидан 2006 йил 21 декабрда 1646-сон билан давлат рўйхатидан ўтказилди*)
520. «Қимматли қоғозлар бозори иштирокчилари томонидан ахборотларни очиш тўғрисидаги низомга ўзгартириш ва қўшимчалар киритиш ҳақида» Ўзбекистон Республикаси Давлат мулки қўмитаси ҳузуридаги Қимматли қоғозлар бозори фаолиятини мувофиқлаштириш ва назорат қилиш маркази Бош директорининг 2006 йил 22 ноябрдаги 2006-14-сон буйруғи. (*Ўзбекистон Республикаси Адлия вазирлиги томонидан 2006 йил 23 декабрда 1127-3-сон билан давлат рўйхатидан ўтказилди*)

521. «Пахта толасини Ўзбекистон Республикаси товар-хом ашё биржаси орқали республика корхоналарига сотишда қўшилган қиймат солиғини ҳисоблаб чиқариш ва тўлаш тартиби тўғрисидаги низомга ўзгартиришлар киритиш ҳақида» Ўзбекистон Республикаси Молия вазирлиги, Давлат солиқ қўмитасининг 2006 йил 7 декабрдаги 99, 2006-48-сон қарори. (*Ўзбекистон Республикаси Адлия вазирлиги томонидан 2006 йил 25 декабрда 1583-1-сон билан давлат рўйхатидан ўтказилди*)
522. «Бошоқли дон экинлари сомонини ёқиб юборилиши натижасида етказиладиган зарарни аниқлаш ҳамда ушбу ҳолатларни содир этган юридик ва жисмоний шахсларга нисбатан жарималар қўллаш бўйича низомни тасдиқлаш ҳақида» Ўзбекистон Республикаси Табиатни муҳофаза қилиш давлат қўмитаси, Қишлоқ ва сув хўжалиги вазирлиги, Молия вазирлигининг 2006 йил 27 ноябрдаги 11-1481, 10/8, 91-сон қарори. (*Ўзбекистон Республикаси Адлия вазирлиги томонидан 2006 йил 25 декабрда 1647-сон билан давлат рўйхатидан ўтказилди*)
523. «Тижорат банкларида лизинг операцияларини амалга ошириш ва уларнинг бухгалтерия ҳисобини юритиш тартиби тўғрисида низомни тасдиқлаш ҳақида» Ўзбекистон Республикаси Марказий банки Бошқарувининг 2006 йил 21 октябрдаги 25/6-сон қарори. (*Ўзбекистон Республикаси Адлия вазирлиги томонидан 2006 йил 27 декабрда 1648-сон билан давлат рўйхатидан ўтказилди*)
524. «Суд ҳужжатлари ва бошқа органлар ҳужжатлари бўйича мол-мулкни сотиш учун савдо ташкилотларини танлаш ва мол-мулкни сотиш тартиби тўғрисидаги низомни тасдиқлаш ҳақида» Ўзбекистон Республикаси Давлат мулкни бошқариш давлат қўмитаси ва Адлия вазирлигининг 2006 йил 29 декабрдаги 01/19-18/08, 37-сон қарори. (*Ўзбекистон Республикаси Адлия вазирлиги томонидан 2006 йил 29 декабрда 1649-сон билан давлат рўйхатидан ўтказилди*)
525. «Хўжалик юритувчи субъектларда текшириш ўтказиш ва Текширишларни рўйхатга олиш китобини юритиш тартиби тўғрисидаги низомни тасдиқлаш ҳақида» Ўзбекистон Республикаси Адлия вазирининг 2006 йил 29 декабрдаги 213-мх-сон буйруғи. (*Ўзбекистон Республикаси Адлия вазирлиги томонидан 2006 йил 29 декабрда 1650-сон билан давлат рўйхатидан ўтказилди*)
526. «Ўзбекистон Республикаси Ҳисоб палатаси томонидан аниқланган давлатнинг иқтисодий манфаатларига етказилган зарар суммаларини Давлат бюджети даромадига йўналтириш тартиби тўғрисида низомни тасдиқлаш ҳақида» Ўзбекистон Республикаси Молия вазирлиги, Давлат солиқ қўмитаси ва Ҳисоб палатасининг 2006 йил 11 декабрдаги 101, 2006-52, 11-133-сон қарори. (*Ўзбекистон Республикаси Адлия вазирлиги томонидан 2006 йил 29 декабрда 1651-сон билан давлат рўйхатидан ўтказилди*)

Вазирликлар, давлат қўмиталари ва идораларининг умумий мажбурий тусдаги меъёрий ҳужжатларини давлат рўйхатидан ўтказиш ҳолати тўғрисида 2006 йил 16 декабрдан 29 декабргача бўлган маълумот

БИРИНЧИ БЎЛИМ

ЎЗБЕКИСТОН РЕСПУБЛИКАСИНИНГ ҚОНУНИ

498 Ўзбекистон Республикасининг Жиноят кодексига ва Ўзбекистон Республикасининг Маъмурий жавобгарлик тўғрисидаги кодексига ўзгартишлар киритиш ҳақида*

Қонунчилик палатаси томонидан
2006 йил 27 сентябрда қабул қилинган

Сенат томонидан 2006 йил 30 ноябрда
маъқулланган

1-модда. Ўзбекистон Республикасининг 1994 йил 22 сентябрда қабул қилинган 2012–XII-сонли Қонуни билан тасдиқланган **Ўзбекистон Республикасининг Жиноят кодексига** (Ўзбекистон Республикаси Олий Кенгашининг Ахборотномаси, 1995 йил, № 1, 3-модда; Ўзбекистон Республикаси Олий Мажлисининг Ахборотномаси, 1996 йил, № 9, 144-модда; 1997 йил, № 2, 56-модда, № 9, 241-модда; 1998 йил, № 5-6, 102-модда, № 9, 181-модда; 1999 йил, № 1, 20-модда, № 5, 124-модда, № 9, 229-модда; 2000 йил, № 5-6, 153-модда; 2001 йил, № 1-2, 23-модда, № 9-10, 165-модда; 2002 йил, № 9, 165-модда; 2003 йил, № 1, 8-модда, № 9-10, 149-модда; 2004 йил, № 1-2, 18-модда, № 9, 171-модда; Ўзбекистон Республикаси Олий Мажлиси палаталарининг Ахборотномаси, 2005 йил, № 9, 314-модда, № 12, 417, 418-моддалар; 2006 йил, № 6, 261-модда) қуйидаги ўзгартишлар киритилсин:

1) **223-модданинг биринчи қисми санкциясидаги** «эллик бараваридан юз бараваригача» деган сўзлар «икки юз бараваридан тўрт юз бараваригача» деган сўзлар билан алмаштирилсин;

2) **224-модданинг:**

биринчи қисми санкциясидаги «эллик бараваридан юз бараваригача» деган сўзлар «икки юз бараваридан тўрт юз бараваригача» деган сўзлар билан алмаштирилсин;

иккинчи қисми санкциясидаги «етмиш беш бараваридан юз бараваригача» деган сўзлар «уч юз бараваридан тўрт юз бараваригача» деган сўзлар билан алмаштирилсин;

учинчи қисми санкциясидаги «эллик бараваридан юз бараваригача» деган сўзлар «икки юз бараваридан тўрт юз бараваригача» деган сўзлар билан алмаштирилсин.

2-модда. Ўзбекистон Республикасининг 1994 йил 22 сентябрда қабул қилинган 2015–XII-сонли Қонуни билан тасдиқланган **Ўзбекистон Республикасининг Маъмурий жавобгарлик тўғрисидаги кодексининг** (Ўзбекистон Республикаси Олий Кенгашининг Ахборотномаси, 1995 йил, № 3, 6-модда; Ўзбекистон Рес-

* Ушбу Қонун «Халқ сўзи» газетасида 2006 йил 16 декабрда эълон қилинган.

публикаси Олий Мажлисининг Ахборотномаси, 1995 йил, № 9, 193-модда, № 12, 269-модда; 1996 йил, № 5-6, 69-модда, № 9, 144-модда; 1997 йил, № 2, 56-модда, № 4-5, 126-модда, № 9, 241-модда; 1998 йил, № 3, 38-модда, № 5-6, 102-модда, № 9, 181-модда; 1999 йил, № 1, 20-модда, № 5, 124-модда, № 9, 229-модда; 2000 йил, № 5-6, 153-модда, № 7-8, 217-модда; 2001 йил, № 1-2, 23-модда, № 9-10, 165, 182-моддалар; 2002 йил, № 1, 20-модда, № 9, 165-модда; 2003 йил, № 1, 8-модда, № 5, 67-модда, № 9-10, 149-модда; 2004 йил, № 1-2, 18-модда, № 5, 90-модда, № 9, 171-модда; 2005 йил, № 1, 18-модда; Ўзбекистон Республикаси Олий Мажлиси палаталарининг Ахборотномаси, 2005 йил, № 9, 312-модда, № 12, 413, 417, 418-моддалар; 2006 йил, № 6, 261-модда) **225-моддасига** қуйидаги ўзгартишлар киритилсин:

биринчи қисмнинг санкциясидаги «ўн бараваригача» деган сўзлар «эллик бараваридан юз бараваригача» деган сўзлар билан алмаштирилсин;

иккинчи қисмнинг санкциясидаги «беш бараваридан ўн беш бараваригача» деган сўзлар «йигирма бараваридан юз эллик бараваригача» деган сўзлар билан алмаштирилсин;

учинчи қисмнинг санкциясидаги «икки бараваридан ўн бараваригача» деган сўзлар «ўн бараваридан юз бараваригача» деган сўзлар билан алмаштирилсин.

3-модда. Ушбу Қонун расмий эълон қилинган кундан эътиборан кучга кирди.

Ўзбекистон Республикасининг Президенти **И. КАРИМОВ**

Тошкент ш.,
2006 йил 15 декабрь,
ЎРҚ-70-сон

ЎЗБЕКИСТОН РЕСПУБЛИКАСИНING ҚОНУНИ

499 «Давлат божхона хизмати тўғрисида»ги Ўзбекистон Республикаси Қонунига ўзгартишлар киритиш ҳақида*

Қонунчилик палатаси томонидан
2006 йил 26 сентябрда қабул қилинган

Сенат томонидан 2006 йил 30 ноябрда
маъқулланган

1-модда. Ўзбекистон Республикасининг 1997 йил 29 августда қабул қилинган «Давлат божхона хизмати тўғрисида»ги 472-І-сонли Қонунига (Ўзбекистон

* Ушбу Қонун «Халқ сўзи» газетасида 2006 йил 20 декабрда эълон қилинган.

Республикаси Олий Мажлиснинг Ахборотномаси, 1997 йил, № 9, 230-модда; 1998 йил, № 5-6, 102-модда; 2005 йил, № 1, 18-модда) қуйидаги ўзгаришлар киритилсин:

1) **3-модданинг олтинчи қисми** қуйидаги таҳрирда баён этилсин:

«Ўзбекистон Республикаси Давлат божхона қўмитаси марказий аппаратининг тузилмаси мазкур аппарат ходимларининг чекланган сони билан бирга Ўзбекистон Республикаси Президенти томонидан тасдиқланади. Ўзбекистон Республикаси Давлат божхона қўмитаси тўғрисидаги низом, шунингдек унинг Қорақалпоғистон Республикаси, вилоятлар, Тошкент шаҳри бўйича бошқармалари аппаратининг, ихтисослаштирилган божхона комплекслари, божхона комплекслари ва постларининг намунавий тузилмаси Ўзбекистон Республикаси Вазирлар Маҳкамаси томонидан тасдиқланади»;

2) **8-модданинг тўртинчи қисми** қуйидаги таҳрирда баён этилсин:

«Божхона органларида хизматни ўташ тартиби Ўзбекистон Республикаси Президенти томонидан тасдиқланади. Божхона органларининг мансабдор шахсларини рағбатлантириш ва уларга нисбатан интизомий жазо чораларини қўллаш тартиби Ўзбекистон Республикаси Вазирлар Маҳкамаси томонидан тасдиқланадиган Божхона органларининг интизомий устави билан белгиланади»;

3) **10-модданинг матни** қуйидаги таҳрирда баён этилсин:

«Божхона органларининг мансабдор шахсларига улар эгаллаб турган лавозимларга ҳамда неча йил ишлаганликларига қараб, қуйидаги махсус унвонлар берилди:

кичик таркиб — божхона хизматининг кичик сержанти, божхона хизматининг сержанти, божхона хизматининг катта сержанти;

ўрта бошлиқлар таркиби — божхона хизматининг лейтенанти, божхона хизматининг катта лейтенанти, божхона хизматининг капитани;

катта бошлиқлар таркиби — божхона хизматининг майори, божхона хизматининг подполковниги, божхона хизматининг полковниги;

олий бошлиқлар таркиби — божхона хизматининг генерал-майори, божхона хизматининг генерал-лейтенанти, божхона хизматининг генерал-полковниги.

Махсус унвонлар бериш ва улардан маҳрум этиш тартиби Ўзбекистон Республикаси Президенти томонидан белгиланади».

2-модда. Ушбу Қонун расмий эълон қилинган кундан эътиборан кучга кирди.

Ўзбекистон Республикасининг Президенти И. КАРИМОВ

Тошкент ш.,
2006 йил 19 декабрь,
ЎРҚ-71-сон

ЎЗБЕКИСТОН РЕСПУБЛИКАСИНING ҚОНУНИ

500 «Давлат божи тўғрисида»ги Ўзбекистон Республикаси Қонунининг 2-моддасига ўзгартиш киритиш ҳақида*

Қонунчилик палатаси томонидан
2006 йил 1 ноябрда қабул қилинган

Сенат томонидан 2006 йил 30 ноябрда
маъқулланган

1-модда. Ўзбекистон Республикасининг 1992 йил 9 декабрда қабул қилинган «Давлат божи тўғрисида»ги 740–XII-сонли Қонуни (Ўзбекистон Республикаси Олий Кенгашининг Ахборотномаси, 1993 йил, № 1, 22-модда; 1994 йил, № 5, 161-модда; Ўзбекистон Республикаси Олий Мажлисининг Ахборотномаси, 1996 йил, № 9, 144-модда; 1997 йил, № 2, 56-модда, № 4-5, 126-модда, № 9, 241-модда; 1998 йил, № 5-6, 102-модда, № 9, 181-модда; 1999 йил, № 1, 20-модда, № 9, 229-модда; 2001 йил, № 1-2, 23-модда, № 5, 89-модда, № 9-10, 182-модда; 2002 йил, № 1, 20-модда; 2003 йил, № 5, 67-модда; 2004 йил, № 1-2, 18-модда; 2005 йил, № 1, 18-модда; Ўзбекистон Республикаси Олий Мажлиси палаталарининг Ахборотномаси, 2005 йил, № 12, 413, 418-моддалар) **2-моддасининг ўн иккинчи хат-бошиси** чиқариб ташлансин.

2-модда. Ушбу Қонун расмий эълон қилинган кундан эътиборан кучга кирди.

Ўзбекистон Республикасининг Президенти И. КАРИМОВ

Тошкент ш.,
2006 йил 22 декабрь,
ЎРҚ-72-сон

* Ушбу Қонун «Халқ сўзи» газетасида 2006 йил 26 декабрда эълон қилинган.

ЎЗБЕКИСТОН РЕСПУБЛИКАСИНING ҚОНУНИ

501 Ўзбекистон Республикасининг Маъмурий жавобгарлик тўғрисидаги кодексига қўшимчалар киритиш ҳақида*

Конунчилик палатаси томонидан
2006 йил 30 ноябрда қабул қилинган

Сенат томонидан 2006 йил 1 декабрда
маъқулланган

1-модда. Ўзбекистон Республикасининг 1994 йил 22 сентябрда қабул қилинган 2015–XII-сонли Қонуни билан тасдиқланган **Ўзбекистон Республикасининг Маъмурий жавобгарлик тўғрисидаги кодексига** (Ўзбекистон Республикаси Олий Кенгашининг Ахборотномаси, 1995 йил, № 3, 6-модда; Ўзбекистон Республикаси Олий Мажлисининг Ахборотномаси, 1995 йил, № 9, 193-модда, № 12, 269-модда; 1996 йил, № 5-6, 69-модда, № 9, 144-модда; 1997 йил, № 2, 56-модда, № 4-5, 126-модда, № 9, 241-модда; 1998 йил, № 3, 38-модда, № 5-6, 102-модда, № 9, 181-модда; 1999 йил, № 1, 20-модда, № 5, 124-модда, № 9, 229-модда; 2000 йил, № 5-6, 153-модда, № 7-8, 217-модда; 2001 йил, № 1-2, 23-модда, № 9-10, 165, 182-моддалар; 2002 йил, № 1, 20-модда, № 9, 165-модда; 2003 йил, № 1, 8-модда, № 5, 67-модда, № 9-10, 149-модда; 2004 йил, № 1-2, 18-модда, № 5, 90-модда, № 9, 171-модда; 2005 йил, № 1, 18-модда; Ўзбекистон Республикаси Олий Мажлиси палаталарининг Ахборотномаси, 2005 йил, № 9, 312-модда, № 12, 413, 417, 418-моддалар; 2006 йил, № 6, 261-модда) қуйидаги қўшимчалар киритилсин:

1) қуйидаги мазмундаги **128¹-модда** билан тўлдирилсин:

«128¹-модда. Транспорт воситасини бошқариш вақтида ҳайдовчиларнинг телефондан фойдаланиши

Транспорт воситасини бошқариш вақтида ҳайдовчиларнинг телефондан фойдаланиши, —

энг кам иш ҳақининг бир баравари миқдорида жарима солишга сабаб бўлади.

Худди шундай ҳуқуқбузарлик маъмурий жазо қўлланилганидан кейин бир йил давомида такрор содир этилган бўлса, —

энг кам иш ҳақининг икки бараваридан уч бараваригача миқдорда жарима солишга ёки транспорт воситасини бошқариш ҳуқуқидан олти ойгача муддатга маҳрум этишга сабаб бўлади»;

2) **245-модданинг биринчи қисми** «128-моддасининг тўртинчи қисми» деган сўзлардан кейин «128¹-моддасининг иккинчи қисми» деган сўзлар билан тўлдирилсин;

3) **248-модданинг:**

биринчи қисми «128» рақамидан кейин «-моддалари, 128¹-моддасининг биринчи қисмида» деган сўзлар билан тўлдирилсин;

иккинчи қисми 5, 6 ва 7-бандлари «129-моддасининг биринчи қисмида» деган сўзлардан олдин «128¹-моддасининг биринчи қисмида» деган сўзлар билан тўлдирилсин;

* Ушбу Қонун «Халқ сўзи» газетасида 2006 йил 27 декабрда эълон қилинган.

4) **287-модданинг 1-банди** «128» рақамидан кейин «128¹» рақами билан тўлдирилсин.

2-модда. Ушбу Қонун 2007 йил 1 январдан эътиборан кучга киради.

Ўзбекистон Республикасининг Президенти И. КАРИМОВ

Тошкент ш.,
2006 йил 26 декабрь,
ЎРҚ-73-сон

ЎЗБЕКИСТОН РЕСПУБЛИКАСИНИНГ ҚОНУНИ

502 Ўзбекистон Республикасининг Солиқ кодексига ўзгартиш ва қўшимчалар киритиш тўғрисида*

Қонунчилик палатаси томонидан
2006 йил 29 ноябрда қабул қилинган

Сенат томонидан 2006 йил 1 декабрда
маъқулланган

1-модда. Ўзбекистон Республикасининг 1997 йил 24 апрелда қабул қилинган 396–I-сонли Қонуни билан тасдиқланган **Ўзбекистон Республикасининг Солиқ кодексига** (Ўзбекистон Республикаси Олий Мажлисининг Ахборотномаси, 1997 йил, 4-5-сонга илова, № 9, 241-модда; 1998 йил, № 3, 38-модда, № 5-6, 102-модда, № 9, 181-модда; 1999 йил, № 1, 20-модда, № 5, 124-модда, № 9, 229-модда; 2000 йил, № 5-6, 153-модда; 2001 йил, № 1-2, 23-модда, № 5, 89-модда, № 9-10, 182-модда; 2002 йил, № 1, 20-модда, № 4-5, 74-модда, № 9, 165-модда; 2003 йил, № 1, 8-модда, № 5, 67-модда, № 9-10, 149-модда; 2004 йил, № 1-2, 18-модда, № 5, 90-модда, № 9, 171-модда; 2005 йил, № 1, 18-модда; Ўзбекистон Республикаси Олий Мажлиси палаталарининг Ахборотномаси, 2005 йил, № 5, 152-модда, № 9, 310, 311, 312, 313-моддалар, № 12, 415, 416-моддалар; 2006 йил, № 6, 259, 260-моддалар, № 10, 536-модда) куйидаги ўзгартиш ва қўшимчалар киритилсин:

1) **8-модда** куйидаги тахрирда баён этилсин:

«8-модда. Айрим тоифадаги солиқ тўловчиларга солиқ солиш хусусиятлари

Ушбу Кодекс ёки Ўзбекистон Республикаси Президенти қарорлари билан белгиланган айрим тоифадаги солиқ тўловчилар учун солиқ солишнинг куйидагиларни тўлашни назарда тутувчи соддалаштирилган тартиби қўлланилиши мумкин:

- 1) ягона солиқ тўловини;
- 2) ягона ер солиғини;

* Ушбу Қонун «Халқ сўзи» газетасида 2006 йил 30 декабрда эълон қилинган.

3) тадбиркорлик фаолиятининг айрим турлари бўйича қатъий белгиланган солиқни.

Микрофирмалар ва кичик корхоналар солиқ солишнинг ягона солиқ тўлови тўлашни назарда тутувчи соддалаштирилган тартибини ёки умумбелгиланган тартибдаги солиқлар ва бошқа мажбурий тўловлар тўлашни танлашга ҳақли, ушбу модданинг учинчи, тўртинчи ва тўққизинчи қисмларида назарда тутилган микрофирмалар ва кичик корхоналар бундан мустасно.

Алкоголь маҳсулотлари ишлаб чиқарувчи микрофирмалар ва кичик корхоналар ягона солиқ тўлови тўлашга ўтишга ҳақли эмас.

Савдо ва умумий овқатланиш корхоналари, лотереялар, тотализаторлар ва таваккалчиликка асосланган бошқа ўйинларни ташкил қилиш доирасида фаолият кўрсатадиган юридик шахслар, хусусий амалиёт билан шуғулланувчи нотариуслар ягона солиқ тўлови тўлайдилар ҳамда умумбелгиланган тартибда солиқлар ва бошқа мажбурий тўловлар тўлашга ўтишга ҳақли эмас.

Ягона солиқ тўлови тўловчилар ягона солиқ тўловини бюджетга тўланадиган қўшилган қиймат солиғи суммасига, бироқ бир вақтнинг ўзида эллик фоиздан кўп бўлмаган миқдорга камайтирган ҳолда қўшилган қиймат солиғи тўлашга ҳақлидирлар.

Ушбу модданинг биринчи қисмида кўрсатилган солиқлар барча умумбелгиланган тартибдаги солиқлар ва бошқа мажбурий тўловлар ўрнига тўланади, қуйидагилар бундан мустасно:

1) юридик шахслар учун:

ушбу Кодексда назарда тутилган тартибда Ўзбекистон Республикаси норезидентлари томонидан бажарилган (кўрсатилган) ишлар (хизматлар) бўйича қўшилган қиймат солиғи;

акциз солиғи (акциз солиғи тўланадиган маҳсулот ишлаб чиқарилганда);

ер остидан фойдаланганлик учун солиқ;

божхона тўловлари;

давлат божлари;

айрим товар турлари билан чакана савдо қилиш ҳуқуқи учун йиғим;

ягона ижтимоий тўлов;

давлат мақсадли жамғармаларига мажбурий ажратмалар (ягона солиқ тўлови тўловчилар бундан мустасно);

олинган ва вақтинчалик олиб кириладиган автотранспорт воситалари қийматидан Ўзбекистон Республикаси Молия вазирлиги ҳузуридаги Республика йўл жамғармасига йиғим;

2) яқка тартибдаги тадбиркорлар учун:

акциз солиғи (акциз солиғи тўланадиган маҳсулот ишлаб чиқарилганда);

ер остидан фойдаланганлик учун солиқ;

сув ресурсларидан фойдаланганлик учун солиқ (тадбиркорлик фаолияти учун сув ресурсларидан фойдаланилганда);

ер солиғи;

мол-мулк солиғи;

божхона тўловлари;

Ўзбекистон Республикаси Молия вазирлиги ҳузуридаги бюджетдан ташқари Пенсия жамғармасига суғурта бадаллари;

давлат божлари;

олинган ва вақтинчалик олиб кириладиган автотранспорт воситалари қийматидан Ўзбекистон Республикаси Молия вазирлиги ҳузуридаги Республика йўл жамғармасига йиғим.

Солиқ солишнинг соддалаштирилган тартибини қўлловчи юридик шахсларда

солиқлар ва бошқа мажбурий тўловларни тўлов манбаида ушлаб қолиш ҳамда бюджетга ўтказиш мажбуриятлари ҳам сақланиб қолади.

Ўзбекистон Республикаси Президентининг қарорига биноан кончилик саноати тармоқларининг айрим корхоналари учун устама фойда солиғи тўланишини назарда тутадиган фойданинг бир қисмига солиқ солишнинг алоҳида тартиби жорий этилиши мумкин.

Маҳсулот тақсмотига оид битим бўйича ишларни бажаришда қатнашаётган инвесторларга, уларнинг пудратчиларига ва иккиламчи пудратчиларига солиқ солиш «Маҳсулот тақсмотига оид битимлар тўғрисида»ги Ўзбекистон Республикаси Қонунида назарда тутилган хусусиятлар инобатга олинган ҳолда амалга оширилади.

Ушбу модданинг биринчи қисмида назарда тутилган солиқларни ҳисоблаб чиқариш ва тўлаш тартиби Ўзбекистон Республикаси Вазирлар Маҳкамаси ёки у ваколат берган орган томонидан белгиланади.

Солиқ солишнинг ушбу моддада назарда тутилган хусусиятларига эга бўлган юридик шахслар солиқ солиниши мақсадидан келиб чиқиб, тегишли фаолият турларининг алоҳида бухгалтерия ҳисобини юритишлари шарт»;

2) 19-модда биринчи қисмининг:

тўртинчи хатбошисидаги «(банкларнинг, кредит уюшмалари, суғурта ташкилотлари, видеосалонларнинг, видеоқўрсатув, видео ва аудио ёзув пунктларининг, аукционлар, казиноларнинг, оммавий концерт-томоша тадбирларини ўтказувчи ташкилотларнинг харажатлари бундан мустасно)» деган сўзлар чиқариб ташлансин;

ўн учинчи хатбошисидаги «қонун ҳужжатларига мувофиқ нормалар бўйича» деган сўзлар чиқариб ташлансин;

ўн бешинчи хатбошисидаги «маҳаллий давлат ҳокимияти органлари тасдиқлаган нормативларга мувофиқ» деган сўзлар чиқариб ташлансин;

3) 31-модданинг биринчи қисми 16 ва 19-бандлари ҳамда иккинчи қисми чиқариб ташлансин;

4) 32-модда биринчи қисмининг учинчи хатбошисидаги «Ўзбекистон Республикаси Вазирлар Маҳкамаси қарори асосида асосий ишлаб чиқаришни ривожлантириш, кенгайтириш ва реконструкция қилишга» деган сўзлар «асосий ишлаб чиқаришни ривожлантириш, кенгайтириш ва реконструкция қилишга, шунингдек Ўзбекистон Республикаси Вазирлар Маҳкамаси қарори асосида» деган сўзлар билан алмаштирилсин;

5) 34-модда:

қуйидаги мазмундаги **иккинчи қисм** билан тўлдирилсин:

«Норезидентларнинг Ўзбекистон Республикасидан ташқарида бажарган ишларидан, кўрсатган хизматларидан олган даромадлари Ўзбекистон Республикаси ҳудудидаги манбалардан олинган даромадларга кирмайди»;

иккинчи қисми учинчи қисм деб ҳисоблансин;

6) 55-модда биринчи қисмининг жадвали қуйидаги тахрирда баён этилсин:

Жами даромад миқдори	Солиқ суммаси
энг кам иш ҳақининг беш баравари миқдоригача	даромад суммасининг 13 фоизи
энг кам иш ҳақининг беш баравари миқдоридан (+1 сўм) ўн баравари миқдоригача	энг кам иш ҳақининг беш баравари миқдоридан олинadиган солиқ + беш бараваридан ошадиган сумманинг 18 фоизи
энг кам иш ҳақининг ўн баравари миқдоридан (+1 сўм) ва ундан юқори миқдоридан	энг кам иш ҳақининг ўн баравари миқдоридан олинadиган солиқ + ўн бараваридан ошадиган сумманинг 25 фоизи

Ўзбекистон Республикаси Қонун ҳужжатлари тўплами, 2006 й.

7) **57-модда:**

қуйидаги мазмундаги **иккинчи қисм** билан тўлдирилсин:

«Норезидентларнинг Ўзбекистон Республикасидан ташқарида бажарган ишларидан, кўрсатган хизматларидан олган даромадлари Ўзбекистон Республикаси ҳудудидаги манбалардан олинган даромадларга кирмайди»;

иккинчи қисми учинчи қисм деб ҳисоблансин;

8) **64¹-модда** чиқариб ташлансин;

9) **71-модда:**

биринчи қисми:

20-бандидаги «тиббий» деган сўз чиқариб ташлансин;

қуйидаги мазмундаги **35** ва **36-бандлар** билан тўлдирилсин:

«35) тиббий (ветеринария) хизматлар (косметология хизматлари бундан мустасно), шунингдек тиббиёт (ветеринария) учун мўлжалланган дори-дармон воситалари ва буюмларни, шу жумладан мазкур восита ва буюмларни ишлаб чиқарувчилар томонидан уларни реализация қилиш оборотлари;

36) ўзи ишлаб чиқарган қишлоқ хўжалиги маҳсулотларини реализация қилиш оборотлари»;

иккинчи қисмининг 5-банди қуйидаги таҳрирда баён этилсин:

«5) тиббиёт (ветеринария) учун мўлжалланган дори-дармон воситалари (ветеринария препаратлари) ва буюмлар, шунингдек тиббиёт (ветеринария) учун мўлжалланган дори-дармон воситалари ва буюмлар ишлаб чиқариш учун олиб кирилаётган хом ашё»;

10) **92-модданинг биринчи қисми:**

саккизинчи ва **тўққизинчи хатбошилари** чиқариб ташлансин;

қуйидаги мазмундаги **ўн тўртинчи хатбоши** билан тўлдирилсин:

«қишлоқ хўжалиги (ўсимликшунослик, чорвачилик, балиқчилик) маҳсулотларини ишлаб чиқариш ва сақлаш учун фойдаланиладиган мол-мулкнинг»;

11) **93-модда биринчи қисмининг олтинчи хатбошиси** қуйидаги таҳрирда баён этилсин:

«Ўзбекистон Республикаси Вазирлар Маҳкамаси томонидан тасдиқланадиган нормалар доирасида пенсионерларнинг, шунингдек I ва II гуруҳ ногиронларининг»;

12) **102-модда учинчи қисмининг 4-банди** чиқариб ташлансин;

13) **108-модданинг матни** қуйидаги таҳрирда баён этилсин:

«Кенг тарқалган фойдали қазилмалар қазиб олишни ўзларига берилган ер участкалари доирасида хўжалик ва маиший эҳтиёжлар учун белгиланган тартибда амалга ошираётган ер эгалари ҳамда ердан фойдаланувчилар ер остидан фойдаланганлик учун солиқдан озод қилинади».

2-модда. Ушбу Қонун расмий эълон қилинган кундан эътиборан кучга кирди.

Ўзбекистон Республикасининг Президенти И. КАРИМОВ

Тошкент ш.,
2006 йил 29 декабрь,
ЎРҚ-74-сон

ИККИНЧИ БЎЛИМ

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

503 Тижорат банкларининг капиталлашиш даражасини оширишни рағбатлантириш чора-тадбирлари тўғрисида

Банк тизимининг барқарор ривожланишини, тижорат банкларининг капиталлашиш даражасини оширишни, уларнинг инвестиция ва иқтисодий таркибий ўзгартириш жараёнларида фаол иштирок этишларини таъминлаш мақсадида:

1. Белгилансинки, 2007 йилнинг 1 январидан бошлаб 2010 йилнинг 1 январигача:

юридик шахсларнинг тижорат банклари акциялари бўйича дивиденд сифатида олинган даромадлари солиқ солишдан озод қилинади;

фойда солиғи ва ягона солиқ тўлови бўйича солиққа тортиш базаси бирламчи ва қўшимча равишда чиқарилган тижорат банклари акцияларини харид қилишга йўналтириладиган маблағлар суммасига тенг миқдорда камайтиради.

Мазкур бандда назарда тутилган имтиёзлар тижорат банкларининг 2007 йил 1 январдан бошлаб сотиб олинган акцияларига, шунингдек 2009 йилнинг 31 декабрига қадар тўланадиган акциялар бўйича дивидендларга нисбатан қўлланилади.

2. Ўзбекистон Республикаси Молия вазирлиги Марказий банк билан биргаликда 2007 йилнинг 1 январига қадар тижорат банкларининг акцияларини харид қилиш ва улар бўйича дивидендлар олишда солиқ имтиёзларини қўллаш тартиби тўғрисидаги низомни ишлаб чиқсин ва тасдиқласин.

3. Тижорат банкларига аҳолининг бўш маблағларини, тадбиркорлик субъектларини, институционал инвесторлар, шу жумладан хорижий инвесторларни тижорат банкларининг акциядорлик капиталига жалб этиш борасидаги фаолиятни кучайтириш тавсия этилсин.

4. Ўзбекистон Республикаси Адлия вазирлиги манфаатдор вазирликлар ва идоралар билан биргаликда:

бир ой муддатда қонун ҳужжатларига ушбу Фармондан келиб чиқадиган ўзгартиш ва қўшимчалар тўғрисида Вазирлар Маҳкамасига таклифлар киритсин;

вазирлик ва идораларнинг идоравий норматив ҳужжатлари мазкур Фармон талабларига мувофиқлаштирилишини таъминласин.

5. Ушбу Фармоннинг ижросини назорат қилиш Ўзбекистон Республикаси Бош вазири Ш.М. Мирзиёев ва Ўзбекистон Республикаси Марказий банки раиси Ф.М. Муллажонов зиммаларига юклансин.

Ўзбекистон Республикаси Президенти И. КАРИМОВ

Тошкент ш.,
2006 йил 19 декабрь,
ПФ-3831-сон

Ўзбекистон Республикаси Қонун ҳужжатлари тўплами, 2006 й.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

504 «Ўзбекистон Республикаси Қуrolли Кучларига 15 йил» эсдалик нишонини таъсис этиш тўғрисида

Ўзбекистон Республикаси Қуrolли Кучларининг ўн беш йиллиги нишонланиши муносабати билан ҳамда давлатнинг мудофаа қобилиятини мустаҳкамлаш ва Қуrolли Кучлар қурилиши ишига муносиб ҳисса қўшган ҳарбий хизматчиларни рағбатлантириш мақсадида:

1. «Ўзбекистон Республикаси Қуrolли Кучларига 15 йил» эсдалик нишони таъсис этилсин.

2. «Ўзбекистон Республикаси Қуrolли Кучларига 15 йил» эсдалик нишонининг низоми ва тавсифи 1, 2-иловаларга мувофиқ тасдиқлансин.

3. Ўзбекистон Республикаси Вазирлар Маҳкамаси (Ш. Мирзиёев) 2007 йилнинг 5 январигача «Ўзбекистон Республикаси Қуrolли Кучларига 15 йил» эсдалик нишонлари ва гувоҳномаларининг бланклари белгиланган тартибда тайёрланишини таъминласин.

4. Мазкур Фармоннинг ижросини назорат қилиш Ўзбекистон Республикаси Президенти ҳузуридаги Миллий хавфсизлик кенгашининг Котиби М. Атаев зиммасига юклансин.

Ўзбекистон Республикаси Президенти И. КАРИМОВ

Тошкент ш.,
2006 йил 26 декабрь,
ПФ-3837-сон

Ўзбекистон Республикаси
Президентининг 2006 йил 26 декабрдаги
ПФ-3837-сон Фармонида
1-ИЛОВА

«Ўзбекистон Республикаси Қуrolли Кучларига 15 йил» эсдалик нишони тўғрисида НИЗОМ

1. «Ўзбекистон Республикаси Қуrolли Кучларига 15 йил» эсдалик нишони билан давлатнинг мудофаа қудратини мустаҳкамлаш ва Қуrolли Кучлар қурилишига муҳим ҳисса қўшган шахслар, ўзининг юксак касб маҳоратини, ҳарбий ва ватанпарварлик бурчига садоқатини намоён қилган ҳарбий хизматчилар, шу жумладан Ўзбекистон Республикасининг мустақиллиги ва ҳудудий яхлитлигини ҳимоя қилиш учун бўлган жанговар ҳаракатларда иштирок этган ва захирага бўшатишга ёки истеъфода чиқарилган ҳарбий хизматчилар, шунингдек ҳарбий ҳамда хизмат бурчини бажариш вақтида ҳалок бўлган ёки яраланган ва шикастланган Ўзбекистон Республикаси Қуrolли Кучларининг ҳарбий хизматчилари тақдирланадилар.

2. «Ўзбекистон Республикаси Қуrolли Кучларига 15 йил» эсдалик нишони Ўзбекистон Республикаси Президенти — Ўзбекистон Республикаси Қуrolли Кучлари Олий Бош қўмондони номидан қўшилма командири ва юқори турувчи мансабдор шахслар томонидан тантанали вазиятда топширилади.

Ўзбекистон Республикаси Қонун ҳужжатлари тўплами, 2006 й.

Мукофотланганларга эсдалик нишони билан бирга белгиланган шаклдаги гувоҳнома берилади.

3. «Ўзбекистон Республикаси Қуролли Кучларига 15 йил» эсдалик нишони вазирликлар ҳамда мудофаа ва хавфсизлик тузилмалари идоралари раҳбарларининг буйруқлари асосида мукофотланганларга топширилади.

4. «Ўзбекистон Республикаси Қуролли Кучларига 15 йил» эсдалик нишони кўкракнинг чап томонига тақилади.

Ўзбекистон Республикаси
Президентининг 2006 йил 26 декабрдаги
ПФ-3837-сон Фармонида
2-ИЛОВА

**«Ўзбекистон Республикаси Қуролли Кучларига 15 йил»
эсдалик нишони
ТАВСИФИ**

«Ўзбекистон Республикаси Қуролли Кучларига 15 йил» эсдалик нишони 0,25 микронгача қалинликдаги олтин билан қопланган мис қотишмасидан тайёрланиб, диаметри 34 миллиметрли доира шаклига эга бўлади.

Эсдалик нишонининг олд томонида балкиб чиқаётган қуёш фонида Хумо қуши акс эттирилган. Хумо қушининг тагида саккиз қиррали юлдуз жойлашган бўлиб, унинг ўртасида кесишаётган икки қилич билан қалқон (Амир Темурнинг ҳарбий аслаҳалари) тасвирланган. Нишоннинг юқори қисмида доира бўйлаб «Ozbekiston Respublikasi Qurolli Kuchlariga 15 yil» ёзуви мавжуд. Эсдалик нишонининг пастки қисмида тасвирланган лентага Ўзбекистон Республикаси Қуролли Кучларига асос солинган йил ва юбилей санасини англатувчи 1992—2007 рақамлари ёзилган.

Эсдалик нишонининг орқа томонида Ўзбекистон Республикасининг Давлат герби тасвирланган.


Эсдалик нишони эни 24 миллиметрли мовий-ҳаворанг шойи тасма билан қопланган беш қиррали колодкага ҳалқача ёрдамида туташтирилади. Тасма эни 2 миллиметрли сариқ рангдаги йўл билан хошияланган. Тасма ўртасидан эни 7 миллиметрли яшил рангли йўл ўтган.

Тасвирлар ва ёзув қаварикдир.

Эсдалик нишонининг қирралари бўртиқ хошияланган.

+

OZBEKISTON RESPUBLIKASI QUROLLI KUCHLARI 15 YIL
Эсдалик нишони



-

ЎЗБЕКИСТОН RESPUBLIKACИ ПРЕЗИДЕНТИНИНГ ҚАРОРИ

505 Республика вольфрам конларининг минерал-хом ашё базасини янада ривожлантириш тўғрисида

Республика вольфрам конларини қазиб ишларини давом эттириш ҳамда «Ўзбекистон қийин эрийдиган ва ўтга чидамли металллар комбинати» ОАЖни экспортга мўлжалланган кўп турдаги тайёр маҳсулот ишлаб чиқариш учун минерал-хом ашё ресурслари билан таъминлаш, шунингдек комбинатнинг амалдаги ишлаб чиқариш қувватларини янада тўлиқ юклаш мақсадида:

1. Маълумот учун қабул қилинсинки, Ўзбекистон Республикаси Иқтисодиёт вазирлиги, Молия вазирлиги, Ташқи иқтисодий алоқалар, инвестициялар ва савдо вазирлиги, Ташқи иқтисодий фаолият миллий банки, «Олмалиқ КМК» ОАЖ ҳамда «Ўзбекистон қийин эрийдиган ва ўтга чидамли металллар комбинати» ОАЖ томонидан «Ўзбекистон қийин эрийдиган ва ўтга чидамли металллар комбинати» ОАЖни истиқболли ривожлантириш ва вольфрам-молибден маҳсулотлари ишлаб чиқаришни ташкил этишнинг қўйидагиларни назарда тутувчи прогноз йўналишлари ишлаб чиқилган:

Самарқанд вилоятидаги Яхтон конининг «Шимолий» участкасини 2009 йилдан бошлаб ўзлаштириш ва йиллик вольфрам концентрати ишлаб чиқариш ҳажмини 870,0 тоннага етказишни назарда тутган ҳолда 2007-2008 йилларда кон-бойитиш комплексини куриш;

2010—2012 йилларда Навоий вилоятидаги Саутбой конини ишга тушириш, 2013 йилдан бошлаб йилига 1260,0 тонна ҳажмда қўшимча вольфрам концентрати ишлаб чиқариш ва 2014 йилдан бошлаб вольфрам маҳсулотлари ишлаб чиқарувчи технологик линиялар қувватларини тўлиқ юклашни таъминлаш;

2007 йилдан бошлаб «Ўзбекистон қийин эрийдиган ва ўтга чидамли металллар комбинати» ОАЖнинг йилига 60,0 тоннагача ҳажмдаги техноген чиқиндиларини жалб этиш, 2011 йилдан бошлаб эса «Ингички металл» қўшма корхонаси томонидан йилига 560 тоннагача вольфрам концентрати етказиб бериш ҳисобига вольфрам хом ашёсини қайта ишлаш ҳажмларини кўпайтириш;

2006 йилдан бошлаб 2011 йилга қадар «Олмалиқ КМК» ОАЖдан етказиб бериладиган молибден саноат маҳсулотини қайта ишлаш ҳажмларини босқичма-босқич йилига 162,0 тоннадан 650,0 тоннагача ошириб бориш.

2. Ўзбекистон Республикаси Иқтисодиёт вазирлиги, «Ўзоғирнефтгазкимёлойиха» институти «ЎзГЕОТЕХЛИТИ» институтини жалб этган ҳолда қўйидаги лойиҳаларнинг дастлабки техник-иқтисодий асосини ишлаб чиқсин ва тасдиқлаш учун белгиланган тартибда Вазирлар Маҳкамасига киритсин:

2007 йилнинг 20 мартигача бўлган муддатда — Яхтон кони («Шимолий» участкаси) вольфрам рудаларини қазиб чиқариш ва бойитиш;

2008 йилнинг 31 декабригача бўлган муддатда — «Саутбой» кони вольфрам рудаларини қазиб чиқариш ва бойитиш.

3. Ўзбекистон Республикаси Давлат Геология ва минерал ресурслар қўмитаси ўн кун муддатда Яхтон ва Саутбой конларининг вольфрам рудалари захираларини мазкур конлардаги вольфрам рудаларини қазиб чиқариш учун ер қаъри участкаларидан фойдаланиш ҳуқуқини берувчи ҳужжатларни расмийлаштирган ҳолда белгиланган тартибда «Ўзбекистон қийин эрийдиган ва ўтга чидамли металллар комбинати» ОАЖ балансига ўтказсин.

4. Ўзбекистон Республикаси Иқтисодиёт вазирлиги Молия вазирлиги, Тикланиш ва тараққиёт жамғармаси билан биргаликда ўн кун муддатда:

ушбу инвестиция лойиҳаларининг лойиҳа ҳужжатларини тайёрлашни Тикланиш ва тараққиёт жамғармаси маблағлари ҳисобидан молиялаштириш масалаларини ишлаб чиқсин ва белгиланган тартибда Вазирлар Маҳкамасига таклифлар киритсин;

Тикланиш ва тараққиёт жамғармаси маблағларига бўлган талаб-эҳтиёжни, шунингдек ушбу лойиҳаларни амалга оширишни молиялаштириш учун бошқа манбаларни уларнинг иқтисодий самарадорлигини таъминлашни ҳисобга олган ҳолда аниқласин.

5. «Ўзбекистон қийин эрийдиган ва ўтга чидамли металллар комбинати» ОАЖ Ўзбекистон Республикаси Ташқи иқтисодий алоқалар, инвестициялар ва савдо вазирлиги, «Давархитектқурилиш» қўмитаси ҳамда «Олмалик КМК» ОАЖ билан биргаликда, «Яхтон кони («Шимолий» участкаси) вольфрам рудаларини қазиб чиқариш ва бойитиш» лойиҳасининг дастлабки техник-иқтисодий асоси тасдиқлангандан сўнг, икки ой муддатда асосий технологик ускуналарни етказиб берувчини танлаш бўйича ҳужжатларни ишлаб чиқсин ва тендер ўтказсин.

6. Ўзбекистон Республикаси Иқтисодиёт вазирлиги, Молия вазирлиги «Яхтон кони («Шимолий» участкаси) вольфрам рудаларини қазиб чиқариш ва бойитиш» лойиҳасини Ўзбекистон Республикасининг 2007 йилги ва кейинги йиллардаги Инвестиция дастурига белгиланган тартибда киритсин.

7. «Ўзбекистон қийин эрийдиган ва ўтга чидамли металллар комбинати» ОАЖ Вазирлар Маҳкамасининг қарорлари билан тасдиқланадиган рўйхатлар бўйича Яхтон кони вольфрам рудаларини саноат миқёсида қазиб чиқариш ва бойитишни таъминлаш учун олиб келинадиган импорт қилинадиган, республикада ишлаб чиқарилмайдиган материаллар, ускуналар ва улар учун эҳтиёт қисмлар, техник ҳужжатлар 2009 йилнинг 31 декабригача божхона тўловлари (божхона расмийлаштируви йиғимларидан ташқари) тўлашдан озод этилсин.

8. Мазкур қарорнинг ижросини назорат қилиш Ўзбекистон Республикаси Бош вазирининг ўринбосарлари Р.С. Азимов ва Э.Р. Шоисматов зиммаларига юклансин.

Ўзбекистон Республикаси Президенти И. КАРИМОВ

Тошкент ш.,
2006 йил 14 декабрь,
ПҚ-530-сон

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

506 Самарқанд автомобиль заводида ишлаб чиқаришни янада ривожлантириш ва республика автотранспорт паркни янгилаш чора-тадбирлари тўғрисида**[Кўчирма]**

Ўзбекистонда автобуслар ва юк автомобиллари ишлаб чиқаришни янада ривожлантириш ҳамда уларнинг ракобатбардошлигини ошириш, республика автотранспорт воситалари паркни тўлдириш ва янгилаш, шунингдек йўловчилар ва юк ташиш хавфсизлигини ошириш ҳамда атмосферага зарарли чиқиндилар чиқаришни қисқартириш мақсадида:

1. Қуйидагилар маълумот учун қабул қилинсин:

«Ўзавтосаноат» АК Туркиянинг «Коч» компаниялари гуруҳига тегишли «Сам-Кочавто» ЁТАЖ акцияларининг 50 фоизини сотиб олди, натижада корхона 100 фоизлик Ўзбекистон капитали билан «Самарқанд автомобиль заводи» МЧЖга айлан-рилди;

заводда «ИСУЗУ Моторс» компанияси (Япония)да ишлаб чиқарилган шасси-ларда автобусларни серияли ишлаб чиқариш бошланди, уларни етказиб бериш «ИТОЧУ Корпорейшн» Япония компанияси томонидан 3752 автокомплект, шу жумладан 2006 йилда — 252 комплект, 2007 йилда — 1500 комплект, 2008 йилда — 2000 комплектни етказиб бериш бўйича тузилган шартномага мувофиқ амалга оши-рилади;

Самарқанд автомобиль заводи негизида замонавий автобуслар ва юк автомо-биллари ишлаб чиқаришни ташкил этиш бўйича «Ўзавтосаноат» АКнинг Япония-нинг «ИТОЧУ Корпорейшн» ҳамда «ИСУЗУ Моторс» компаниялари билан узок муддатли ҳамкорлик қилиш лойиҳасининг бизнес-режаси ва техник-иқтисодий асо-сини ишлаб чиқиш устида иш олиб борилмоқда.

2. «Ўзавтосаноат» АК ва «Асака» банкининг «Самарқанд автомобиль заводи» МЧЖ маҳсулотларини лизинг асосида сотиш учун 6 млрд. сўм бошланғич устав капиталига эга бўлган 5 йил муддатгача ва лизинг компанияси даромад ставкаси (маржа)ни йилига 5 фоиздан оширмаган ҳолда «Ўзавтосаноат-Лизинг» ихтисослаш-тирилган лизинг компаниясини ташкил этиш ва молиялаштириш тўғрисидаги так-лифи маъқуллансин.

3. «Самарқанд автомобиль заводи» МЧЖ ишлаб чиқарган автобуслар ва юк машиналарининг харидорлари, шу жумладан «Ўзавтосаноат-Лизинг» лизинг компа-нияси автозавод маҳсулотларини биринчи марта сотиб олишда Республика йўл фондига йиғим тўлашдан 2010 йилнинг 1 январигача озод этилсин.

6. 2007 йилнинг 1 мартдан бошлаб:

«М2», «М3» ва «N2» тоифаларидаги фойдаланилган автотранспорт воситала-рини;

зарарли чиқинди чиқариш даражаси «Евро-2» экологик даража талабларига жа-воб бермайдиган бензин ва дизель моторлари билан жиҳозланган юқорида кўрса-тилган тоифалардаги янги автотранспорт воситаларини, 2010 йилнинг 1 январидан бошлаб эса, ТР ТИФ 8703 ва 8705 кодларига тўғри келадиган махсус транспорт воситаларидан ташқари, «Евро-3» экологик даража талабларига жавоб бермайдиган транспорт воситаларини Ўзбекистон Республикасига олиб келиш тақиқлансин.

7. Ўзбекистон Республикаси Ички ишлар вазирлиги манфаатдор тузилмалар билан биргаликда йўл ҳаракати хавфсизлигини таъминлаш мақсадида бир ой муддатда, йўловчи ташишга мўлжалланган, фойдаланиш муддати 10 йилдан ошган автобуслар ва микроавтобусларни босқичма-босқич фойдаланишдан чиқариш бўйича чора-тадбирларнинг аниқ дастури ва норматив базасини ишлаб чиқсин.

10. Мазкур қарорнинг ижросини назорат қилиш Ўзбекистон Республикаси Бош вазирининг ўринбосарлари Р.С. Азимов ва Э.Р. Шоисматов зиммаларига юклансин.

Ўзбекистон Республикаси Президенти И. КАРИМОВ

Тошкент ш.,
2006 йил 14 декабрь,
ПҚ-531-сон

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

507 **Ўзбекистон Республикасининг 2007 йилги асосий макроиқтисодий кўрсаткичлари прогнози ва Давлат бюджети параметрлари тўғрисида**

[Кўчирма]

Ўзбекистон Республикаси Олий Мажлиси Сенатининг «Ўзбекистон Республикасининг 2007 йилги Давлат бюджети тўғрисида» 2006 йил 30 ноябрдаги 256-1-сон қарорига мувофиқ:

1. Қўйидагилар:

Ўзбекистон Республикасини ривожлантиришнинг 2007 йилги асосий макроиқтисодий кўрсаткичлари 1-иловага* мувофиқ;

Ўзбекистон Республикасининг 2007 йилги Давлат бюджетининг асосий параметрлари 2-иловага мувофиқ;

Ўзбекистон Республикаси Молия вазирлиги ҳузуридаги бюджетдан ташқари Пенсия жамғармасининг, Республика йўл жамғармасининг, бюджетдан ташқари Мактаб таълими жамғармасининг 2007 йилги асосий параметрлари 3—5-иловаларга* мувофиқ тасдиқлансин.

2. 2007 йилги Давлат бюджети тақчиллигининг чекланган миқдори ялпи ички маҳсулот ҳажмига нисбатан 1,0 фоиз миқдорида белгилансин.

Белгилаб қўйилсинки, Давлат бюджети тақчиллигини молиялаштириш:

республика бюджети маблағларининг 2007 йил бошидаги нақд пул касса айланмасининг белгиланган нормативдан ортиқча бўш қолдиқлари ҳисобидан;

2007 йил 1 январь ҳолатига кўра Ўзбекистон Республикаси Молия вазирлиги ҳузуридаги бюджетдан ташқари Пенсия жамғармаси, бюджетдан ташқари Мактаб

* 1—5-иловалар берилмайди.

таълими жамғармаси ҳамда Ўзбекистон Республикаси Тикланиш ва тараққиёт жамғармасидан ташқари давлат мақсадли жамғармаларининг қолдиқ маблағлари ҳисобидан;

бошқа ноинфляциян манбалар ҳисобидан амалга оширилади.

3. 2007 йил учун:

юридик шахслардан фойда солиғи ставкалари 6-иловага* мувофиқ;

юридик ва жисмоний шахсларнинг тадбиркорлик фаолияти айрим турлари бўйича белгилаб қўйилган солиқ ставкалари 7 ва 8-иловаларга* мувофиқ;

рўйхат бўйича республикада ишлаб чиқариладиган ва четдан келтириладиган товарлардан акциз солиғи ставкалари 9-1 ва 9-2-иловаларга* мувофиқ;

сув ресурсларидан фойдаланганлик учун солиқ ставкалари 10-иловага* мувофиқ;

ер ости бойликларидан фойдаланганлик учун солиқ ставкалари 11-иловага* мувофиқ;

катодли (тозаланган) мис ишлаб чиқаришдан олинган ортиқча фойдадан солиқ ставкалари 12-иловага* мувофиқ;

юридик ва жисмоний шахслардан олинадиган мулк солиғи ставкалари 13 ва 14-иловаларга* мувофиқ;

ер солиғи ставкалари 15-иловага* мувофиқ;

ягона ер солиғи ставкалари 16 ва 17-иловаларга* мувофиқ;

маҳаллий солиқлар ва йиғимлар ставкалари 18-иловага* мувофиқ;

Ўзбекистон Республикаси Молия вазирлиги ҳузуридаги Республика йўл жамғармасига мажбурий ажратмалар ва йиғимлар ставкалари 19 ва 20-иловаларга* мувофиқ;

21-иловага* мувофиқ белгиланган солиққа тортиш объектларининг Ўзбекистон Республикаси Молия вазирлиги ҳузуридаги бюджетдан ташқари Пенсия жамғармасига 0,7 фоизи миқдоридан ҳамда Ўзбекистон Республикаси Молия вазирлиги ҳузуридаги бюджетдан ташқари Мактаб таълими жамғармасига — 1,0 фоизи миқдоридан мажбурий ажратмалар ставкалари тасдиқлансин.

4. 2007 йил 1 январдан бошлаб ягона ижтимоий тўлов ставкалари, маблағлар Ўзбекистон Республикаси Молия вазирлиги ҳузуридаги бюджетдан ташқари Пенсия жамғармаси, Иш билан таъминлашга қўмаклашиш давлат жамғармаси ва Касаба уюшмалари Федерацияси Кенгаши ўртасида 22-иловада* келтирилган нормативларга мувофиқ тақсимланган ҳолда, 25 фоиздан 24 фоизгача пасайтирилсин.

Белгилаб қўйилсинки, 2007 йилнинг 1 январидан бошлаб вақтинчалик ишга лаёқатсизларга нафақа тўлаш билан боғлиқ харажатлар:

бюджет ташкилотлари томонидан — меҳнат ҳақи фондида ажратиладиган бюджет маблағлари доирасида;

хўжалик юритувчи субъектлар томонидан — фойда солиғини ҳисоблашда мазкур харажатлар солиққа тортиладиган базадан чиқариб ташланган ҳолда шахсий маблағлари ҳисобидан амалга оширилади.

5. 2007 йилда:

қўшилган қиймат солиғи ставкаси 20 фоиз миқдоридан;

юридик ва жисмоний шахслар томонидан дивидендлар ва фоизлар тарзида олинадиган даромадлардан солиқ ставкалари 10 фоиз миқдоридан;

фуқароларнинг иш ҳақидан Ўзбекистон Республикаси Молия вазирлиги ҳузуридаги бюджетдан ташқари Пенсия жамғармасига мажбурий сугурта бадаллари ставкаси 2,5 фоиз миқдоридан сақлаб қолинсин.

* 6—22-иловалар рус тилидаги матнда берилган.

6. 2007 йилнинг 1 январидан бошлаб илгари тўланадиган солиқлар ва давлат мақсадли жамғармаларига ҳамда Ўзбекистон Республикаси Молия вазирлиги хузуридаги бюджетдан ташқари Мактаб таълими жамғармасига мажбурий тўловлар ўрнига: савдо ва умумий овқатланиш корхоналари;

лотереялар ва таваккалчиликка асосланган бошқа ўйинларни ташкил этиш бўйича фаолиятни амалга оширувчи юридик шахслар;

тайёрлов, таъминот-сотиш, брокерлик фаолияти, шунингдек комиссия шартномалар (топшириқлар) бўйича воситачилик хизматлари кўрсатувчи микрофирмалар ва кичик корхоналар учун ягона солиқ тўлови жорий этилсин.

Ягона солиқ тўлови ставкалари 23—25-иловаларга* мувофиқ тасдиқлансин.

Ўзбекистон Республикаси Молия вазирлиги Давлат солиқ қўмитаси билан биргаликда икки ҳафта муддатда янги тахрирдаги Ягона солиқни ҳисоблаш ва тўлаш тартиби тўғрисидаги Низомни ишлаб чиқсин ва белгиланган тартибда тасдиқласин.

7. Хўжалик юритувчи субъектларга солиқлар ва мажбурий тўловлар ставкаларини пасайтириш натижасида бўшайдиган маблағларни ходимларнинг иш ҳақини оширишга йўналтириш тавсия этилсин.

8. 2007 йил 1 январдан бошлаб Навоий, Жиззах ва Фарғона вилоятлари қишлоқ хўжалиги товар ишлаб чиқарувчилари учун қишлоқ хўжалиги ерларининг норматив қийматидан келиб чиққан ҳолда ягона ер солиғини ҳисоблаб чиқиш татбиқ этилсин.

Ўзбекистон Республикаси Ер ресурслари, геодезия, картография ва давлат кадастри давлат қўмитаси Ўзбекистон Республикаси Давлат солиқ қўмитаси, Давлат статистика қўмитаси билан биргаликда қишлоқ хўжалиги ерларининг норматив қийматини ягона ер солиғини ҳисоблаб чиқиш учун Навоий, Жиззах ва Фарғона вилоятларининг барча қишлоқ хўжалиги товар ишлаб чиқарувчиларига белгиланган тартибда етказсин.

9. Ўзбекистон Республикаси Президентининг «Ўзбекистон Республикасида 2006—2010 йилларда хизмат кўрсатиш ва сервис соҳасини ривожлантиришни жадаллаштириш чора-тадбирлари тўғрисида» 2006 йил 17 апрелдаги ПҚ-325-сонли қарори 4-иловасида назарда тутилган солиқ имтиёзлари микрокредитлаш бўйича хизматларга жорий этилсин.

17. Маҳаллий ҳокимият ва бошқарув органларининг барча даражадаги маҳаллий бюджетлар даромадлари ва харажатларини шакллантиришдаги роли, мустақиллиги ва масъулиятини ошириш, маҳаллий бюджетларнинг Давлат бюджетидagi улушини кўпайтириш мақсадида қўйидаги умумдавлат солиқлари:

сув ресурсларидан фойдаланганлик учун солиқ;

юридик ва жисмоний шахсларнинг тадбиркорлик фаолияти айрим турларига белгилаб қўйиладиган солиқ;

республикада ишлаб чиқариладиган пиво ва ўсимлик ёғига акциз солиғи бўйича тушумлар тўлиқ миқдорда маҳаллий бюджетлар даромадларига ўтказилсин.

18. 2007 йил учун:

Қорақалпоғистон Республикаси бюджети, вилоятлар ва Тошкент шаҳар маҳаллий бюджетларининг даромадлар ва харажатлар ҳажмлари, республика бюджетидан дотациялар ва мақсадли субвенцияларнинг чекланган миқдорлари 26-иловага** мувофиқ;

Қорақалпоғистон Республикаси бюджетига, вилоятлар ва Тошкент шаҳар маҳаллий бюджетларига умумдавлат солиқ тушумларидан ажратмалар нормативлари 27-иловага** мувофиқ;

* 23—25-иловалар рус тилидаги матнда берилган.

** 26-27-иловалар берилмайди.

республика бюджетининг, Қорақалпоғистон Республикаси бюджетининг, вилоятлар ва Тошкент шаҳар маҳаллий бюджетларининг нақд пул касса айланмасининг йўл қўйиладиган энг кам миқдорлари 28-иловага* мувофиқ тасдиқлансин.

19. Ўзбекистон Республикаси Молия вазирлигига:

тегишли бюджетларга дотациялар, мақсадли субвенциялар ва бюджет ссудалари (даромадлар ва харажатлар ўртасидаги вақтинчалик касса тафовутларини қоплаш учун) ажратишда уларнинг миқдорларини ҳудудлар бўйича барча солиқлар ва тўловларнинг тўлиқ тушишидан, шунингдек Давлат бюджетининг биринчи навбатдаги харажатларини (ҳисоблаб ёзилган иш ҳақи, стипендиялар, нафақалар ва уларга тенглаштириладиган тўловларни) сўзсиз молиялаштириш зарурлигидан келиб чиққан ҳолда аниқлаштириш;

республика бюджетидан Қорақалпоғистон Республикаси бюджети ва Андижон, Самарқанд ҳамда Хоразм вилоятлари маҳаллий бюджетларига бериладиган даромадларнинг тасдиқланган миқдорларига ушбу ҳудудларда шаклланидиган солиқ тушумларини ҳисобга олган ҳолда ўзаро ҳисоб-китоб қилиш орқали даромадлар ва харажатлар ўртасида вужудга келадиган касса бўйича тафовутларни тартибга солган ҳолда аниқлаштиришлар киритиш ҳуқуқи берилсин.

20. 2007 йил учун Ўзбекистон Республикаси Вазирлар Маҳкамасининг захира жамғармаси ҳамда Қорақалпоғистон Республикаси бюджети, вилоятлар ва Тошкент шаҳар маҳаллий бюджетларининг захира жамғармалари миқдорлари 29-иловага* мувофиқ тасдиқлансин.

21. Белгилаб қўйилсинки, 2007 йилда Ўзбекистон Республикаси номидан ёки унинг кафолати остида жалб қилинадиган хорижий кредитлар ҳажми 2006 йилдаги хорижий кредитлар бўйича асосий қарзни тўлаш ҳажмидан ортиқ бўлмаслиги керак.

23. Ўзбекистон Республикаси Соғлиқни сақлаш вазирлиги бир ой муддатда соғлиқни сақлаш муассасалари тармоғини таркибий қайта қуриш ва мақбуллаштириш, касалхоналардаги самарасиз фойдаланилаётган ўринлар фондиди ўрта ҳисобда 20 фоизга қисқартириш, бўшайдиган маблағларни амбулатория-поликлиника шохобчаларини ривожлантиришга мақсадли йўналтириш ишларини якунласин.

24. Ўзбекистон Республикаси Маданият ва спорт ишлари вазирлигининг 2007 йил 1 январдан бошлаб кинофильмлар кўрсатувчи сайёр пунктларни тугатиш тўғрисидаги таклифи қабул қилинсин.

25. Ўзбекистон Республикаси Молия вазирлиги Соғлиқни сақлаш вазирлиги, Халқ таълими вазирлиги ҳамда Олий ва ўрта махсус таълим вазирлиги билан бирга:

республиканинг айрим туманлари ва шаҳарларидаги биринчи тиббий-санитария ёрдами кўрсатиш муассасалари, умумтаълим мактаблари, мактаб-интернатлар ва касбухона коллежларини молиялаштиришнинг жорий тартибини кўрсатилаётган хизматларнинг амалдаги ҳажмларига мувофиқ чуқур таҳлил этсин, 1 та одам (1 та ўқувчи)га норматив харажатлардан келиб чиққан ҳолда молиялаштириш механизмини маромига етказсин;

2008 йилги бюджет лойиҳаси билан бир вақтда соғлиқни сақлаш ва таълим бюджет ташкилотларини 1 та одам (1 та ўқувчи)га норматив харажатлардан келиб чиқиб молиялаштиришга ўтиш бўйича республиканинг айрим туманлари ва шаҳарларида тажриба ўтказиш мақсадга мувофиқлиги тўғрисида таклифларни киритсин.

26. Ўзбекистон Республикаси Молия вазирлиги қуйидагиларни назарда тутган ҳолда 2007 йилда Давлат бюджетининг ғазна ижроси механизмларини янада кенгроқ татбиқ этиш чора-тадбирлари амалга оширилишини таъминласин:

* 28-29-иловалар берилмайди.

2007 йилнинг 1 июлигача Андижон, Жиззах, Қашқадарё, Навоий, Тошкент ва Фарғона вилоятларида жойлашган бюджет ташкилотлари учун бюджетнинг ғазна ижросини босқичма-босқич жорий этиш;

бюджет ташкилотлари харажатларини замонавий ахборот технологиялари асосида ҳудудий ғазна ҳисобварақларидан тўлаш механизмини республиканинг барча минтақаларида 2007 йилнинг охиригача татбиқ этиш;

Давлат бюджетининг барча даромадларини ягона ғазна ҳисобварағида жамлаш ва у орқали Давлат бюджети харажатлари тўловини амалга ошириш, шунингдек Давлат бюджетининг ягона ҳисобварақлар режаси асосидаги ижроси тўғрисида бухгалтерлик ҳисоб-китоби ва ҳисоботини ташкил этиш ягоналигини таъминлаш имконини берувчи ғазначилик ахборот тизимининг функционал ва техникавий тuzилмаси (ИСУГФ)ни ишлаб чиқиш учун Осиё тараққиёт банки ва бошқа халқаро молия институтларининг қарз маблағларини жалб этиш чора-тадбирларини амалга ошириш.

27. Ўзбекистон Республикаси Молия вазирлигининг:

а) Ўзбекистон Республикасининг 2006 йилги Давлат бюджети асосий параметрларини аниқлаштириш тўғрисидаги таклифи қабул қилинсин ва:

Давлат бюджети даромадларини 4263,8 млрд. сўм, харажатларини — 4332,6 млрд. сўм миқдорида ҳамда бюджет тақчиллиги ҳажмини ялпи ички маҳсулот ҳажмига нисбатан 0,4 фоизгача камайтирган ҳолда;

Ўзбекистон Республикаси Молия вазирлиги ҳузуридаги бюджетдан ташқари Пенсия жамғармаси маблағларини даромадлар бўйича 1357,3 млрд. сўм ва харажатлар бўйича — 1329,0 млрд. сўм миқдорида тасдиқлансин;

б) Ўзбекистон Республикаси Марказий банки билан биргаликда 2007 йил январь ойида 2006 йил учун барча даражалардаги бюджетлар билан якуний айланмалар ўртасидаги ўзаро ҳисоб-китобларни тартибга солишга доир операцияларни, Ўзбекистон Республикасининг 2006 йилги Давлат бюджетининг ижроси тўғрисидаги ҳисоботда ўтказилган операцияларни акс эттирган ҳолда, ўтказиш тўғрисидаги таклифлари қабул қилинсин.

28. Ўзбекистон Республикаси Молия вазирлиги Иқтисодиёт вазирлиги билан биргаликда макроиқтисодий кўрсаткичлар прогнози бажарилишини ва Ўзбекистон Республикасининг 2007 йилги Давлат бюджети ижросини таҳлил этиш натижалари бўйича, зарурат бўлганда, Ўзбекистон Республикаси Вазирлар Маҳкамасига Давлат бюджети асосий параметрларини бюджетнинг белгиланган тақчиллиги доирасида аниқлаштиришга доир таклифлар киритсин.

29. 2007 йил 1 январдан Ўзбекистон Республикаси Президенти ва Ўзбекистон Республикаси Вазирлар Маҳкамасининг 30-иловага мувофиқ қарорлари ўз кучини йўқотган деб ҳисоблансин.

2007 йилнинг 1 январидан Ўзбекистон Республикаси Президенти ва Ўзбекистон Республикаси Ҳукуматининг айрим қарорларига 31-иловага мувофиқ ўзгартиш ва қўшимчалар киритилсин.

30. Ўзбекистон Республикаси Адлия вазирлиги манфаатдор вазирликлар ва идоралар билан биргаликда мазкур қарорнинг қабул қилиниши муносабати билан қонун ҳужжатларига ўзгартиш ва қўшимчалар бўйича бир ой муддатда Вазирлар Маҳкамасига таклифлар киритсин.

Вазирликлар ва идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари илгари чиқарилган норматив ҳужжатларини бир ҳафта муддатда ушбу қарорга мувофиқлаштирсинлар.

31. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Р.С. Азимов зиммасига юклансин.

Ўзбекистон Республикаси Президенти И. КАРИМОВ

Тошкент ш.,
2006 йил 18 декабрь,
ПҚ-532-сон

Ўзбекистон Республикаси
Президентининг 2006 йил 18 декабрдаги
ПҚ-532-сон қарорига
30-ИЛОВА

**Ўзбекистон Республикаси Президентининг ва Ўзбекистон
Республикаси Вазирлар Маҳкамасининг 2007 йил 1 январдан
бошлаб ўз кучини йўқотган қарорлари**

1. Ўзбекистон Республикаси Президентининг «Умумий фойдаланиладиган автомобиль йўлларини лойиҳалаш, қуриш ва реконструкция қилиш тартибини такомиллаштириш чора-тадбирлари тўғрисида» 2006 йил 25 октябрдаги ПҚ-499-сон қарори билан тасдиқланган Ўзбекистон Республикаси Молия вазирлиги ҳузуридаги Республика йўл жамғармаси даромадларини шакллантириш ва маблағларини сарфлаш тартиби тўғрисидаги низом 7-бандининг «б» ва «г» кичик бандлари.

2. Ўзбекистон ССЖ Президенти ҳузуридаги Вазирлар Маҳкамасининг «Жумҳурият ўқувчи-ёшларига ва мутахассисларига чет тилларни кенг қўламда ўқитиш тизимини такомиллаштириш ва унинг моддий-техника базасини ривожлантиришга оид тадбирлар тўғрисида» 1991 йил 29 июлдаги 197-сон қарори 5-бандининг иккинчи хатбоши*.

3. Ўзбекистон Республикаси Вазирлар Маҳкамасининг «Қўшма корхоналар ташкил этишга хорижий инвестицияларни жалб қилиш бўйича қўшимча чора-тадбирлар тўғрисида» 2000 йил 11 октябрдаги 393-сон қарори (Ўзбекистон Республикаси ҚТ, 2000 й., 10-сон, 66-модда).

4. Ўзбекистон Республикаси Вазирлар Маҳкамасининг 2001 йил 31 декабрдаги 720-ф-сон фармойиши.

5. Ўзбекистон Республикаси Вазирлар Маҳкамасининг «Пул-буюм лотереяларини ўтказишни такомиллаштириш чора-тадбирлари тўғрисида» 2002 йил 15 ноябрдаги 396-сон қарорининг (Ўзбекистон Республикаси ҚТ, 2002 й., 11-сон, 70-модда) 6-банди.

6. Ўзбекистон Республикаси Вазирлар Маҳкамасининг «Ўзбекистон Республикаси Президентининг «Савдо ва умумий овқатланиш соҳасида солиққа тортиш тизимини тартибга солиш чора-тадбирлари тўғрисида» 2003 йил 30 июндаги ПФ-3270-сон Фармонини амалга ошириш чора-тадбирлари ҳақида» 2003 йил 2 июлдаги 300-сон қарорининг (Ўзбекистон Республикаси ҚТ, 2003 й., 7-сон, 56-модда) 1-банди ва 3-бандининг учинчи хатбоши.

7. Ўзбекистон Республикаси Вазирлар Маҳкамасининг 2005 йил 18 майдаги 218-ф-сон фармойиши.

8. Ўзбекистон Республикаси Вазирлар Маҳкамасининг «Ўзбекистон Республикаси Ҳукуматининг айрим қарорларига ўзгартиришлар киритиш тўғрисида» (Ўзбекис-

* 2007 йил 1 сентябрдан бошлаб ўз кучини йўқотади.

тон Республикаси Президентининг «Ўзбекистон Республикасининг 2006 йилги асосий макроиқтисодий кўрсаткичлари прогнози ва Давлат бюджети параметрлари тўғрисида» 2005 йил 27 декабрдаги ПҚ-244-сон қарори) 2006 йил 22 февралдаги 28-сон қарорига (Ўзбекистон Республикаси ҚТ, 2006 й., 2-сон, 12-модда) илованинг 3-банди.

Ўзбекистон Республикаси
Президентининг 2006 йил 18 декабрдаги
ПҚ-532-сон қарорига
31-ИЛОВА

**Ўзбекистон Республикаси Президентининг ва Ўзбекистон
Республикаси Ҳукуматининг айрим қарорларига 2007 йил
1 январдан бошлаб киритилаётган ўзгартириш ва қўшимчалар**

1. Ўзбекистон Республикаси Президентининг «Қимматли қоғозлар бозорини янада ривожлантириш чора-тадбирлари тўғрисида» 2006 йил 27 сентябрдаги ПҚ-475-сон қарори 5-бандининг учинчи хатбошидаги «10 фоизи миқдордаги ставка бўйича ягона солиқ» сўзлари «13 фоизи миқдордаги ставка бўйича ягона солиқ тўлови» сўзлари билан алмаштирилсин.

2. Ўзбекистон Республикаси Президентининг «Умумий фойдаланиладиган автомобиль йўлларини лойиҳалаштириш, қуриш ва реконструкция қилиш тартибини такомиллаштириш чора-тадбирлари тўғрисида» 2006 йил 25 октябрдаги ПҚ-499-сон қарори билан тасдиқланган Ўзбекистон Республикаси Молия вазирлиги ҳузуридаги Республика йўл жамғармаси даромадларини шакллантириш ва маблағларини сарфлаш тартиби тўғрисидаги низомда:

а) 7-бандда:

«в» кичик банди қуйидаги тахрирда баён қилинсин:

«в) воситачилик хизматлари кўрсатувчи корхоналар ва ташкилотлар томонидан — қўшилган қиймат солигини чегирган ҳолда воситачилик ҳақи суммасидан, тайёрлов ва таъминот — сотиш ташкилотлари учун — қўшилган қиймат солигини чегирган ҳолда товар айланмаси маблағларидан мажбурий ажратмалар»;

«е» кичик банди қуйидаги тахрирда баён қилинсин:

«е) тижорат банклари, кредит уюшмалари, микрокредит ташкилотлари, суғурта ташкилотлари, видеосалонлар (видеокўрсатув пунктлари), кимошди савдолари, видео- ва аудио манбаларини кўпайтиришдан, прокатга беришдан, шунингдек оммавий концерт-томоша тадбирларидан даромад оладиган корхоналар томонидан — даромад маблағларидан мажбурий ажратмалар;

б) 34-банднинг олтинчи хатбошидаги «Ўзбекистон Республикаси Марказий банки» сўзларидан кейин «Ўзбекистон Республикаси Тикланиш ва тараққиёт жамғармаси» сўзлари қўшилсин.

3. Вазирлар Маҳкамасининг 1996 йил 30 июлдаги 271-сон қарори билан тасдиқланган Аҳолига кўрсатиладиган коммунал хизматлар тарифларидаги фарқларни бюджетдан қоплаш тартибида:

а) 4-банд «б» кичик бандининг иккинчи хатбошига «аҳоли томонидан марказий иситишга ва иссиқ сув таъминотига норматив бўйича истеъмол қилинадиган иссиқлик энергиясини ҳисобга олган ҳолда» сўзлари қўшилсин;

б) «Аҳоли фойдаланадиган иссиқлик энергияси тарифларидаги фарқни бюджетдан қоплаш ҳисоб-китоби» жадвали қуйидаги тахрирда баён қилинсин:

«200___ йил _____ да

(йил чораги, ярим йиллик, 9 ой, йил)

**аҳоли фойдаланадиган иссиқлик энергияси тарифларидаги
фарқни бюджетдан қоплаш
ҲИСОБ-КИТОБИ**

Т/р	Кўрсаткичлар	Ўлчов бирлиги	Йилнинг 1 чораги (1-ярим йиллик, 9 ой, йил) кўрсат- кичлари
1.	Жами иссиқлик энергияси шу жумладан: а) ишлаб чиқарилган иссиқлик энергияси б) четдан олинган иссиқлик энергияси	Гкал Гкал Гкал Гкал	
2.	Берилган иссиқлик энергияси — ҳаммаси (2а-банд +2в-банд) шу жумладан: а) аҳолига — ҳаммаси б) аҳолига — тасдиқланган истеъмол норма- ларига мувофиқ в) бошқа истеъмолчиларга	Гкал Гкал Гкал Гкал	
3.	Фойдаланилган иссиқлик энергияси учун тўлов тақдим этилган (ҚҚСсиз) — ҳаммаси, шу жумладан: а) аҳолига б) бошқа истеъмолчиларга	минг сўм минг сўм минг сўм	
4.	Қуйидагиларга бериладиган 1 Гкал иссиқлик энергияси учун шаклланган ўртача тариф: а) аҳолига (3а-банд: 2а-банд) б) бошқа истеъмолчиларга (3б-банд: 2в-банд)	сўм сўм сўм	
5.	1 Гкал иссиқлик энергияси учун тарифлардаги фарқ (4б-банд - 4а-банд)	сўм	
6.	Тарифлардаги фарқ: а) аҳолига бериладиган иссиқлик энергия- сининг барча ҳажми учун (2а-банд х5-банд) б) аҳолига бериладиган иссиқлик энергия- сининг норматив ҳажми учун (2б-банд х 5-банд)	минг сўм минг сўм	
7.	Аҳоли томонидан норматив доирасида истеъмол қилинадиган иссиқлик энергияси учун бюджетдан қопланиши лозим бўлган тарифлардаги фарқ (8-банд+9а-банд) ёки (8-банд – 9а-банд)	минг сўм	
8.	Бюджетдан амалда қоплангани	минг сўм	
9.	Натижа. а) бюджетдан қўшимча ўтказиш (6б-банд – 8-банд) б) бюджетга қайтариш ёки бўлажак харажат- ларни қоплашга ўтказиш (8-банд – 6б-банд)	минг сўм минг сўм	

Т/р	Кўрсаткичлар	Ўлчов бирлиги	Йилнинг 1 чораги (1-ярим йиллик, 9 ой, йил) кўрсаткичлари
	в) аҳоли томонидан нормативдан ортиқча иссиқлик энергияси истеъмол қилинганлиги ҳисобига вужудга келган харажатларни корхонанинг молия-хўжалик фаолияти натижаларига ўтказиш (ба-банд – бб-банд)	минг сўм	
	Раҳбар		
	Бош бухгалтер		

Изоҳ.

1. Ҳисоб-китоб иссиқ сув таъминоти ва марказий иситиш бўйича алоҳида-алоҳида тўлдирилади.

2. Марказий иситиш бўйича қоплашни ҳисоблаб чиқаришда 2б-бандда аҳоли томонидан иссиқлик энергиясини истеъмол қилиш нормаси календарь ойдан келиб чиққан ҳолда ҳисобга олинади».

4. Вазирлар Маҳкамасининг 1996 йил 11 декабрдаги 439-сон қарори (Ўзбекистон Республикаси ҚТ, 1996 й., 12-сон, 36-модда) билан тасдиқланган Бизнес-мактаб тўғрисидаги низомнинг VII бўлими 1-бандида:

биринчи хатбоши қуйидаги таҳрирда баён қилинсин:

«Бизнес мактабни 2006/2007 ўқув йилигача (ушбу ўқув йили ҳам кирази) ўқишга қабул қилинган ўқувчилар бўйича молиялаштириш давлат бюджети маблағлари ҳисобидан амалга оширилади. Бундан ташқари, бюджетдан ташқари маблағлар тушумлари молиялаштириш манбалари бўлиши мумкин, шу жумладан»;

қуйидаги мазмундаги хатбоши қўшилсин:

«Бизнес-мактабларда 2007/2008 ўқув йилидан бошлаб ўқишга қабул қилинган ўқувчиларни ўқитиш бюджетдан ташқари маблағлар ҳисобидан амалга оширилади».

5. Вазирлар Маҳкамасининг «Акциялар пакетларини жойлаштиришни такомиллаштириш ҳамда давлат мулки негизида ташкил этилган акциядорлик жамиятларини бошқаришда акциядорлар ролини ошириш чора-тадбирлари тўғрисида» 1997 йил 18 августдаги 404-сон қарори 7-бандининг иккинчи хатбоши қуйидаги таҳрирда баён қилинсин:

«хўжалик юритувчи субъектларнинг устав фондларидаги давлат улуши бўйича дивидендлар тарзидаги барча даромадларни ҳисобга олиш ва уларнинг мониторинги».

6. Вазирлар Маҳкамасининг 1999 йил 5 февралдаги 54-сон қарори (Ўзбекистон Республикаси ҚТ, 1999 й., 2-сон, 9-модда) билан тасдиқланган Маҳсулот (ишлар, хизматлар)ни ишлаб чиқариш ва сотиш харажатларининг таркиби ҳамда молиявий натижаларни шакллантириш тартиби тўғрисидаги низомда:

а) 1.5 бўлимига қуйидаги мазмундаги 1.5.13-банд қўшилсин:

«1.5.13. Қонун ҳужжатларида белгиланган тартибга мувофиқ, ишлаб чиқариш жараёнида қатнашувчи ходимларнинг вақтинча меҳнатга лаёқатсизлиги бўйича нафақалар тўлаш билан боғлиқ харажатлар»;

б) 2.2 бўлимига қуйидаги мазмундаги 2.2.17-банд қўшилсин:

«2.2.17. Маъмурий мақсадлар учун фойдаланиладиган инвентарлар ва хўжалик анжомлари қийматини ҳисобдан чиқариш бўйича харажатлар ҳамда уларни белгиланган мақсадда фойдаланиш учун яроқли ҳолатда сақлаш билан боғлиқ бўлган бошқа харажатлар»;

в) 2.3 бўлимига қуйидаги мазмундаги 2.3.21-банд қўшилсин:

«2.3.21. Қонун ҳужжатларида белгиланган тартибга мувофиқ, бошқарув ходимларининг, шунингдек ишлаб чиқариш жараёнида қатнашмайдиган бошқа ходимларнинг вақтинча меҳнатга лаёқатсизлиги бўйича нафақалар тўлаш билан боғлиқ харажатлар»;

г) 2.3.21-банд 2.3.22-банд деб ҳисоблансин;

д) 1-иловада:

1.13, 1.15, 1.16, 1.33, 1.37-бандлар чиқариб ташлансин;

1.43-банддаги «2.3.21» рақамлари «2.3.22» рақамлари билан алмаштирилсин;

II бўлим чиқариб ташлансин;

е) 2-илованинг 1-банди қуйидаги таҳрирда баён қилинсин:

«1. Ишончсиз қарзлар бўйича резервга ажратмалар».

7. Вазирлар Маҳкамасининг «Меъёрланадиган айрим харажатлар нормативларини тасдиқлаш тўғрисида» 1999 йил 9 апрелдаги 166-сон қарорида:

«а) қарорнинг муқаддимаси қуйидаги таҳрирда баён қилинсин:

«Ўзбекистон Республикасининг монопол бирлашмалар (корхоналар) Давлат реестрига киритилган табиий монополиялар субъектлари ва монопол корхоналар товарлари (ишлари, хизматлари)га нархлар (тарифлар)ни шакллантиришда харажатларнинг айрим моддаларини тартибга солиш мақсадида Вазирлар Маҳкамаси қарор қилади»;

б) 1-банд қуйидаги таҳрирда баён қилинсин:

«1. Вакиллик мақсадларига харажатлар нормативлари иловага мувофиқ тасдиқлансин»;

в) 2-бандда:

учинчи хатбоши қуйидаги таҳрирда баён қилинсин:

«реклама учун қўшилган қиймат солиғини ҳисобга олган ҳолда товарлар (ишлар, хизматлар)ни сотишдан тушум йиллик ҳажмининг 2,0 фоизи микдорига»;

тўртинчи ва бешинчи хатбоши чиқариб ташлансин;

г) 3-банд қуйидаги таҳрирда баён қилинсин:

«3. Ўзбекистон Республикаси Монополиядан чиқариш, рақобат ва тадбиркорликни қўлаб-қувватлаш давлат қўмитаси тасдиқланган нормативларни табиий монополиялар субъектларига ва монопол корхоналарга етказсин»;

д) 2-иловадаги «2» рақами чиқариб ташлансин.

8. Вазирлар Маҳкамасининг «Бюджет ташкилотларини маблағ билан таъминлаш тартибини такомиллаштириш тўғрисида» 1999 йил 3 сентябрдаги 414-сон қарорида (Ўзбекистон Республикаси ҚТ, 1999 й., 9-сон, 51-модда):

а) 6-банднинг иккинчи хатбоши қуйидаги таҳрирда баён қилинсин:

«аввало вақтинча меҳнатга лаёқатсизлик бўйича нафақаларни ва мавжуд кредиторлик қарзларни тўлашга»;

б) Бюджет ташкилотларини маблағ билан таъминлаш тартибида:

26-банднинг иккинчи хатбоши қуйидаги таҳрирда баён қилинсин:

«аввало вақтинча меҳнатга лаёқатсизлик бўйича нафақаларни ва мавжуд кредиторлик қарзларни тўлашга»;

27-банднинг биринчи хатбошидаги «бюджет ташкилотида» сўзларидан кейин «вақтинча меҳнатга лаёқатсизлик бўйича тўланмаган нафақалар» сўзлари қўшилсин, «ушбу қарзни» сўзлари эса «ушбу қарзларни» сўзлари билан алмаштирилсин;

29-банднинг биринчи хатбошидаги «кредиторлик қарзлар мавжуд бўлмаса ёхуд улар» сўзлари «вақтинча меҳнатга лаёқатсизлик бўйича тўланмаган нафақалар ва кредиторлик қарз мавжуд бўлмаса ёхуд ушбу қарзлар» сўзлари билан алмаштирилсин;

9. Вазирлар Маҳкамасининг «Тошкент шаҳрини санитария жиҳатидан тозалаш тизимини такомиллаштириш» лойиҳасини амалга ошириш чора-тадбирлари тўғрисида» 2000 йил 3 августдаги 302-сон қарорининг 5-банди иккинчи хатбошидаги «ободонлаштириш ишларига тушадиган йиғимлар ҳисобига» сўзлари чиқариб ташлансин.

10. Вазирлар Маҳкамасининг «Пул-буюм лотереялари ўтказишни ташкил этишни такомиллаштириш чора-тадбирлари тўғрисида» 2002 йил 15 ноябрдаги 396-сон қарорининг (Ўзбекистон Республикаси ҚТ, 2002 й., 11-сон, 70-модда) 7-банди учинчи хатбошидаги «ялпи тушумдан ягона солиқ» сўзлари «ягона солиқ тўлови» сўзлари билан алмаштирилсин.

11. Вазирлар Маҳкамасининг 2004 йил 21 октябрдаги 490-сон қарори (Ўзбекистон Республикаси ҚТ, 2004 й., 10-сон, 98-модда) билан тасдиқланган Ўзбекистон Республикаси Молия вазирлиги ҳузуридаги бюджетдан ташқари Пенсия жамғармаси тўғрисидаги низомда:

24-банднинг учинчи ва тўртинчи хатбошидаги «вақтинча меҳнатга лаёқатсизлик» сўзлари чиқариб ташлансин;

33-банддаги «б» кичик банднинг учинчи хатбоши чиқариб ташлансин;

37-банднинг учинчи хатбошидаги «вақтинча меҳнатга лаёқатсизлик нафақалари» сўзлари чиқариб ташлансин.

12. Вазирлар Маҳкамасининг «Халқаро тараққиёт уюшмаси иштирокида «Саломатлик-2» лойиҳасини амалга ошириш чора-тадбирлари тўғрисида» 2005 йил 27 январдаги 34-сон қарори 2-бандининг тўртинчи хатбошидаги «Халқаро тараққиёт уюшмаси кредити бўйича асосий қарзни қайтариш, улар бўйича воситачилик тўловлари» сўзлари «Халқаро тикланиш ва тараққиёт банки (Саломатлик-1) ва Халқаро тараққиёт уюшмаси (Саломатлик-2) кредитлари бўйича асосий қарзни қайтариш, улар бўйича фоизлар ва воситачилик тўловлари» сўзлари билан алмаштирилсин.

13. Вазирлар Маҳкамасининг 2005 йил 21 декабрдаги 275-сон қарори (Ўзбекистон Республикаси ҚТ, 2005 й., 12-сон, 63-модда) билан тасдиқланган Умумтаълим муассасаларининг ўрнак кўрсатган ходимларини рағбатлантиришнинг директор жамғармаси тўғрисидаги низомнинг 3-бандига қуйидаги мазмундаги хатбоши қўшилсин:

«фақат тежалган маблағлар мавжуд бўлгандагина ходимларнинг вақтинча меҳнатга лаёқатсизлиги бўйича тўланмаган нафақаларни молиялаштиришга».

14. Вазирлар Маҳкамасининг «Тиббиёт ходимлари меҳнатига ҳақ тўлашнинг такомиллаштирилган тизимини тасдиқлаш тўғрисида» 2005 йил 21 декабрдаги 276-сон қарорининг (Ўзбекистон Республикаси ҚТ, 2005 й., 12-сон, 64-модда) 3-иловасига қуйидаги мазмундаги изоҳ қўшилсин:

«Изоҳ. Тежалган маблағлар мавжуд бўлган тақдирда ушбу маблағлар ходимларнинг вақтинча меҳнатга лаёқатсизлиги бўйича тўланмаган нафақаларни молиялаштиришга йўналтирилиши мумкин».

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

508 2007—2010 йилларда умумий фойдаланиладиган автомобиль йўллари қурилишини ривожлантириш чора-тадбирлари тўғрисида

Юқори жаҳон талаблари ва стандартларига жавоб берадиган, автомобиль транспортда халқаро, транзит ва республика ичида юклар ва йўловчиларни йил давомида бир маромда ва самарали ташишни таъминловчи умумий фойдаланиладиган автомобиль йўллари қурилишини янада ривожлантириш, шунингдек йўл қурилишидаги инвестиция жараёни иштирокчиларининг хўжалик муносабатларини мақбуллаштириш мақсадида:

1. Ўзбекистон Республикаси Иқтисодиёт вазирлиги, Молия вазирлиги, Ўзбекистон Транспорт ва транспорт коммуникациялари уюшмаси, Республика йўл жамғармаси, «Ўзавтойўл» ДАК томонидан ишлаб чиқилган Ўзбекистон Республикасининг 2007—2010 йилларда ва узоқ муддатли истиқболда умумий фойдаланиладиган автомобиль йўллари қурилишини ривожлантириш Концепцияси қўйидаги мақсадли Дастурларни ўз ичига олган ҳолда 1-иловага* мувофиқ:

2007—2010 йилларда халқаро аҳамиятга эга умумий фойдаланиладиган автомобиль йўллари қуриш ва реконструкция қилиш Дастури 2-иловага** мувофиқ;

2007—2010 йилларда давлат аҳамиятига эга умумий фойдаланиладиган автомобиль йўллари реконструкция қилиш Дастури 3-иловага** мувофиқ маъқуллансин.

2. Ўзбекистон Республикаси Иқтисодиёт вазирлиги, Молия вазирлиги:

Ўзбекистон Республикаси «Давархитектқурилиш» қўмитаси, «Ўзстандарт» агентлиги, «Ўзавтойўл» ДАК, Қорақалпоғистон Республикаси Вазирлар Кенгаши ва вилоятлар ҳокимликлари ҳузуридаги ягона буюртмачи хизматлари, манфаатдор вазирликлар ва идоралар билан биргаликда бир ой муддатда Ўзбекистон Республикасининг 2007—2010 йилларда ва узоқ муддатли истиқболда умумий фойдаланиладиган автомобиль йўллари қурилишини ривожлантириш Концепциясини амалга ошириш бўйича аниқ чора-тадбирларни ишлаб чиқсин ва тасдиқласин;

республиканинг ҳар йилги Инвестиция дастурларини шакллантиришда 2 ва 3-иловаларда белгиланган параметрларга ҳамда белгиланган тартибда тасдиқланган лойиҳа-смета ҳужжатларига қатъий мувофиқ равишда умумий фойдаланиладиган автомобиль йўллари қуриш ва реконструкция қилиш учун Республика йўл жамғармаси ҳисобидан капитал қўйилмалар лимитларини назарда тутсин.

3. Белгилансинки:

халқаро ва давлат аҳамиятига эга умумий фойдаланиладиган автомобиль йўллари таъмирлаш бўйича ҳар йилги Дастурни шакллантириш Ўзбекистон Республикаси Молия вазирлиги ҳузуридаги Республика йўл жамғармаси томонидан «Ўзавтойўл» ДАК билан биргаликда Вазирлар Маҳкамаси тасдиқлаган ҳолда амалга оширилади;

маҳаллий аҳамиятга эга умумий фойдаланиладиган автомобиль йўллари таъмирлаш бўйича ҳар йилги Дастурни шакллантириш Қорақалпоғистон Республикаси Вазирлар Кенгаши ва вилоятлар ҳокимликлари томонидан Ўзбекистон Республикаси Молия вазирлиги ҳузуридаги Республика йўл жамғармаси ва «Ўзавтойўл» ДАК билан биргаликда Ўзбекистон Республикаси Молия вазирлиги ҳузуридаги Рес-

* 1-илова рус тилидаги матнда берилган.

** 2-3-иловалар берилмайди.

публика йўл жамғармасини бошқариш бўйича Кенгаш тасдиқлаган ҳолда амалга оширилади.

4. Қорақалпоғистон Республикаси Вазирлар Кенгаши, вилоятлар ҳокимликлари, Ўзбекистон Республикаси Қишлоқ ва сув хўжалиги вазирлиги, «Ўзавтойўл» ДАК 2007 йил 1 мартгача бўлган муддатда илгари ширкат хўжаликлари балансида бўлган хўжаликлараро қишлоқ автомобиль йўлларини инвентаризациядан ўтказсин ҳамда уларнинг тегишли туман ҳокимликлари балансига ўтказилишини таъминласин.

5. «Ўзавтойўл» ДАКнинг «Ўзйўлбутлаш» бошқармаси Вазирлар Маҳкамасининг қарорлари билан тасдиқланадиган рўйхатлар бўйича «Ўзавтойўл» ДАКнинг таркибий бўлинмалари учун олиб келинадиган йўл-қурилиш техникаси ва ускуналари, шунингдек улар учун эҳтиёт қисмлар 2007 йилнинг 1 январидан бошлаб тўрт йил муддатга божхона тўловлари (божхона расмийлаштируви йиғимларидан ташқари) тўлашдан озод этилсин.

6. Ўзбекистон Республикаси «Давархитектқурилиш» қўмитаси умумий фойдаланиладиган автомобиль йўлларини қуриш, реконструкция қилиш ва капитал таъмирлашда жорий этилган қурилиш меъёрлари ва қоидаларига риоя этиш устидан тегишли архитектура-қурилиш назоратини таъминласин.

7. Мазкур қарорнинг ижросини назорат қилиш Ўзбекистон Республикаси Бош вазири Ш.М. Мирзиёев зиммасига юклансин.

Ўзбекистон Республикаси Президенти И. КАРИМОВ

Тошкент ш.,
2006 йил 20 декабрь,
ПҚ-535-сон

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

509 «Ўзкимёсаноат» ДАК корхоналарида Киото Протоколининг Мусаффо ривожланиш механизми доирасидаги лойиҳа ўз вақтида амалга оширилишини таъминлаш чора-тадбирлари тўғрисида

[Кўчирма]

«Ўзкимёсаноат» ДАК корхоналарида азот чала оксидлари ҳавога чиқарилишини камайтириш, улар жойлашган минтақаларда экологик муҳитни Мусаффо ривожланиш механизми доирасидаги лойиҳалар имкониятларидан фойдаланган ҳолда яхшилаш мақсадида:

1. Маълумот учун қабул қилинсинки, «Ўзкимёсаноат» ДАК ва «Мицубиси Корпорейшн» (Япония) компанияси ўртасида азот чала оксидини (N_2O) ҳавога чиқаришни камайтириш лойиҳасини биргаликда ишлаб чиқиш тўғрисидаги Битим тузилди, кейинчалик Киото Протоколини имзолаган мамлакатларда сертификатланган камай-

Ўзбекистон Республикаси Қонун ҳужжатлари тўплами, 2006 й.

тирилган чала оксидлар чиқиндилари ҳажмлари сотилади. Битим қуйидагиларни назарда тутати:

лойиҳа бўйича умумий харажатлар молиялаштирилишини таъминлайдиган ҳажмда тўғридан-тўғри хорижий инвестицияларни жалб этиш;

лойиҳада иштирок этувчи корхоналарда 2007 йилда минерал ўғитлар ишлаб чиқариш ҳажмларини камайтирмаган ҳолда агрегатларни реконструкция қилиш ва ускуналарни алмаштириш ишларини олиб бориш;

чиқиндиларни мавжуд даражадан 80 фоизга тушириш имконини берувчи азот чала оксидини парчалашнинг янги технологияларидан фойдаланиш ҳисобидан сертификатланган азот чала оксиди чиқиндиларини камайтириш;

жаҳон бозорида сертификатланган камайтирилган чиқиндиларни сотишдан олинган қўшимча даромад, лойиҳа бўйича умумий харажатлар чегириб ташлангандан сўнг Ўзбекистон томонига — 80 фоиз, «Мицубиси Корпорейшн» (Япония) компаниясига — 20 фоиз пропорцияда тақсимланади.

3. «Ўзкимёсаноат» ДАК:

бир ҳафта муддатда мазкур лойиҳани амалга ошириш бўйича ишчи гуруҳни ташкил этсин;

лойиҳани амалга ошира бошлашни жадаллаштириш мақсадида «Мицубиси Корпорейшн» (Япония) компанияси маблағлари ҳисобидан БМТнинг иқлим ўзгариши тўғрисидаги Ҳадли Конвенцияси Котибияти ҳузуридаги Мусаффо ривожланиш механизмининг Ижро этувчи Кенгаши томонидан маъқулланган методологияга мувофиқ жараён параметрларини ҳисобга олиш ва қайд этиш приборлари, мониторинг тизими бўйича асбоб-ускуналарни тайёрлайдиган заводлар нархларида етказиб бериш муддати 2007 йилнинг 1 мартидан кечиктирилмаган ҳолда тўғридан-тўғри харид қилинишини амалга оширсин;

Ўзбекистон Республикаси Иқтисодиёт вазирлиги, Ташқи иқтисодий алоқалар, инвестициялар ва савдо вазирлиги билан биргаликда «Мицубиси Корпорейшн» (Япония) компанияси иштирокида лойиҳани амалга ошириш учун иккиламчи катализаторлар ва бошқа технологик ускуналарни сотиб олишга бир ой муддатда ёпиқ тендер савдоларини эълон қилсин;

«Мицубиси Корпорейшн» (Япония) компанияси иштирокида бир ой муддатда Киото Протоколи, халқаро шартномалар ва Ўзбекистон Республикасининг қонун ҳужжатлари талабларини ҳисобга олган ҳолда «Ўзкимёсаноат» ДАК корхоналарида азот чала оксидлари ҳавога чиқарилишини камайтириш» лойиҳасининг техник-иқтисодий асосини ишлаб чиқсин

4. Ўзбекистон Республикаси Иқтисодиёт вазирлиги:

Ўзбекистон Республикаси Молия вазирлиги, Ташқи иқтисодий алоқалар, инвестициялар ва савдо вазирлиги, «Давархитектқурилиш» қўмитаси, Акциядорлик тижорат «Ўзсаноатқурилишбанк» билан биргаликда икки ҳафта муддатда мазкур лойиҳанинг техник-иқтисодий асосини бир босқичда бир йўла экспертизадан ўтказсин;

ваколатли органлар томонидан мазкур лойиҳанинг техник-иқтисодий асоси экспертизаси якунлангач, бир ҳафта муддатда уни белгиланган тартибда Киото Протоколининг Мусаффо ривожланиш механизми бўйича Идоралараро кенгашга (Р.С. Азимов) маъқуллаш учун киритсин.

5. Ўзбекистон Республикаси Иқтисодиёт вазирлиги, Молия вазирлиги «Ўзкимёсаноат» ДАК корхоналарида азот чала оксидлари ҳавога чиқарилишини камайтириш» лойиҳасини белгиланган тартибда Ўзбекистон Республикасининг 2007 йили ва кейинги йиллардаги Инвестиция дастурига киритсин.

6. Белгилансинки, лойиҳани бажариш бўйича ҳисоб-китоблар Япониянинг би-

ринчи даражали банкида ёки учинчи мамлакатда очилган АТ «Ўзсаноатқурилиш-банк»нинг вакиллик ҳисобварағи орқали амалга оширилади.

7. Мазкур лойиҳани амалга ошириш доирасида Вазирлар Маҳкамасининг қарорлари билан тасдиқланадиган рўйхатлар бўйича олиб келинадиган импорт қилинадиган, республикада ишлаб чиқарилмайдиган материаллар, ускуналар ва улар учун эҳтиёт қисмлар ҳамда лойиҳа-техника ҳужжатларига божхона тўловлари (божхона расмийлаштируви йиғимларидан ташқари) тўлаш муддати 2008 йилнинг 31 декабригача узайтирилсин.

8. «Мицубиси Корпорейшн» (Япония) компанияси лойиҳани амалга ошириш доирасида оладиган даромадлари бўйича Ўзбекистон Республикаси ҳудудида тўлов манбаидан олинадиган даромад (фойда) солиғи тўлашдан озод этилсин.

9. Ўзбекистон Республикаси Ташқи ишлар вазирлиги «Ўзкимёсаноат» ДАКнинг талабномаларига кўра, лойиҳани амалга оширишда қатнашаётган хорижий компаниялар мутахассисларига, белгиланган тартибда, кўп марталик визалар беришни таъминлаб турсин.

10. Ўзбекистон Республикаси Ички ишлар вазирлиги «Ўзкимёсаноат» ДАКнинг талабномаларига кўра, лойиҳани амалга оширишда қатнашаётган хорижий компаниялар мутахассисларига кўп марталик визалар бериш ва муддатини узайтиришни, шунингдек вақтинча рўйхатдан ўтказиш ҳамда вақтинча рўйхатда туриш муддати узайтирилишини таъминлаб турсин.

11. Мазкур қарорнинг ижросини назорат қилиш Ўзбекистон Республикаси Бош вазирининг ўринбосарлари Р.С. Азимов ва Э.Р. Шоисматов зиммаларига юклансин.

+

Ўзбекистон Республикаси Президенти И. КАРИМОВ

-

Тошкент ш.,
2006 йил 25 декабрь,
ПҚ-540-сон

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

510 Халқаро шартномаларга қўшилиш тўғрисида

«Ўзбекистон Республикасининг халқаро шартномалари тўғрисида»ги Ўзбекистон Республикаси Қонунининг 21-моддасига мувофиқ:

1. Ўзбекистон Республикаси иловага* мувофиқ Евроосиё иктисодий ҳамжамиятининг халқаро шартномаларига қўшилсин.

2. Ўзбекистон Республикаси Ташқи ишлар вазирлиги Ўзбекистон Республикаси мазкур қарор иловасида кўрсатилган халқаро шартномалар кучга кириши учун зарур бўлган ички давлат тартиб-қоидаларини бажаргани тўғрисида депозитарийга тегишли билдиришнома йўлласин.

3. Ушбу қарорнинг 1-бандида кўрсатилган халқаро шартномалар Ўзбекистон Республикаси учун кучга киргандан сўнг:

Ўзбекистон Республикаси Бош вазири ўринбосарлари ҳамда тегишли вазирлик

* Илова рус тилидаги матнда берилган.

ва идораларнинг раҳбарлари белгиланган тартибда Ўзбекистон Республикаси мажбуриятлари ижроси устидан назоратни таъминласинлар;

Адлия вазирлиги манфаатдор вазирликлар ва идоралар билан биргаликда қонун ҳужжатларига ушбу халқаро шартномалардан келиб чиқадиган ўзгартиш ва қўшимчалар тўғрисида Ўзбекистон Республикаси Вазирлар Маҳкамасига таклифлар киритсин.

4. Мазкур қарорнинг ижросини назорат қилиш Ўзбекистон Республикаси Бош вазири Ш.М. Мирзиёев зиммасига юклансин.

Ўзбекистон Республикаси Президенти И. КАРИМОВ

Тошкент ш.,
2006 йил 27 декабрь,
ПҚ-542-сон

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

511 Халқаро шартномаларни тасдиқлаш тўғрисида

«Халқаро шартномалар тўғрисида»ги Ўзбекистон Республикаси Қонунининг 20-моддасига мувофиқ:

1. Қуйидагилар:

Ўзбекистон Республикаси Ҳукумати билан Қирғизистон Республикаси Ҳукумати ўртасида 2004 йил 24 июлда Бишкек шаҳрида имзоланган давлат чегараси орқали ўтказиш пунктлари ҳақидаги Битим;

Ўзбекистон Республикаси Ҳукумати билан Қирғизистон Республикаси Ҳукумати ўртасида 2004 йил 24 июлда имзоланган давлат чегараси орқали ўтказиш пунктлари ҳақидаги Битимга ўзгартиш ва қўшимчалар киритиш тўғрисида 2006 йил 24 августда Тошкент шаҳрида имзоланган Протокол тасдиқлансин.

2. Ўзбекистон Республикаси Ташқи ишлар вазирлиги (В. Норов) мазкур қарорда қайд этиб ўтилган халқаро шартномалар кучга кириши учун Ўзбекистон Республикаси зарур бўлган ички давлат тартиб-қоидаларини бажаргани тўғрисида Қирғизистон Республикасига тегишли билдиришнома йўлласин.

3. Ўзбекистон Республикаси Вазирлар Маҳкамаси ҳамда тегишли вазирлик ва идоралар раҳбарлари ушбу халқаро шартномалар кучга киргандан кейин Ўзбекистон Республикасининг уларда кўзда тутилган мажбуриятлари бажарилиши устидан белгиланган тартибда назоратни таъминласинлар.

4. Мазкур қарорнинг ижросини назорат қилиш Ўзбекистон Республикаси Президенти ҳузуридаги Миллий хавфсизлик кенгаши Котиби М. Атаев зиммасига юклансин.

Ўзбекистон Республикаси Президенти И. КАРИМОВ

Тошкент ш.,
2006 йил 28 декабрь,
ПҚ-544-сон

УЧИНЧИ БЎЛИМ

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

512 Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш тўғрисида (Ўзбекистон Республикаси Президентининг «Алкоголли маҳсулотларни ишлаб чиқариш ва сотиш самарадорлигини оширишга доир қўшимча чора-тадбирлар тўғрисида» 2006 йил 7 ноябрдаги ПҚ–505-сон қарори)

Ўзбекистон Республикаси Президентининг «Алкоголли маҳсулотларни ишлаб чиқариш ва сотиш самарадорлигини оширишга доир қўшимча чора-тадбирлар тўғрисида» 2006 йил 7 ноябрдаги ПҚ–505-сон қарорига мувофиқ Вазирлар Маҳкамаси **қарор қилади:**

1. Ўзбекистон Республикаси Ҳукуматининг иловага мувофиқ айрим қарорларига ўзгартириш ва қўшимчалар киритилсин.

2. Вазирлар Маҳкамасининг «Алкоголли ва тамаки маҳсулотларига акциз маркаларининг янги намуналарини жорий этиш тўғрисида» 2004 йил 4 февралдаги 54-сон қарори (Ўзбекистон Республикаси ҚТ, 2004 й., 2-сон, 9-модда) ўз кучини йўқотган деб ҳисоблансин.

3. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Р.С. Азимов зиммасига юклансин.

Ўзбекистон Республикасининг Бош вазири Ш. МИРЗИЁЕВ

Тошкент ш.,
2006 йил 18 декабрь,
260-сон

Вазирлар Маҳкамасининг
2006 йил 18 декабрдаги 260-сон қарорига
ИЛОВА

Ўзбекистон Республикаси Ҳукуматининг айрим қарорларига киритилаётган ўзгартириш ва қўшимчалар

1. Вазирлар Маҳкамасининг 1996 йил 14 августдаги 285-сон қарори билан тасдиқланган Ўзбекистон Республикасида четдан келтириладиган ва республиканинг ўзида ишлаб чиқариладиган тамаки маҳсулотлари ва спиртли ичимликларга акциз маркалари қўллаш тартиби тўғрисидаги низомда (Ўзбекистон Республикаси ҚТ, 1996 й., 8-сон, 24-модда):

а) 8-банднинг биринчи хатбоши қуйидаги тахрирда баён қилинсин:

Ўзбекистон Республикаси Қонун ҳужжатлари тўплами, 2006 й.

«8. Акциз маркалари мажбурий тартибда маркаланиши зарур бўлган маҳсулотларни ишлаб чиқарувчи ва четдан келтирувчи хўжалик юритувчи субъектларнинг буюртманомалари бўйича, буюртманомаларда тегишли равишда маҳаллий ишлаб чиқарувчилар учун — жойлардаги Давлат солиқ инспекцияси, импорт қилувчилар учун — Давлат божхона қўмитаси томонидан:

алкоголли маҳсулотлар маҳаллий ишлаб чиқарувчиларига — буюртма берилмаётган акциз маркалари миқдори номинал қийматининг 50 фоизи тўланганлиги;

тамаки маҳсулотлари маҳаллий ишлаб чиқарувчиларига — буюртма берилмаётган акциз маркалари миқдорининг номинал қиймати тўлиқ тўланганлиги;

алкоголли маҳсулотларни импорт қилувчиларга — буюртма берилмаётган акциз маркалари миқдорининг номинал қиймати тўлиқ ҳажмда ҳамда акциз солиғининг 50 фоизи тўланганлиги;

тамаки маҳсулотларини импорт қилувчиларга — буюртма берилмаётган акциз маркалари миқдорининг номинал қиймати тўлиқ ҳажмда ҳамда акциз солиғининг барча суммаси тўланганлиги тўғрисида белги қўйилган тақдирда «Пахта-банк»нинг минтақавий бўлинмалари томонидан берилади»;

б) 9-банднинг иккинчи жумласига «қайд этилади» сўзларидан кейин «шунингдек алкоголли маҳсулот қўйиладиган истеъмол идишининг литрдаги ҳажми кўрсатилади» сўзлари қўшилсин;

в) 14-бандда:

иккинчи хатбоши қўйидаги таҳрирда баён қилинсин:

«Тамаки маҳсулотларининг маҳаллий ишлаб чиқарувчилари акциз маркаларини уларнинг номинал қиймати бўйича, алкоголли маҳсулотларнинг маҳаллий ишлаб чиқарувчилари эса — акциз маркалари номинал қийматининг 50 фоизини тўлагандан кейин сотиб оладилар. Тамаки маҳсулотлари ва алкоголли маҳсулотларни импорт қилувчилар акциз маркаларини уларнинг номинал қиймати бўйича сотиб оладилар»;

тўртинчи хатбоши қўйидаги таҳрирда баён қилинсин:

«Тамаки маҳсулотларини импорт қилувчилар акциз маркаларини акциз солиғини тўлиқ миқдорда, алкоголли маҳсулотларни импорт қилувчилар эса — акциз солиғи суммасининг 50 фоизини тўлагандан кейин сотиб оладилар»;

г) Ишлаб чиқариладиган акциз товарларини маркалашнинг ва акциз солиғининг бюджетга келиб тушишининг принципал схемаси, Импорт қилинадиган акциз товарларини маркалашнинг ва бюджетга акциз солиғи келиб тушишининг принципал схемаси, Жисмоний шахслар томонидан олиб келинадиган акциз товарларини маркалашнинг ва бюджетга акциз солиғи тўлашнинг принципал схемаси чиқариб ташлансин.

2. Вазирлар Маҳкамасининг «Алкоголли маҳсулотлар ишлаб чиқариш ва уларнинг айланиши устидан давлат монополиясини кучайтириш ҳамда Ўзбекистон Республикаси ҳудудида алкоголли ва тамаки маҳсулотларини сотишдан бюджетга тушумни кўпайтириш юзасидан қўшимча чора-тадбирлар тўғрисида» 1998 йил 21 майдаги 221-сон қарори 1-бандининг учинчи хатбоши қўйидаги таҳрирда баён қилинсин:

«тамаки маҳсулотларини импорт қилувчилар акциз маркаларини акциз солиғини тўлиқ миқдорда, алкоголли маҳсулотларни импорт қилувчилар эса — акциз солиғи суммасининг 50 фоизини тўлагандан кейин сотиб оладилар».

3. Вазирлар Маҳкамасининг «Спирт ва алкоголли маҳсулотлар ишлаб чиқариш ва уларнинг айланиши устидан давлат назоратини мустаҳкамлаш юзасидан қўшимча чора-тадбирлар тўғрисида» 1999 йил 5 январдаги 2-сон қарорининг 9-банди (Ўзбе-

кистон Республикаси ҚТ, 1999 й., 1-сон, 2-модда) қуйидаги таҳрирда баён қилинсин:

«9. Алкоголли маҳсулотларга акциз маркалари ҳар 2 йилда белгиланган тартибда янгиланадиган тартиб ўрнатилсин, бунда уларнинг сифати ва муҳофаза даражасини тубдан яхшилаш назарда тутилсин».

4. Вазирлар Маҳкамасининг «Ўзбекистон Республикасига четдан келтириладиган ва республиканинг ўзида ишлаб чиқариладиган тамаки маҳсулотлари ва спиртли ичимликларга акциз маркаларини қўллаш тартиби тўғрисидаги низомга ўзгартиришлар киритиш тўғрисида» 2003 йил 11 ноябрдаги 496-сон қарорига илованинг 2 ва 3-бандлари (Ўзбекистон Республикаси ҚТ, 2003 й., 11-сон, 112-модда) чиқариб ташлансин.

5. Вазирлар Маҳкамасининг 2005 йил 30 декабрдаги 285-сон қарори билан тасдиқланган Этил спирти ва алкоголли маҳсулотлар ишлаб чиқариш фаолиятини лицензиялаш тўғрисидаги низомда (Ўзбекистон Республикаси ҚТ, 2005 й., 12-сон, 68-модда):

7-бандга қуйидаги мазмундаги хатбоши қўшилсин:

«алкоголли маҳсулотлар ишлаб чиқариш бўйича мавжуд йиллик ишлаб чиқариш қувватларидан камида 60 фоиз фойдаланишни таъминлаш, ишлаб чиқариш қувватларидан лицензияга боғлиқ бўлмаган ҳолатларга кўра фойдаланилмаган ҳоллар бундан мустасно;

ҳалқаро стандартларга мувофиқ келувчи сифатни бошқариш тизимини жорий этиш мажбуриятларини қабул қилиш»;

9-банднинг «в» кичик бандидаги «30» рақами «60» рақами билан алмаштирилсин.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

513 Ўзбекистон Республикасида автомобилотransпорт воситаларини бошқариш ҳуқуқини берувчи миллий ҳайдовчилик гувоҳномасининг янги намунасини тасдиқлаш тўғрисида

Ўзбекистон Республикаси Вазирлар Маҳкамасининг «Ўзбекистон Республикасида автомобилотransпорт воситаларини бошқариш ҳуқуқини бериш, ҳайдовчиларни тайёрлаш ва қайта тайёрлаш тартибини такомиллаштириш чоралари тўғрисида» 2006 йил 2 августдаги 156-сон қарорининг ижросини таъминлаш мақсадида Вазирлар Маҳкамаси **қарор қилади:**

1. Ўзбекистон Республикасида автомобилотransпорт воситаларини бошқариш ҳуқуқини берувчи миллий ҳайдовчилик гувоҳномаси ва талонининг янги намуналари ҳамда тавсифлари 1 ва 2-иловаларга мувофиқ тасдиқлансин ва 2007 йил 1 мартдан бошлаб амалга киритилсин.

2. Ўзбекистон Республикаси Ички ишлар вазирлиги 2007 йил 1 мартдан бошлаб миллий ҳайдовчилик гувоҳномаси ва унинг талонини амалда жорий этишни

Ўзбекистон Республикаси Қонун ҳужжатлари тўплами, 2006 й.

таъминлаш учун уларни тайёрлаш юзасидан буюртма берсин ва Давлат йўл ҳаракати хавфсизлиги хизматининг ҳудудий бўлинмаларига тақсимласин.

3. Ўзбекистон Республикаси Марказий банки ҳузуридаги «Давлат белгиси» давлат-ишлаб чиқариш бирлашмасига Ўзбекистон Республикаси Ички ишлар вазирлиги буюртмаси асосида миллий ҳайдовчилик гувоҳномаси ва унинг талонини етарли миқдорда, сифатли тайёрлаб бериш юклансин.

4. Ўзбекистон Республикаси Вазирлар Маҳкамасининг «Ўзбекистон Республикасида автомобилотранспорт воситалари ҳайдовчиларини тайёрлаш, қайта тайёрлаш (малакасини ошириш), имтиҳондан ўтказиш ва уларга миллий ҳайдовчилик гувоҳномалари бериш тартиби тўғрисида» 1998 йил 19 октябрдаги 445-сон қарори 2007 йил 1 мартдан бошлаб ўз кучини йўқотган деб ҳисоблансин.

5. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Н.М. Ханов ва Ички ишлар вазири Б.А. Матлюбов зиммасига юклансин.


Ўзбекистон Республикасининг Бош вазири Ш. МИРЗИЁЕВ

Тошкент ш.,
2006 йил 19 декабрь,
261-сон


Вазирлар Маҳкамасининг
2006 йил 19 декабрдаги 261-сон қарорига
1-ИЛОВА

Миллий ҳайдовчилик гувоҳномасининг намунаси

Олд томони

HAYDOVCHILIK GUVOHNOMASI	UZ	PERMIS DE CONDUIRE
 _____ M.O.	1. Familiyasi _____	
	2. Ismi _____ Otasining ismi _____	
	3. Tug'ilgan joyi _____ va sanasi _____	
	4. Yashash joyi _____	
	5. Berilgan joyi _____	
	6. Berilgan vaqti _____	
	7. Haqiqiylik muddati _____	
	8. Imtihon komissiyasi raisi imzosi _____	
10. Shahsiy imzo	9. AA	№ 000000

Орқа томони

OZBEKISTON RESPUBLIKASI				REPUBLIC OF UZBEKISTAN	
11. Boshqarish huquqi berilgan transport vositalarining toifalari					
A	Mototsikllar				
B	A toifasiga kirmaydigan to'la vazni 3,5 tonnagacha bo'lgan va haydovchi o'rnidan tashqari o'rindig'i 8 tadan oshmaydigan avtomobillar				
C	D toifasiga kirmaydigan to'la vazni 3,5 tonnadan ortiq yuk avtomobillari				
D	Yo'lovchi tashishga mo'ljallangan, haydovchi o'rnidan tashqari o'rindig'i 8 tadan ortiq avtomobillar				
E	Tirkamali transport vositalarini boshqarish huquqiga ega				
Talon _____ № _____					
Alohida belgilar uchun _____					
<small>«DAVLAT BELGISI» DICHB TBF. 2006</small>					

Хайдовчилик гувоҳномаси намунасининг ТАСНИФИ

Хайдовчилик гувоҳномаси тўртбурчак шаклдаги, ўлчамлари 102 x 62 мм. бўлган, зичлиги бир квадрат метрга 140+/-5 граммли 100% пахтадан олинган ва ультрабинафша нурда кўринмайдиган қоғоздан тайёрланади. Қоғоз қатлами орасига жойлашган, ультрабинафша нурда кўринадиган кўк ва оч яшил рангли тола ҳамда нурда яхши ажралиб турадиган «пахта чаноғи» кўринишидаги уч ўлчамли умумий «сув белги»си мавжуд. Офсетли ёзув, серияси икки ҳарфли, номери олти рақамли.

Бланка қўйидаги махсус ҳимояларга эга:

кимёвий таъсирга бардошли полиграф бўёқдан фойдаланилган, юза қисмидаги катакларда нусха олишга ва сканер қилишга қарши ингичка чизиқлар мавжуд. Бир рангдан бошқа рангга расм чизиқлари бузилмасдан оҳиста жилоланиши таъминланган. Жуда катталаштирилганда микроматн кўринади, ультрабинафша нурда кўринмайдиган тасвирлар ва еттита рақамли сон кўринади. Махсус кабарик ва ўйиқлар мавжуд.

Лотин алифбоси ҳарфларидаги ўзбек тили қўлланган.

«Хайдовчилик гувоҳномаси»нинг олд томонида унинг номланиши ўзбек ва француз тилларида ёзилган, Вена конвенцияси талабида белгиланган мажбурий маълумотларнинг 10 та банди киритилган, фотосурат ва муҳр ўрни кўрсатилган.

Хайдовчилик гувоҳномасининг орқа томонида Республика номи ўзбек ва инглиз тилларида ёзилган, Ўзбекистон Республикаси герби туширилган. Вена конвенцияси талабида белгиланган мажбурий маълумотларнинг 11-банди киритилган. А, В, С, D ва E тоифалари қисқа тавсифи билан ёзилган ва бериладиган рухсат белгиси учун жой кўрсатилган. Шунингдек, хайдовчилик гувоҳномаси талони серияси ва рақамлари, алмаштирилганлиги ҳамда дубликати берилганлиги тўғрисидаги маълумотлар кўрсатилган.

Вазирлар Маҳкамасининг
2006 йил 19 декабрдаги 261-сон қарорига
2-ИЛОВА

Миллий ҳайдовчилик гувоҳномаси талонининг намунаси

Олд томони

_____ seriya _____ raqam belgisi haydovchilik guvohnomasiga	A
Talon O'zR № 000000	B
Familiyasi _____	D
Ismi _____	E
Otasining ismi _____	
Qaysi YHXB bergan _____	
20__ yil «__» _____ <small>Imtihon komissiyasi raisi imzosi (imzo)</small>	
M.O' _____	
Haydovchilik guvohnomasi olib qo'yilgan kundan boshlab 30 kun muddatga transport vositasini boshqarish huquqini beradi.	
Quyidagi yo'l harakati qoidabuzarliklari sodir etilgan taqdirda ogohlantirish taloniga belgi qo'yiladi.	
<ol style="list-style-type: none"> 1. Transport vositasini mast holda boshqarish. 2. Belgilangan tezlikni oshirish. 3. Temir yo'l kesishmalaridan o'tish qoidalari 4. Quvib o'tish qoidasi, chorrahalaridan o'tish, odam tashish, piyodalar yurish joylari hamda jamoat transporti to'xtash joylaridagi yo'l qoidabuzarliklar. 5. Boshqaruv signallariga, yo'l belgi talablari va o'tish joylaridagi yo'l chiziqlarga rioya qilmaslik. 6. Har qanday to'siqsiz o'tib ketish huquqiga ega bo'lgan transport vositalarini o'tkazib yubormaslik. 7. Ma'lum talablar asosida foydalanish qat'iyan man etilgan, o'zboshimchalik bilan davlat raqam belgisi yechib qo'yilgan yoki yasama davlat raqam belgi bilan yurgan qoidabuzarlik. 8. Yoritish asboblariidan foydalanish qoyidalarini buzish. 9. Oynalarining yorug'lik o'tkazuvchanligi me'yorida kam, telefondan foydalanish qoidalari. 	

Орқа томони

MJTK moddasi	Qoida buzilgan sanasi	Jazo turi	Jazoning ijro etilgan vaqti

Guvohnomasi olib qo'yilgan 20__ y. «__» _____

M.O' _____
(mansabi, familiyasi, ismi, otasining ismi)

Qaytarib berilgan 20__ y. «__» _____

Guvohnomasi olib qo'yilgan 20__ y. «__» _____

M.O' _____
(mansabi, familiyasi, ismi, otasining ismi)

Qaytarib berilgan 20__ y. «__» _____

Guvohnomasi olib qo'yilgan 20__ y. «__» _____

M.O' _____
(mansabi, familiyasi, ismi, otasining ismi)

Qaytarib berilgan 20__ y. «__» _____

Guvohnomasi olib qo'yilgan 20__ y. «__» _____

M.O' _____
(mansabi, familiyasi, ismi, otasining ismi)

Qaytarib berilgan 20__ y. «__» _____

«DAVLAT BELGISI» DICHB TBF. 2006

Ҳайдовчилик гувоҳномаси талони намунасининг ТАСНИФИ

Ҳайдовчилик гувоҳномасининг талони тўртбурчак шаклдаги, ўлчамлари 102 x 62 мм. бўлган, зичлиги бир квадрат метрга 140+/-5 граммли 100% пахтадан олинган ва ультрабинафша нурда кўринмайдиган қоғоздан тайёрланади. Қоғоз қатлами орасига жойлашган, ультрабинафша нурда кўринадиган кўк ва оч яшил рангли тола ҳамда нурда яхши ажралиб турадиган «пахта чаноғи» кўринишидаги уч ўлчамли умумий «сув белги»си мавжуд. Офсетли ёзув, серияси «O'zR», номери еттита рақамли.

Бланка қўйидаги махсус ҳимояларга эга:

кимёвий таъсирга бардошли полиграф бўёқдан фойдаланилган, юза қисмидаги катакларда нусха олишга ва сканер қилишга қарши ингичка чизиқлар мавжуд. Бир рангдан бошқа рангга расм чизиқлари бузилмасдан оҳиста жилोलаниши таъминлан-

Ўзбекистон Республикаси Қонун ҳужжатлари тўплами, 2006 й.

ган. Жуда катталаштирилганда микроатн кўринади, ультрабинафша нурда кўринмайдиган тасвирлар ва еттита рақамли сон кўринади. Махсус кабарик ва ўйиклар мавжуд.

Лотин алифбоси ҳарфларидаги ўзбек тили қўлланган.

Талоннинг олд томонида берилган ҳайдовчилик гувоҳномасининг серияси ва рақамларини ёзиш учун жой, бланка номи ва унинг серияси ҳамда номери, эгаси ҳақида маълумот, ким томонидан қачон берилганлиги, А, В, С, D ва E тоифалари кўрсатилган, нурда аниқ кўринувчи саккиз қиррали юлдуз расми ва «UZ» ёзуви туширилган.

Ҳайдовчилик гувоҳномаси талонининг орқа томонидан йўл қўйилган қоида бузилишларини қайд этиш учун жадвал, ҳайдовчилик гувоҳномаси ким томонидан ва қачон олиб қўйилганлиги тўғрисида белгилар учун жой ва муҳр ўрни кўрсатилган. Тоифалари бўйича транспорт воситаларининг сурати туширилган.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

514 Ўзбекистон Республикаси Ҳукуматининг айрим қарорларига ўзгартиришлар киритиш ва баъзиларини ўз кучини йўқотган деб ҳисоблаш тўғрисида (Ўзбекистон Республикаси Президентининг «2006—2008 йилларда тўқимачилик корхоналарини модернизация қилиш ва техникавий қайта жиҳозлаш Дастури тўғрисида» 2006 йил 13 ноябрдаги ПҚ-510-сон қарори)

Ўзбекистон Республикаси Президентининг «2006—2008 йилларда тўқимачилик корхоналарини модернизация қилиш ва техникавий қайта жиҳозлаш Дастури тўғрисида» 2006 йил 13 ноябрдаги ПҚ-510-сон қарорига мувофиқ Вазирлар Маҳкамаси **қарор қилади:**

1. Вазирлар Маҳкамасининг «Республика тўқимачилик тармоғига инвестициялар жалб этиш чора-тадбирлари тўғрисида» 2005 йил 27 январдаги 38-сон қарорига қуйидаги ўзгартиришлар киритилсин:

6-банддаги «Ўзбекенгилсаноат» давлат-акциядорлик компанияси ҳузуридаги эксперт кенгаши томонидан маъқулланган» сўзлари «Енгил саноат корхоналарини қуриш, қайта ихтисослаштириш ва модернизация қилиш бўйича таклифларни кўриб чиқадиган идоралараро экспертлар кенгаши томонидан маъқулланган» сўзлари билан алмаштирилсин;

7-банд ўз кучини йўқотган деб ҳисоблансин.

2. Қуйидагилар:

Вазирлар Маҳкамасининг «Ўзбекистон Республикаси Ҳукуматининг айрим қарорларига ўзгартиришлар киритиш ва баъзиларини ўз кучини йўқотган деб ҳисоблаш тўғрисида» 2005 йил 8 сентябрдаги 206-сон қарорига 1-илованинг 77-банди (Ўзбекистон Республикаси ҚТ, 2005 й., 9-10-сон, 48-модда);

Вазирлар Маҳкамасининг «Ўзбекенгилсаноат» давлат-акциядорлик компанияси хузуридаги энгил саноат корхоналарини қуриш, қайта ихтисослаштириш ва замонавийлаштириш бўйича таклифларни кўриб чиқиш эксперт кенгаши таркибига ўзгартиришлар киритиш тўғрисида» 2005 йил 25 октябрдаги 235-сон қарори ўз кучини йўқотган деб ҳисоблансин.

Ўзбекистон Республикасининг Бош вазири Ш. МИРЗИЁЕВ

Тошкент ш.,
2006 йил 21 декабрь,
262-сон

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ

515 Мадрид битимига доир Баённомага (Мадрид, 1989 йил 27 июнь) мувофиқ белгиларни халқаро рўйхатдан ўтказишда ундириладиган якка тартибдаги божларнинг ставкаларини белгилаш тўғрисида

«Ўзбекистон Республикасининг Белгиларни халқаро рўйхатдан ўтказиш тўғрисидаги Мадрид битимига доир Баённомага (Мадрид, 1989 йил 27 июнь) қўшилиши ҳақида»ги Ўзбекистон Республикаси Қонунини бажариш юзасидан Вазирлар Маҳкамаси **қарор қилади:**

1. Белгиларни халқаро рўйхатдан ўтказиш тўғрисидаги Мадрид битимига доир Баённомага (Мадрид, 1989 йил 27 июнь) мувофиқ белгиларни халқаро рўйхатдан ўтказишда Ўзбекистон Республикаси норезидентларидан ундириладиган якка тартибдаги божлар ставкалари иловага мувофиқ тасдиқлансин.

2. Белгилансинки, Ўзбекистон Республикаси Давлат патент идорасининг валюта ҳисоб рақамига тушадиган якка тартибдаги бож маблағлари қуйидаги тартибда тақсимланади:

90 фоизи Давлат бюджети даромадига ўтказилади;

10 фоизи улардан идоранинг моддий-техника базасини мустаҳкамлашда ҳамда саноат объектларини ва интеллектуал мулкнинг бошқа турларини ҳуқуқий муҳофаза қилиш соҳасида халқаро ташкилотларда қатнашганлик учун аъзолик бадалларини тўлашда фойдаланиш учун (камида 50 фоизи), шунингдек ходимларни моддий рағбатлантириш учун Ўзбекистон Республикаси Давлат патент идорасининг бюджетдан ташқари ҳисоб рақамига ўтказилади.

3. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Р.С. Азимов зиммасига юклансин.

Ўзбекистон Республикасининг Бош вазири Ш. МИРЗИЁЕВ

Тошкент ш.,
2006 йил 21 декабрь,
263-сон

Вазирлар Маҳкамасининг
2006 йил 21 декабрдаги 263-сон қарорига
ИЛОВА

**Мадрид битимига доир Баённомага (Мадрид, 1989 йил
27 июнь) мувофиқ белгиларни халқаро рўйхатдан ўтказишда
ундирилладиган яқка тартибдаги божлар ставкалари**

Бож коди	Божнинг номи	Ставкалар (АҚШ доллари)
1.	Белгининг халқаро рўйхатдан ўтказилиши натижасида пайдо бўладиган муҳофаза қилишни ёйиш тўғрисидаги аризада Ўзбекистон Республикаси кўрсатилганлиги учун, шунингдек ҳудудий кенгайтириш тўғрисидаги аризада Ўзбекистон Республикаси кўрсатилганлиги учун:	
1.1.	белгиларни рўйхатдан ўтказиш мақсадлари учун товарлар ва хизматлар халқаро таснифининг бир классига учун	1200
1.2.	бир классдан ортиқ бўлган товарлар ва хизматларнинг ҳар бир қўшимча классига учун:	120
2.	Жамоа белгиси халқаро рўйхатдан ўтказилиши натижасида пайдо бўладиган муҳофаза қилиш ёйилиши тўғрисидаги аризада Ўзбекистон Республикаси кўрсатилганлиги учун, шунингдек ҳудудий кенгайтириш тўғрисидаги аризада Ўзбекистон Республикаси кўрсатилганлиги учун:	
2.1.	белгиларни рўйхатдан ўтказиш мақсадлари учун товарлар ва хизматлар халқаро таснифининг бир классига учун	1800
2.2.	бир классдан ортиқ бўлган товарлар ва хизматларнинг ҳар бир қўшимча классига учун	180
3.	Кўрсатиб ўтилган Баённомага мувофиқ рўйхатдан ўтказилган белгининг халқаро рўйхатдан ўтказилганлиги узайтирилганлиги учун:	
3.1.	белгиларни рўйхатдан ўтказиш мақсадлари учун товарлар ва хизматлар халқаро таснифининг бир классига учун	600
3.2.	бир классдан ортиқ бўлган товарлар ва хизматларнинг ҳар бир қўшимча классига учун	60
4.	Кўрсатиб ўтилган Баённомага мувофиқ рўйхатдан ўтказилган жамоа белгиси халқаро рўйхатдан ўтказилганлиги узайтирилганлиги учун:	
4.1.	белгиларни рўйхатдан ўтказиш мақсадлари учун товарлар ва хизматлар халқаро таснифининг бир классига учун	1200
4.2.	бир классдан ортиқ бўлган товарлар ва хизматларнинг ҳар бир қўшимча классига учун	120

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ**516 Ўзбекистон Республикаси давлат муассасалари тиббиёт ва фармацевтика ходимлари меҳнатига ҳақ тўлаш тартиби ва шартлари тўғрисидаги низомга қўшимчалар киритиш ҳақида**

Ўзбекистон Республикаси Президентининг «Ўрта бўгин тиббиёт ходимларининг касбий савияси ва малакасини оширишни рағбатлантиришга оид қўшимча чора-тадбирлар тўғрисида» 2006 йил 6 декабрдаги ПКҚ-524-сон қарорига мувофиқ Вазирлар Маҳкамаси **қарор қилади:**

1. Вазирлар Маҳкамасининг 2005 йил 21 декабрдаги 276-сон қарори (Ўзбекистон Республикаси ҚТ, 2005 й., 12-сон, 64-модда) билан тасдиқланган Ўзбекистон Республикаси давлат муассасалари тиббиёт ва фармацевтика ходимлари меҳнатига ҳақ тўлаш тартиби ва шартлари тўғрисидаги низомга иловага мувофиқ қўшимчалар киритилсин.

2. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосарлари Р.С. Азимов ва Р.С. Қосимов зиммасига юклансин.

Ўзбекистон Республикасининг Бош вазири Ш. МИРЗИЁЕВ

Тошкент ш.,
2006 йил 25 декабрь,
269-сон

Вазирлар Маҳкамасининг
2006 йил 25 декабрдаги 269-сон қарорига
ИЛОВА

Ўзбекистон Республикаси давлат муассасалари тиббиёт ва фармацевтика ходимлари меҳнатига ҳақ тўлаш тартиби ва шартлари тўғрисидаги низомга киритилаётган қўшимчалар

1. V бўлимга қуйидаги мазмундаги 23¹-банд қўшилсин:

«23¹. Олий маълумотга эга бўлган тиббиёт ҳамшираларига тариф ставкасининг 10 фоизи миқдорида қўшимча тўлов белгиланади.

Бош тиббиёт ҳамшираларига тариф ставкасининг 5 фоизи миқдорида қўшимча тўлов белгиланади».

2. 24-бандга қуйидаги мазмундаги учинчи хатбоши қўшилсин:

«шошилич тиббий ёрдам хизматининг олий маълумотга эга бўлган тиббиёт ҳамшираларига: узлуксиз ишланган стажнинг биринчи уч йили учун ҳамда ҳар бир кейинги икки йил учун тариф ставкасига нисбатан 10 фоиздан миқдорда белгиланади, устаманинг энг кўп миқдори — 40 фоиз»;

учинчи—еттинчи хатбоши тегишли равишда тўртинчи—саккизинчи хатбоши ҳисоблансин.

3. 25-бандда:

Ўзбекистон Республикаси Қонун ҳужжатлари тўплами, 2006 й.

тўртинчи хатбошига «олий маълумотга эга бўлган тиббиёт ҳамширалари учун эса тариф ставкасининг 20 фоизи миқдориди» сўзлари қўшилсин;

бешинчи хатбошига «олий маълумотга эга бўлган тиббиёт ҳамширалари учун эса тариф ставкасининг 30 фоизи миқдориди» сўзлари қўшилсин.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ

517 Халқ истеъмол товарлари кўргазмалари ва ярмаркаларини ўтказиш соҳасида «Ўзулгуржисавдоинвест» уюшмаси фаолиятини фаоллаштиришга доир қўшимча чоратadbирлар тўғрисида

Халқ истеъмол товарлари ишлаб чиқарувчилари билан савдо корхоналари ўртасида яқин ўзаро алоқалар ўрнатиш, республика, минтақавий ва халқаро кўргазма-ярмаркаларини тизимли асосда ўтказишни ташкил этиш мақсадида Вазирлар Маҳкамаси **қарор қилади:**

1. Ўзбекистон Республикаси Давлат мулки қўмитаси, Тошкент шаҳар ҳокимлиги, «Ўзкўргазмасавдо» очик акциядорлик жамияти акциядорлари ҳамда «Ўзулгуржисавдоинвест» улгуржи савдо корхоналари уюшмасининг «Ўзкўргазмасавдо» очик акциядорлик жамиятини Халқ истеъмол товарларининг кўргазма-ярмарка савдоси республика маркази ёпиқ акциядорлик жамияти сифатида қайта ташкил этиш тўғрисидаги таклифига розилик берилсин.

2. Қуйидагилар Халқ истеъмол товарларининг кўргазма-ярмарка савдоси республика маркази ёпиқ акциядорлик жамиятининг асосий вазифалари этиб белгилансин:

ватанимиз ишлаб чиқарувчилари томонидан ишлаб чиқарилаётган товарларнинг республика, минтақавий ва халқаро кўргазма-ярмаркаларини, шунингдек уларнинг мавзули кўргазма-ярмаркаларини ўтказишни ташкил этиш;

ватанимиз корхоналарига ва хорижий корхоналарга ишбилармонлик алоқалари ўрнатиш учун ҳамкорлар топишда кўмаклашиш;

кўргазмалар ва ярмаркаларда контрактлар тузиш ва уларни бажариш юзасидан савдо, ахборот, консалтинг, маркетинг хизматлари ва бошқа хизматлар кўрсатиш;

ватанимизнинг халқ истеъмол товарлари технологияси, фани ва ишлаб чиқаришининг энг яхши ютуқларини реклама ва ахборот билан таъминлаш;

ватанимиз ишлаб чиқарувчиларининг халқаро кўргазмалар ва ярмаркаларда иштирок этишини ташкил қилиш.

3. Улгуржи савдо корхоналари уюшмаси Халқ истеъмол товарларининг кўргазма-ярмарка савдоси республика маркази ёпиқ акциядорлик жамияти билан биргаликда халқ истеъмол товарларининг республика, минтақавий ва халқаро кўргазма-ярмаркаларини тизимли асосда ўтказилишини таъминласин.

4. Ўзбекистон Республикаси Давлат мулки қўмитаси:

Халқ истеъмол товарларининг кўргазма-ярмарка савдоси республика маркази

ёпиқ акциядорлик жамияти акцияларининг давлатга тегишли пакетини унинг самарали бошқарилишини таъминлаш мақсадида «Ўзулгуржисавдоинвест» уюшмасига берсин;

«Ўзкўргазмасавдо» очик акциядорлик жамияти устав фондидаги Давлат мулки қўмитасига ва Тошкент шаҳар ҳокимлигига тегишли акциялар пакети ҳисобига ҳамда Давлат мулки қўмитаси томонидан давлат тасарруфидан чиқариш ва хусусийлаштиришдан тушадиган маблағларга ушбу жамиятнинг бошқа акциядорларидан акцияларни номинал қиймати бўйича сотиб олиш ҳисобига Халқ истеъмол товарларининг кўргазма-ярмарка савдоси республика маркази ёпиқ акциядорлик жамияти устав фонди шакллантирилишини таъминласин;

манфаатдор вазирликлар ва идоралар билан биргаликда бир ой муддатда қонун ҳужжатларига ушбу қарордан келиб чиқувчи ўзгартириш ва қўшимчалар тўғрисида Вазирлар Маҳкамасига таклифлар киритсин.

5. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Р.С. Азимов зиммасига юклансин.

Ўзбекистон Республикасининг Бош вазири Ш. МИРЗИЁЕВ

Тошкент ш.,
2006 йил 29 декабрь,
270-сон

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ

518 Якка тартибдаги уй-жой қурилиши тўғрисидаги низомни тасдиқлаш ҳақида

«Ипотека» тўғрисидаги Ўзбекистон Республикаси Қонунига, Ўзбекистон Республикаси Президентининг «Бозор ислохотларини чуқурлаштириш ва иқтисодиётни янада эркинлаштириш соҳасидаги устувор йўналишлар амалга оширилишини жадаллаштириш чора-тадбирлари тўғрисида» 2005 йил 14 июндаги ПФ–3618-сон Фармонида, Ўзбекистон Республикаси Президентининг «Уй-жой қурилиши ва уй-жой бозорини янада ривожлантириш чора-тадбирлари тўғрисида» 2005 йил 16 февралдаги ПК–10-сон қарорига мувофиқ ҳамда республикада якка тартибда уй-жой қурилишини тартибга солиш мақсадида Вазирлар Маҳкамаси **қарор қилади:**

1. Якка тартибдаги уй-жой қурилиши тўғрисидаги низом 1-иловага мувофиқ тасдиқлансин.

2. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари мазкур қарор билан тасдиқланган Низом талабларига жойларда сўзсиз риоя қилиниши устидан назоратни таъминласинлар.

3. Ўзбекистон Республикаси Ҳукуматининг 2-иловага мувофиқ айрим қарорлари ўз кучини йўқотган деб ҳисоблансин.

4. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Н.М. Ханов зиммасига юклансин.

Ўзбекистон Республикасининг Бош вазири Ш. МИРЗИЁЕВ

Тошкент ш.,
2006 йил 30 декабрь,
272-сон

Вазирлар Маҳкамасининг
2006 йил 30 декабрдаги 272-сон қарорига
1-ИЛОВА

Якка тартибдаги уй-жой қурилиши тўғрисида НИЗОМ

I. Умумий қоидалар

1. Якка тартибдаги уй-жой қурилиши тўғрисидаги мазкур Низом (кейинги ўринларда «Низом» деб юритилади) «Ипотека» тўғрисидаги Ўзбекистон Республикаси Қонунига, Ўзбекистон Республикаси Президентининг «Уй-жой қурилиши ва уй-жой бозорини янада ривожлантириш чора-тадбирлари тўғрисида» 2005 йил 16 февралдаги ПҚ-10-сон қарорига мувофиқ фуқаролар томонидан Ўзбекистон Республикаси ҳудудида якка тартибда уй-жой қуришни ташкил этиш тартибини белгилаб беради.

2. Мазкур Низомда қуйидаги асосий тушунчалар қўлланилади:

якка тартибдаги уй-жой — бир ер участкасида жойлашган, доимий яшаш, дам олиш ва шахсий хўжаликни юритишга мўлжалланган ёрдамчи-хўжалик иморатлари ва ҳовлидаги иншоотлар тегишли бўлган бир ёки бир неча турар жой иморати (кейинги ўринларда «уй-жой» деб юритилади);

ёрдамчи-хўжалик иморатлари — уй ҳайвонлари ва паррандаларни сақлаш учун иморатлар, омборхона, гараж, ёзги ошхона, тандирхона, ертўла, ҳаммом, ҳовлидаги хожатхона, душхона, иссиқхона, ҳовуз, сауна, буғ қозонхонаси ва одамларнинг вақтинча бўлиши билан боғлиқ ишларнинг ҳар хил турларини бажаришга мўлжалланган бошқа функционал иморатлар;

ҳовлидаги иншоотлар — тўсик, дарвоза, эшик, қудук, фаввора ва одамларнинг яшашига ҳамда майший ва ишлаб чиқариш мақсадларида фойдаланишга мўлжалланмаган бошқа ясси ёки линияли иншоотлар;

уйнинг турар жой майдони — кишилар яшайдиган хоналарнинг ички габаритлари бўйича майдоннинг жами;

уйнинг умумий майдони — одамлар яшайдиган барча хоналар, уйнинг ёрдамчи-хўжалик иморатлари (ошхона, ваннахона, йўлак ва бошқалар) майдони жами;

уйни реконструкция қилиш — меъморчилик-режалаштириш ечимларини ўзгартириш, уйнинг устига, ёнига қўшимча қуриш, эскирган ва маънавий эскирган конструкциялар ва муҳандислик иншоотларини, шу жумладан ташқи тармоқларни (магистраль тармоқдан ташқари) қисмларга ажратган, алмаштирган ҳолда ўзгартириш.

3. Ўзбекистон Республикасининг ҳар бир фуқароси ўзининг ва оиласининг эҳтиёжлари учун қонун ҳужжатларига ва мазкур Низомга риоя қилган ҳолда зарур

ёрдамчи-хўжалик иморатлари ва ҳовлидаги иншоотлар билан бирга хусусий мулк ҳуқуқида уй қуриш ҳуқуқига эгадир.

4. Ажратиладиган участка доирасида якка тартибда уй қурувчилар учун уйнинг майдони чегараланмайди.

5. Шаҳарсозлик фаолияти алоҳида тартибга соладиган ҳудудларда уйнинг неча қават эканлиги аҳоли пунктларининг тасдиқланган бош режаларига мувофиқ туманлар (шаҳарлар) архитектура ва қурилиш органлари томонидан белгиланади ва улар билан келишилади.

6. Ер участкалари давлат ва жамоат эҳтиёжлари учун олиб қўйилиши муносабати билан фуқароларнинг мулки бўлган уйлар бузилган тақдирда ер участкалари бериш ва уйлар қуриш Ўзбекистон Республикаси Вазирлар Маҳкамасининг «Ер участкалари давлат ва жамоат эҳтиёжлари учун олиб қўйилиши муносабати билан фуқароларга ва юридик шахсларга зарарларни қоплаш тартиби тўғрисидаги низомни тасдиқлаш ҳақида» 2006 йил 29 майдаги 97-сон қарори билан тартибга солинади.

II. Якка тартибдаги уй-жой қурилиши учун ер участкалари бериш (реализация қилиш)

7. Якка тартибда уй-жой қуриш учун ер участкаси — бу қайд этилган чегарага, майдонга, жойлашган жойга, ҳуқуқий режимга ва давлат ер кадастрида акс этириладиган бошқа тавсифларга эга бўлган якка тартибда уй-жой қуриш учун мўлжалланган ер фондининг бир қисми.

8. 2008 йил 1 январгача якка тартибда уй-жой қуриш учун ер участкаси туманлар (шаҳарлар) ҳокимлари томонидан қишлоқ хўжалиги ва ўрмон хўжалиги таркибига кирмайдиган ерлардан белгиланган тартибда фақат Ўзбекистон Республикаси фуқароларига бир оилага 0,06 гектаргача мерос қилиб қолдириладиган умрбод эгалик қилиш учун берилади.

9. 2008 йил 1 январдан бошлаб якка тартибда уй-жой қуриш учун ер участкалари кимосди асосида фуқароларга қонун ҳужжатларида белгиланган тартибда сотилади.

III. Ер участкалари беришда (реализация қилишда) фуқароларнинг аризаларини кўриб чиқиш тартиби

10. Якка тартибда уй-жой қуриш учун ер участкаси олиш учун ариза туман (шаҳар) ҳокимлигига берилади.

Аризага ариза берувчининг доимий яшаш жойи бўйича турар жойларнинг кадастр иши нусхаси (мавжуд бўлган тақдирда) ва фуқароларнинг ўзини ўзи бошқариш органларининг оиланинг таркиби тўғрисидаги маълумотномаси илова қилинади.

11. Ариза туман (шаҳар) ҳокими бошчилик қиладиган, ер участкалари бериш (реализация қилиш) масалаларини кўриб чиқиш бўйича доимий ишлайдиган комиссия (кейинги ўринларда «комиссия» деб юритилади) томонидан кўриб чиқилади. Комиссия таркибига «Ергеодезкадастр» давлат қўмитаси, табиатни муҳофаза қилиш, архитектура ва қурилиш органлари, санитария-эпидемиология хизмати, фуқаролар йиғинлари вакиллари ва бошқа шахслар киритилади.

12. Комиссия ариза олинган кундан бошлаб 10 кун муддатда ер участкаси бе-

ришнинг мақсадга мувофиқлиги ёки ер участкаси бериш асосли равишда рад этилиши тўғрисида хулоса чиқаради.

Фуқароларга белгиланган тартибда кимошди савдосида ер участкасини сотишда комиссиянинг қарори талаб қилинмайди.

13. Ер участкалари биринчи навбатда:

ер давлат ва жамоат эҳтиёжлари учун олиб қўйилиши муносабати билан уйлари бузилаётган фуқароларга;

Иккинчи жаҳон уруши ногиронлари ва қатнашчиларига;

байналмилал жангчиларга;

ҳалок бўлган ҳарбий хизматчилар ва уларга тенглаштирилган шахсларнинг оилаларига;

меҳнат фахрийларига;

ўзлари эгаллаб турган давлат турар жой фондининг турар жойларини шаҳар ва туман ҳокимликларига бераётган фуқароларга берилади.

14. Туман (шаҳар) ҳокими комиссиянинг ижобий хулосаси асосида 10 кун муддатда яқка тартибда уй-жой қуриш учун ер участкаси бериш тўғрисида қарор қабул қилади.

Ер участкасини кимошди асосида сотишда ҳокимнинг қарори кимошди натижалари асосида 10 кун муддатда қабул қилинади.

15. Туман (шаҳар) ҳокимининг қарори асосида туман (шаҳар) архитектура ва қурилиш органлари томонидан «Ергеодезкадастр» давлат қўмитасининг ҳудудий органлари билан биргаликда уч кун муддатда ер участкаси ажратиш ва унинг чегараларини натурада чиқариш амалга оширилади ҳамда қуйидаги ҳужжатлар берилади:

туман (шаҳар) ҳокимининг қароридан кўчирма;

участка чегаралари чизилган массивнинг бош режасидан нусха.

16. Ер участкалари бериш тўғрисида илтимос қилган барча фуқароларга ер участкалари ажратиш имконияти бўлмаган ҳолларда туман (шаҳар) ҳокимлиги ер участкалари олишга эҳтиёжмандларнинг ҳисобини юритади.

Навбатда туриш тартибда ер участкалари олишга эҳтиёжманд бўлган фуқаролар рўйхати туман (шаҳар) ҳокими томонидан бир йилда камида бир марта тасдиқланади.

17. Илтимос қилувчилар ер участкаси беришнинг тахминий муддати кўрсатилган ҳолда тасдиқланган рўйхатга киритилганлик тўғрисида хабардор қилиниши керак.

18. Яқка тартибда уй-жой қуриш учун мўлжалланган бўш ер участкалари мавжуд эмаслиги ер участкаси бериш рад этилиши учун асос ҳисобланади.

19. Ер участкаси бериш рад этилган тақдирда ҳокимлик уч кун муддатда бу ҳақда ариза берувчини ёзма равишда хабардор қилади.

Ер участкаси бериш рад этилиши устидан қонун ҳужжатларида белгиланган тартибда шикоят қилиш мумкин.

IV. Лойиҳа ҳужжатларини ишлаб чиқиш, тасдиқлаш ва қурилиш ишларини бажариш ҳуқуқига рухсат бериш

20. Уй-жой қурилиши намунавий ёки яқка тартибда ишлаб чиқилган лойиҳа бўйича амалга оширилиши мумкин, яқка тартибда ишлаб чиқилган лойиҳа туман (шаҳар) архитектори билан келишилиши керак.

21. Уй-жой қурилишига лойиҳа қуйидагиларни ўз ичига олади:

ерости ва ерусти муҳандислик коммуникациялари акс эттирилган ер участкаси режаси;

уй-жойнинг пойдеворлари, ертўлалари, қаватлари, кесимлари ва фасадлари режалари;

смета-молия ҳисоб-китоби (кредит олишга эҳтиёж бўлганда).

22. Мазкур Низомда белгиланган тартибда келишилган уй-жой қурилишига якка тартибдаги ёки намунавий лойиҳа уй-жой қуриш бўйича қурилиш ишларини бошлаш учун асос ҳисобланади.

23. Якка тартибдаги уй-жой қурилиши:

пудрат усули билан;

ҳўжалик усули билан (қурувчиларнинг ўз кучи билан) амалга оширилиши мумкин.

24. Уй-жой, ёрдамчи-ҳўжалик иморатлари ва ҳовлидаги иншоотлар қурилиши шаҳарсозлик нормалари ва қоидаларига риоя қилган ҳолда амалга оширилиши керак.

25. Бир ер участкасида икки ёки ундан ортиқ оилага тегишли бўлган бир нечта уй-жой қурилишига йўл қўйилади.

26. Якка тартибдаги уй-жой қурилишини молиялаштириш якка тартибдаги уй-жойни қураётган шахснинг (кейинги ўринларда «қурувчи» деб юритилади) ўз маблағлари, банкнинг ипотека кредитлари ва қонун ҳужжатларида белгиланган тартибда бошқа қарз маблағлари ҳисобига амалга оширилади.

V. Уй-жойларнинг техник назорати, уларни қабул қилиш, хатловдан ўтказиш ва уларга бўлган ҳуқуқни давлат рўйхатидан ўтказиш

27. Якка тартибдаги уй-жой қурилиши устидан техник назоратни қурувчи амалга оширади.

Туман (шаҳар) архитектура ва қурилиш органлари уй-жой қурилишида шаҳарсозлик нормалари ва қоидаларига риоя қилиниши устидан назоратни амалга оширадilar.

28. Уй-жой қурилиши тугаллангандан кейин қурувчи туман (шаҳар) ҳокими томонидан уй-жойни фойдаланишга қабул қилиш юзасидан ташкил этиладиган қабул қилиш комиссиясига мурожаат қилади.

Қабул қилиш комиссияси жойнинг ўзига бориб қурилиши тугалланган уй-жойни фойдаланишга қабул қилиш далолатномаси тузади.

«Ергеодезкадастр» давлат қўмитасининг ҳудудий органи 10 кун муддатда янгидан қурилган (реконструкция қилинган) уй-жойни техник хатловдан ўтказиш ҳамда туманлар (шаҳарлар) архитектура ва қурилиш органлари билан келишув бўйича уй-жойни фойдаланишга қабул қилиш далолатномасини тасдиқлаш тўғрисида ҳокимнинг қарори лойиҳасини киритади.

29. Уй-жойлар қурувчининг ўз кучи билан қурилган ҳолларда битта (иккита) турар жой хонаси, ошхона, ҳожатхона, уй фасадининг ташқи безаги қурилиши тамом бўлгандан, лойиҳага мувофиқ уй муҳандислик коммуникациялари билан таъминлангандан кейин алоҳида ёрдамчи-ҳўжалик иморатлари ва ҳовлидаги иншоотларсиз ва ҳудудни ободонлаштирмасдан уйнинг бир қисмини фойдаланишга қабул қилишга йўл қўйилади.

30. Туман (шаҳар) ҳокимининг қарори тегишли қарор лойиҳаси киритилгандан кейин икки кундан кечикмай қабул қилинади.

Ҳокимнинг қарорига мувофиқ уй қурувчига уй дафтари берилади.

31. Уй-жойга мулкчилик ҳуқуқи «Ергеодезкадастр» давлат қўмитасининг ҳудудий органлари томонидан белгиланган тартибда давлат рўйхатидан ўтказилгандан кейин қурилган уй-жойга мулкчилик ҳуқуқи пайдо бўлади.

VI. Уй-жой қурувчининг мажбуриятлари

32. Қурувчи:

берилган (реализация қилинган) ер участкасидан ва мақсадли ипотека кредитидан ёрдамчи-хўжалик иморатлари билан бирга фақат уй-жой қуриш учун фойдаланишга;

уй-жой ва ёрдамчи-хўжалик иморатларини шаҳарсозлик нормалари ва қоидаларига ҳамда мазкур Низомга амал қилган ҳолда келишилган ва тасдиқланган лойиҳага мувофиқ қуришга;

берилган (реализация қилинган) ер участкасини берилган (реализация қилинган) кундан бошлаб икки йил мобайнида ўзлаштиришни бошлашга ва қурилиш тугаллангандан кейин бир ой мобайнида уй-жойни ва унга бўлган ҳуқуқни белгиланган тартибда рўйхатдан ўтказишга мажбурдир.

VII. Ўзбошимчалик билан уй-жой қурганлик учун жавобгарлик

33. Уй-жой қурувчилар томонидан қонун ҳужжатларида белгиланган тартибда ушбу мақсадлар учун ажратилмаган ер участкаларида қурилган ҳамда бунга зарур рухсатномани олмасдан ёхуд шаҳарсозлик нормалари ва қоидалари жиддий равишда бузилган ҳолда тикланган уй-жойлар, бошқа иморатлар ва иншоотлар ёки бошқа кўчмас мулк ўзбошимчалик билан қурилган деб ҳисобланади.

34. Ўзбошимчалик билан қуриш аниқланган тақдирда туманлар (шаҳарлар) архитектура ва қурилиш органларининг мансабдор шахслари томонидан ўзбошимчалик билан қуриш ҳолати тўғрисида далолатнома тузилади.

35. Далолатнома тузилиши билан бир вақтда туманлар (шаҳарлар) архитектура ва қурилиш органларининг мансабдор шахслари томонидан ўзбошимчалик билан қурилаётган қурилишни тўхтатиш тўғрисида кўрсатма берилади. Кўрсатманинг нусхаси ўзбошимчалик билан тикланган иморат тўғрисидаги масалани кейинчалик белгиланган тартибда ҳал этиш учун туман (шаҳар) ҳокимлигига тақдим этилади.

Ҳуқуқи бузилган шахснинг ёхуд тегишли давлат органининг даъвоси бўйича ўзбошимчалик билан қурилган иморат суднинг қарорига кўра уни қурган шахс томонидан ёхуд унинг ҳисобига бузиб ташланиши керак, қонун ҳужжатларида назарда тутилган ҳоллар бундан мустасно.

36. Қурувчи уй-жой қуриш ёки реконструкция қилишга тўсқинлик қилаётган мансабдор шахсларнинг қонунга зид хатти-ҳаракатлари устидан юқори турувчи органга ёки суд тартибида шикоят қилиш ҳуқуқига эгадир.

37. Жисмоний шахслар томонидан ўзбошимчалик билан иморат қуриш масалалари бўйича пайдо бўладиган низолар қонун ҳужжатларига мувофиқ кўриб чиқилади.

VIII. Мазкур Низом бузилганлиги учун жавобгарлик

38. Қурувчи ва маҳаллий давлат ҳокимияти органлари мазкур Низом бузилганлиги учун қонун ҳужжатларига мувофиқ жавоб беради.

Вазирлар Маҳкамасининг
2006 йил 30 декабрдаги 272-сон қарорига
2-ИЛОВА

Ўзбекистон Республикаси Ҳукуматининг ўз кучини йўқотган қарорлари рўйхати

1. Ўзбекистон ССР Министрлар Советининг «Якка тартибда уй-жой қурилишини тартибга солиш тўғрисида» 1959 йил 25 декабрдаги 970-сон қарори (ЎзССР ҚТ, 1959 й., 18-сон, 76-модда).

2. Ўзбекистон Компартияси Марказий Комитети ва Ўзбекистон ССР Министрлар Советининг «Уй-жой ва оддий қурилиш сифатини яхшилаш чоралари тўғрисида» КПСС Марказий Комитети ва СССР Министрлар Советининг 1969 йил 28 май № 392 қарори» 1969 йил 21 августдаги 409-сон қарори (ЎзССР ҚТ, 1969 й., 7-сон, 64-модда).

3. Ўзбекистон ССР Министрлар Советининг «СССР Министрлар Советининг «Уй-жой қурилишига ажратилаётган капитал маблағлар самарадорлигини ошириш чора-тадбирлари тўғрисида» 1981 йил 5 октябрдаги 972-сон қарори» 1981 йил 11 ноябрдаги 877-сон қарори.

4. Ўзбекистон ССР Министрлар Советининг «Ўзбекистон ССРда якка тартибда уй-жой қурилишини ташкил этиш ва бошқаришни янада такомиллаштириш чора-тадбирлари тўғрисида» 1988 йил 28 июлдаги 263-сон қарори (ЎзССР ҚТ, 1988 й., 7-сон., 27-модда) ва унга илова.

5. Ўзбекистон ССР Министрлар Советининг «Ўзбекистон ССР Ҳукуматининг турар жой масалаларига оид баъзи қарорларига ўзгартириш ва қўшимчалар кири- тиш тўғрисида» 1989 йил 24 январдаги 37-сон қарорига илованинг 2-банди.

6. Ўзбекистон ССЖ Вазирлар Маҳкамасининг «Ўзбекистон ССЖда мулкчилик тўғрисида» Ўзбекистон ССЖ Қонуни муносабати билан Ўзбекистон ССЖ Ҳукумати- нинг қарорларини ўзгартиш ва ўз кучини йўқотган деб ҳисоблаш тўғрисида» 1991 йил 16 февралдаги 38-сон қарорига илованинг 6-банди (ЎзССЖ ҚТ, 1991 й., 2-сон, 4-модда).

7. Вазирлар Маҳкамасининг 1993 йил 19 октябрдаги 505-сон қарори билан тасдиқланган Ўзбекистон Республикаси Ҳукуматининг айрим қарорларига кирити- лаётган ўзгартиришларнинг 19-банди.

8. Вазирлар Маҳкамасининг «Якка тартибда уй-жой қураётган кўп болали ва кам даромадли оилаларни рағбатлантиришга доир қўшимча чора-тадбирлар тўғриси- да» 1999 йил 3 сентябрдаги 411-сон қарори (Ўзбекистон Республикаси ҚТ, 1999 й., 9-сон, 50-модда).

БЕШИНЧИ БЎЛИМ

ЎЗБЕКИСТОН АЛОҚА ВА АХБОРОТЛАШТИРИШ АГЕНТЛИГИ
БОШ ДИРЕКТОРИНИНГ
БУЙРУҒИ

**519 Давлат органлари ахборот тизимларини ҳисобга олиш
ва рўйхатдан ўтказиш тартиби тўғрисидаги низом-
ни тасдиқлаш ҳақида**

*Ўзбекистон Республикаси Адлия вазирлиги томонидан 2006 йил
21 декабрда 1646-сон билан давлат рўйхатидан ўтказилди*

(2006 йил 31 декабрдан кучга киради)

Ўзбекистон Республикаси Вазирлар Маҳкамасининг 2005 йил 22 ноябрдаги «Ахборотлаштириш соҳасида норматив-ҳуқуқий базани такомиллаштириш тўғрисида»ги 256-сон қарорининг бажарилишини таъминлаш ҳамда Ўзбекистон Республикаси Вазирлар Маҳкамасининг 2004 йил 7 майдаги 215-сон қарори билан тасдиқланган Ўзбекистон алоқа ва ахборотлаштириш агентлиги тўғрисидаги низомга мувофиқ, давлат органлари ахборот тизимларини ҳисобга олиш ва рўйхатдан ўтказиш тартибини белгилаш мақсадида **буюраман:**

1. «Давлат органлари ахборот тизимларини ҳисобга олиш ва рўйхатдан ўтказиш тартиби тўғрисида низом» иловага* мувофиқ тасдиқлансин.

2. Мазкур Низом Ўзбекистон Республикаси Адлия вазирлигида давлат рўйхатидан ўтган санадан ўн кун ўтгач кучга киритилсин.

**Ўзбекистон алоқа ва ахборотлаштириш агентлиги
Бош директори А. АРИПОВ**

Тошкент ш.,
2006 йил 17 ноябрь,
355-сон

* Илова рус тилидаги матнда берилган.

ЎЗБЕКИСТОН РЕСПУБЛИКАСИ ДАВЛАТ МУЛКИ ҚЎМИТАСИ
ҲУЗУРИДАГИ ҚИММАТЛИ ҚОҒОЗЛАР БОЗОРИ ФАОЛИЯТИНИ
МУВОФИҚЛАШТИРИШ ВА НАЗОРАТ ҚИЛИШ МАРКАЗИ
БОШ ДИРЕКТОРИНИНГ
БУЙРУҒИ

520 Қимматли қоғозлар бозори иштирокчилари томонидан ахборотларни очиш тўғрисидаги низомга ўзгартириш ва қўшимчалар киритиш ҳақида

*Ўзбекистон Республикаси Адлия вазирлиги томонидан 2006 йил
23 декабрда 1127-3-сон билан давлат рўйхатидан ўтказилди*

(2007 йил 2 январдан кучга киради)

Ўзбекистон Республикаси Президентининг 2006 йил 27 сентябрдаги «Қимматли қоғозлар бозорини янада ривожлантириш чора-тадбирлари тўғрисида»ги ПҚ-475-сон қарорига, шунингдек Ўзбекистон Республикаси Вазирлар Маҳкамасининг 1996 йил 30 мартдаги 126-сон қарори билан тасдиқланган Ўзбекистон Республикаси Давлат мулки қўмитаси ҳузуридаги Қимматли қоғозлар бозори фаолиятини мувофиқлаштириш ва назорат қилиш маркази тўғрисидаги низомга асосан **буюраман:**

1. Ўзбекистон Республикаси Давлат мулки қўмитаси ҳузуридаги Қимматли қоғозлар бозори фаолиятини мувофиқлаштириш ва назорат қилиш маркази томонидан 2002 йил 27 мартда тасдиқланган Қимматли қоғозлар бозори иштирокчилари томонидан ахборотларни очиш тўғрисидаги низомга (2002 йил 18 апрель, рўйхат рақами 1127) ўзгартириш ва қўшимчалар иловага* мувофиқ киритилсин.

2. Ушбу буйруқ Ўзбекистон Республикаси Адлия вазирлигида давлат рўйхати-га олинган кундан бошлаб ўн кун ўтгандан сўнг амалга киритилсин.

Қимматли қоғозлар бозори фаолиятини мувофиқлаштириш ва назорат қилиш маркази Бош директори К. ТОЛИПОВ

Тошкент ш.,
2006 йил 22 ноябрь,
2006-14-сон

* Илова рус тилидаги матнда берилган.

ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ
ЎЗБЕКИСТОН РЕСПУБЛИКАСИ ДАВЛАТ СОЛИҚ ҚЎМИТАСИНING
ҚАРОРИ

521 Пахта толасини Ўзбекистон Республикаси товар-хом ашё биржаси орқали республика корхоналарига сотишда қўшилган қиймат солиғини ҳисоблаб чиқариш ва тўлаш тартиби тўғрисидаги низомга ўзгартиришлар киритиш ҳақида

*Ўзбекистон Республикаси Адлия вазирлиги томонидан 2006 йил
25 декабрда 1583-1-сон билан давлат рўйхатидан ўтказилди*

(2007 йил 4 январдан кучга киради)

Ўзбекистон Республикаси Солиқ кодекси, Ўзбекистон Республикаси «Давлат солиқ хизмати тўғрисида»ги Қонунининг 7-моддаси ва Ўзбекистон Республикаси Президентининг 2006 йил 29 августдаги ПҚ-456-сон қарорининг 9-бандини бажариш учун (Ўзбекистон Республикаси Қонун ҳужжатлари тўплами, 2006 й., 31-32-сон, 309-модда) **қарор қиламиз:**

1. Ўзбекистон Республикаси Молия вазирлиги ва Давлат солиқ қўмитасининг 2006 йил 12 майдаги 44, 2006-26-сон қарори билан тасдиқланган Пахта толасини Ўзбекистон Республикаси товар-хом ашё биржаси орқали республика корхоналарига сотишда қўшилган қиймат солиғини ҳисоблаб чиқариш ва тўлаш тартиби тўғрисидаги низомига ўзгартиришлар (2006 йил 13 июнь, рўйхат рақами 1583 — Ўзбекистон Республикаси Қонун ҳужжатлари тўплами, 2006 й., 24-сон, 222-модда) иловага мувофиқ тасдиқлансин.

2. Мазкур қарор Ўзбекистон Республикаси Адлия вазирлигида давлат рўйхатига олинган кундан бошлаб ўн кун ўтгач кучга киради.

Молия вазири Р. АЗИМОВ

Тошкент ш.,
2006 йил 7 декабрь,
99-сон

Давлат солиқ қўмитаси раиси Б. ПАРПИЕВ

Тошкент ш.,
2006 йил 7 декабрь,
2006-48-сон

диган зарарни аниқлаш ҳамда ушбу ҳолатларни содир этган юридик ва жисмоний шахсларга нисбатан жарималар қўллаш бўйича низом» иловага мувофиқ тасдиқлансин.

2. Ушбу қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кундан сўнг кучга кириди.

Табиатни муҳофаза қилиш давлат қўмитаси раиси Б. АЛИХОНОВ

Тошкент ш.,
2006 йил 27 ноябрь,
11-1481-сон

Қишлоқ ва сув хўжалиги вазири С. ИСМОИЛОВ

Тошкент ш.,
2006 йил 27 ноябрь,
10/8-сон

Молия вазири Р. АЗИМОВ

Тошкент ш.,
2006 йил 27 ноябрь,
91-сон

+

-

Табиатни муҳофаза қилиш давлат
қўмитаси, Қишлоқ ва сув хўжалиги
вазирлиги, Молия вазирлигининг
2006 йил 27 ноябрдаги 11-1481, 10/8 ва
91-сон қарори билан
ТАСДИҚЛАНГАН

**Бошоқли дон экинлари сомонини ёқиб юборилиши натижасида
етказиладиган зарарни аниқлаш ҳамда ушбу ҳолатларни содир
этган юридик ва жисмоний шахсларга нисбатан жарималар
қўллаш бўйича
НИЗОМ**

Ушбу Низом Ўзбекистон Республикасининг «Табиатни муҳофаза қилиш тўғрисида»ги Қонуни, Ўзбекистон Республикаси Президентининг 2005 йил 16 майдаги «2005 йил бошоқли дон экинлари ҳосилини йиғиштириб олишга доир ташкилий чора-тадбирлар тўғрисида»ги ПҚ-76-сон ва 2006 йил 17 майдаги «2006 йил бошоқли дон экинлари ҳосилини йиғиштириб олишга доир ташкилий чора-тадбирлар тўғрисида»ги ПҚ-351-сон қарорларининг 4-бандларига мувофиқ, бошоқли дон экинлари сомонини ёқиб юборилиши натижасида етказиладиган зарарни аниқлаш ҳамда ушбу ҳолатларни содир этган юридик ва жисмоний шахсларга нисбатан жарималар қўллаш тартибини белгилайди.

I. Умумий қоидалар

1. Мазкур Низом асосида бошоқли дон экинлари сомонини ёқиб юборилиши

натижасида тупроққа етказиладиган зарар аниқланади ва етказиладиган зарар табиатни муҳофаза қилиш давлат органлари томонидан қонунчиликка мувофиқ, жисмоний ва юридик шахслардан ундирилади.

2. Бошоқли дон экинлари сомонини ёқиб юборилиши натижасида ўсимликларга етказиладиган зарарни аниқлаш Ўзбекистон Республикаси Вазирлар Маҳкамасининг 1995 йил 27 июлдаги «Ўзбекистон Республикаси ўсимлик дунёсига етказилган зарар учун ундириладиган жарима миқдорларини ҳисоблаш таксаларини тасдиқлаш тўғрисида»ги 293-сон қарори асосида амалга оширилади.

3. Бошоқли дон экинлари сомонини ёқиб юборилиши натижасида атмосфера ҳавосини ифлослантирганлик учун Ўзбекистон Республикаси Маъмурий жавобгарлик тўғрисидаги кодексининг 88-моддасига мувофиқ чора кўрилади.

II. Келтирилган зарарни ҳисоблаш тартиби

4. Мазкур Низомда унумдор тупроқлар қишлоқ хўжалик маҳсулотларини етиштириш воситаси сифатида қаралиб, уларнинг миқдори тупроқ балл бонитети ва бошоқли дон экинлари ҳосилдорлиги билан белгиланади.

5. Сомонни ёқиб юбориш натижасида тупроқ унумдорлигига етказиладиган зарар миқдорини аниқлашда унга етказиладиган зарар даражаси ва тупроқнинг биосферадаги маҳсулдорлиги мезонлар сифатида қаралади. Тупроқ унумдорлигига етказилган зарар, сомон ёниши таъсирида тупроқ унумдорлигини белгилловчи унинг таркибидаги асосий элементлар бўлган гумус ва азотнинг йўқотилган миқдоридан келиб чиқиб аниқланади.

6. Тупроқ унумдорлигига етказиладиган зарар қўйидаги тартибда аниқланади:

Ҳисоб-китоб учун тупроқнинг унумдорлиги пасайишида гумуснинг йўқолиши 12 фоиз, азотнинг йўқолиши 7,5 фоиз миқдорида қабул қилинади.

Сомон ёқилиши сабабли ушбу ердаги тупроқда бўлган гумус ва азотнинг йўқолиши натижасида тупроқ унумдорлигининг камайиш бали қўйидаги формулада аниқланади.

$$\text{Тукб} = \frac{\text{Тубб} \times 12}{100} + \frac{\text{Тубб} \times 7.5}{100}$$

Бунда: Тукб — тупроқ унумдорлигининг камайиш бали;

Тубб — тупроқнинг умумий балл бонитенти;

12% — гумусни йўқолиши;

7,5% — азотни йўқолиши;

Тупроқ унумдорлигининг камайиши натижасида йўқотилган ҳосил қўйидагича аниқланади:

$$\text{Йх} = \frac{\text{Ўх} \times \text{Тукб}}{\text{Тубб}}$$

Бунда: Йх — тупроқ унумдорлиги камайиши натижасида йўқотиладиган ҳосил;

Ўх — жорий йилда ушбу ердан олинган ўртача ҳосилдорлик;

Тубб — тупроқнинг умумий балл бонитенти;

Тукб — тупроқ унумдорлиги камайиш бали

Ҳосил йўқолиши натижасида бир гектар майдонда кўрилган зарар, бир гектар ерда йўқотилган ҳосил миқдорини 5-синф қаттиқ ва юмшоқ буғдой учун белгиланган давлат харид нархига кўпайтириб, топилган натижани умумий ёқилган майдонга кўпайтириш йўли билан аниқланади.

Бошоқли экинлар донининг харид нархлари ҳар йили жорий йил ҳосили учун Ўзбекистон Республикаси Молия вазирлиги томонидан белгиланган тартибда тасдиқланади.

Бошоқли дон экинларининг сомони ёқиб юборилиши натижасида тупроқ унумдорлигига келтирилган зарарни юқорида қайд қилинган тартибда аниқлашнинг намунавий ҳисоб-китоби илова қилинади.

III. Келтирилган зарарни ундириш тартиби

7. Ўзбекистон Республикаси Табиатни муҳофаза қилиш давлат қўмитаси ва унинг ҳудудий қўмиталари (инспекциялари), ер эгалари, ердан фойдаланувчилар, ер ижарачилари ва бошқа фуқаролар сомоннинг ёқилиши натижасида тупроқ унумдорлигига етказилган зарарни етказганлардан қоплашни талаб қилиши мумкин.

8. Мазкур Низомнинг 7-бандида қайд қилинган шахслар томонидан бошоқли дон экинлари ер майдонида ўрим-йиғим мавсумида ёки мавсумдан сўнг сомонни ёқиб юборганлик ҳолатлари аниқланганда, тупроқ унумдорлигига етказилган зарар суммалари ҳудудий Табиатни муҳофаза қилиш давлат қўмитаси давлат инспекторлари мазкур Низомнинг II-бўлимида қайд қилинган тартибда ҳисоблаб, қонун бузилиш ҳолатларини содир этган юридик ва жисмоний шахслардан қонунчиликда белгиланган тартибда етказилган зарарни ундириш чораларини кўради.

9. Тупроқ унумдорлигига етказилган зарарнинг ундирилган суммасининг 50 фоизи давлат бюджетига ўтказилади, қолган қисми 100 фоиз деб олиниб, ушбу сумма, сомонни ёқиб юбориш:

а) ер эгалари, ердан фойдаланувчилар, ер ижарачилари томонидан содир этилган бўлса, белгиланган тартибда тўлиғича Табиатни муҳофаза қилиш маҳаллий жамғармаларига;

б) бошқа юридик ёки жисмоний шахслар томонидан содир этилган бўлса, 50 фоизи ер эгаси (фойдаланувчи ёки ижарачига) фойдасига, қолган 50 фоизи эса Табиатни муҳофаза қилиш маҳаллий жамғармалари ҳисобларига ундирилади.

Ўзбекистон Республикаси Табиатни муҳофаза қилиш давлат қўмитаси ҳузуридаги Табиатни муҳофаза қилиш Республика жамғармасига ҳамда Табиатни муҳофаза қилиш маҳаллий жамғармаларига тушган маблағлар Ўзбекистон Республикаси Вазирлар Маҳкамасининг 1993 йил 24 майда 246-сон қарори билан тасдиқланган «Табиатни муҳофаза қилиш жамғармалари тўғрисидаги низом»га асосан ишлатилади.

IV боб. Яқуний қоидалар

10. Тарафлар ўртасида вужудга келадиган низолар белгиланган тартибда суд томонидан ҳал этилади.

11. Мазкур Низом Ўзбекистон Республикаси Ер ресурслари, геодезия, картография ва давлат кадастри давлат қўмитаси, Ўзбекистон Фермер хўжаликлари уюшмаси ва Ўзбекистон Республикаси Монополиядан чиқариш, рақобат ва тадбиркорликни қўллаб-қувватлаш давлат қўмитаси билан келишилган.

Ер ресурслари, геодезия, картография ва давлат кадастри давлат қўмитаси раиси А. АБДУАЗИМОВ

Тошкент ш.,
2006 йил 24 октябрь

Ўзбекистон фермер хўжаликлари уюшмаси раиси С. ҚОБИЛОВ

Тошкент ш.,
2006 йил 24 октябрь

Монополиядан чиқариш, рақобат ва тадбиркорликни қўллаб-қувватлаш давлат қўмитаси раиси в.б. Б. УЛАШОВ

Тошкент ш.,
2006 йил 24 октябрь

Бошоқли дон экинлари сомонини ёқиб юборилиши натижасида етказиладиган зарарни аниқлаш ҳамда ушбу ҳолатларни содир этган юридик ва жисмоний шахсларга нисбатан жарималар қўллаш бўйича низомга
ИЛОВА

Бошоқли дон экини сомонини ёқиб юборилиши натижасида тупроқ унумдорлигига келтирилган зарарни аниқлашнинг намунавий ҳисоб-китоби

Мисол учун, Қорақалпоғистон Республикасида тупроқнинг ўртача бонитети 41 баллга тенг, бошоқли доннинг ўртача ҳосилдорлиги 2005 йилда гектаридан 24 центнерни ташкил этди.

1. Тупроқ унумдорлигига етказиладиган зарар қуйидаги тартибда ҳисобланади:

1.1 Ҳисоб-китоб учун тупроқнинг унумдорлиги пасайишида гумуснинг йўқолиши 12 фоиз, азотнинг йўқолиши 7,5 фоиз миқдорда қабул қилинади. (Ушбу миқдор кўп йиллик тажриба натижасига асосланиб аниқланган.)

1.2 Сомон ёқилиши сабабли ушбу ердаги тупроқда бўлган гумус ва азотнинг йўқолиши натижасида тупроқ унумдорлигининг камайиш бали қуйидаги формулада аниқланади.

$$\text{Тукб} = \frac{\text{Тубб} * 12}{100} + \frac{\text{Тубб} * 7,5}{100} = \frac{41 * 12}{100} + \frac{41 * 7,5}{100} = 4,92 + 3,08 = 8 \text{ балл}$$

бунда: Тукб — тупроқ унумдорлигининг камайиш бали;

Тубб — тупроқнинг умумий балл бонитенти;

1.3 Тупроқ унумдорлигининг камайиши натижасида йўқотилган ҳосил қуйидагича аниқланади:

$$\text{Йх} = \frac{\text{Ўх} * \text{Тукб}}{\text{Тубб}} + \frac{24 * 8}{41} = 4,68 \text{ ц/га}$$

Бунда: Йх — тупроқ унумдорлиги камайиши натижасида йўқотиладиган ҳосил;

Ўх — жорий йилда ушбу ердан олинган ўртача ҳосилдорлик;

Тубб — тупроқнинг умумий балл бонитенти;

Тукб — тупроқ унумдорлиги камайиш бали

1.4 Ҳосил йўқолиши натижасида бир гектар майдонда кўрилган зарар, бир гектар ерда йўқотилган ҳосил миқдорини 5-синф қаттиқ ва юмшоқ бугдой учун

белгиланган давлат харид нархига кўпайтириб, топилган натижани умумий ёқилган майдонга кўпайтириш йўли билан аниқланади.

$$4,68 \text{ ц/га} \times 6783 \text{ сўм/ц} = 31744 \text{ сўм/га зарар кўрилади.}$$

Бунда — 6783 сўм 1 центнер 5-синф қаттиқ ва юмшоқ буғдойнинг 2005 йил харид нархи.

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ
ҚАРОРИ

523 Тижорат банкларида лизинг операцияларини амалга ошириш ва уларнинг бухгалтерия ҳисобини юритиш тартиби тўғрисида низомни тасдиқлаш ҳақида

*Ўзбекистон Республикаси Адлия вазирлиги томонидан 2006 йил
27 декабрда 1648-сон билан давлат рўйхатидан ўтказилди*

(2007 йил 6 январдан кучга киради)

Ўзбекистон Республикасининг «Ўзбекистон Республикасининг Марказий банки тўғрисида»ги, «Банклар ва банк фаолияти тўғрисида»ги, «Лизинг тўғрисида»ги, «Микромолиялаш тўғрисида»ги ва «Бухгалтерия ҳисоби тўғрисида»ги қонунларига мувофиқ, Марказий банк Бошқаруви **қарор қилади:**

1. Тижорат банкларида лизинг операцияларини амалга ошириш ва уларнинг бухгалтерия ҳисобини юритиш тартиби тўғрисида низом иловага мувофиқ тасдиқлансин.

2. Ушбу қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кундан кейин кучга киритилсин.

3. Ушбу қарор кучга кирган кундан бошлаб, Марказий банк Бошқарувининг қуйидаги қарорлари ўз кучини йўқотган деб ҳисоблансин:

— «Ўзбекистон Республикаси банклари томонидан молиявий лизингни амалга ошириш тартиби тўғрисида низомни тасдиқлаш ҳақида» 1999 йил 7 майдаги 9/7-сонли қарор (1999 йил 20 июль, рўйхат рақами 776);

— «Тижорат банкларида лизинг операцияларнинг бухгалтерия ҳисобини юритиш тартиби тўғрисидаги низомни тасдиқлаш ҳақида» 2005 йил 25 ноябрдаги 26/7-сонли қарор.

Марказий банк Бошқаруви раиси Ф. МУЛЛАЖОНОВ

Тошкент ш.,
2006 йил 21 октябрь,
25/6-сон

Марказий банк Бошқарувининг
2006 йил 21 октябрдаги 25/6-сонли
қарори билан
ТАСДИҚЛАНГАН

Тижорат банкларида лизинг операцияларини амалга ошириш ва уларнинг бухгалтерия ҳисобини юритиш тартиби тўғрисида НИЗОМ

Мазкур Низом Ўзбекистон Республикасининг «Банклар ва банк фаолияти тўғрисида»ги, «Ўзбекистон Республикасининг Марказий банки тўғрисида»ги, «Лизинг тўғрисида»ги, «Микромолиялаш тўғрисида»ги ва «Бухгалтерия ҳисоби тўғрисида»ги қонунларига мувофиқ банклар томонидан лизинг операцияларини амалга ошириш ҳамда лизинг операцияларини амалга ошириш билан боғлиқ бухгалтерия ҳисобини юритиш тартибини белгилайди.

Ушбу Низом талаблари банклар томонидан микролизинг операцияларини амалга ошириш тартибига ҳам татбиқ қилинади.

I. Умумий қоидалар

1. Ушбу Низомда куйидаги тушунчалардан фойдаланилади:

лизинг (молиявий ижара) — бир тараф (лизинг берувчи) иккинчи тарафнинг (лизинг олувчининг) топшириғига биноан учинчи тарафдан (сотувчидан) лизинг шартномасида шартлашилган мол-мулкни (лизинг объектини) мулк қилиб сотиб олишни ва уни шу шартномада белгиланган шартларда ҳақ эвазига эгалик қилиш ва фойдаланиш учун лизинг олувчига ўн икки ойдан ортиқ муддатга беришни назарда тутадиган ижара муносабатларининг алоҳида тури;

микролизинг — тадбиркорлик фаолиятини амалга ошириш учун лизинг тўғрисидаги қонун ҳужжатларига мувофиқ энг кам иш ҳақининг икки минг баравари миқдоридан ошмайдиган суммада бериладиган лизинг;

лизинг объектлари — тадбиркорлик фаолияти учун фойдаланиладиган истеъмол қилинмайдиган ҳар қандай ашёлар, шу жумладан корхоналар, мулквий комплекслар, бинолар, иншоотлар, ускуналар, транспорт воситалари ҳамда бошқа кўчар ва кўчмас мулк (ер участкалари ва бошқа табиий объектлар, шунингдек муомаладан чиқарилган ёки муомалада бўлиши чекланган бошқа мол-мулклар бундан мустасно);

лизинг субъектлари — лизинг берувчи, лизинг олувчи ҳамда сотувчи.

лизинг берувчи — лизинг шартномаси бўйича лизинг олувчига келгусида топшириш мақсадида лизинг объектини мулк қилиб олувчи банк;

лизинг олувчи — лизинг шартномаси бўйича лизинг объектини эгалик қилиш ва фойдаланиш учун олаётган шахс;

сотувчи — лизинг объектини лизинг берувчига сотадиган шахс;

лизинг шартномаси муддати — лизинг шартномаси бўйича томонлар мажбуриятларининг тўла бажарилгунгача бўлган давр;

лизинг муддатининг бошланиши — лизинг шартномасига мувофиқ лизинг олувчининг лизинг объектига эгалик қилиш ва фойдаланиш ҳуқуқини амалга оширишни бошлаган сана, яъни лизинг объектини дастлабки (бошланғич) тан олиш санаси;

лизинг тўловлари — лизинг берувчининг лизинг объектини олиш учун қилган харажатларининг ҳаммаси ёки кўп қисми, шунингдек лизинг объектини етқа-

зиб бериш ва белгиланган мақсадда фойдаланиш учун уни яроқли ҳолга келтириш билан боғлиқ бўлган бошқа харажатларининг лизингга олувчи томонидан қопланиши ҳамда лизинг берувчи даромади йиғиндиси;

минимал лизинг тўловлари — лизинг олувчи ёки унинг кафолатчиси (кафили) томонидан лизинг шартномасига кўра лизинг берувчига унинг лизинг объектини сотиб олиш ва уни яроқли ҳолга келтириш билан боғлиқ харажатларини, лизинг даромади (фоизи) қўшилган ҳолда лизинг муддати давомида тўланиши лозим бўлган сумма;

лизинг берувчининг даромади — лизинг тўловлари билан лизинг объектини сотиб олиш, уни етказиб бериш ва белгиланган мақсадда фойдаланиш учун яроқли ҳолга келтириш харажатлари ўртасидаги фарқ сифатида аниқланадиган, лизинг берувчи томонидан лизинг операциясини амалга ошириш натижасида оладиган фоиз даромади;

лизинг объектининг ҳаққоний қиймати — муайян бир санада лизинг объектини сотиб олиш ёки лизинг объектини сотиб олиш бўйича битим тузишни хоҳловчи бир-бирига қарам бўлмаган хабардор томонлар ўртасидаги мажбуриятни бажариш учун етарли бўлган сумма;

дисконтлаш — келгусида аниқ бир вақтда олиниши қутилаётган пул маблағларининг жорий эквивалентини аниқлаш;

лизинг объектининг хизмат муддати — лизинг объектига қонун ҳужжатлари асосида амортизация ҳисобланадиган давр;

дастлабки билвосита харажатлар — лизинг шартномасини тузиш ва лизингни ташкил этиш билан боғлиқ бўлган ва лизинг объекти қийматига қўшилмайдиган харажатлар;

дастлабки бевосита харажатлар — лизинг объектини етказиб бериш, уни фойдаланиш учун яроқли ҳолга келтириш билан боғлиқ бўлган ва лизинг объекти қийматига қўшиладиган харажатлар.

2. Банклар фақат лизинг шартномаси муддати тугаганидан кейин лизинг объекти лизинг олувчининг мулкига ўтишини кўзда тутувчи лизинг операцияларини амалга ошириши мумкин.

Бунда лизинг олувчи лизинг берувчи банкка лизинг объектини сотиб олиш, уни етказиб бериш, ишга тайёр ҳолга келтириш билан боғлиқ барча харажатларини ва келишилган фоизлар тўловини амалга ошириши лозим.

3. Лизинг берувчи банк лизинг объектини сотувчидан келгусида унинг ўзига лизинг асосида фойдаланиш учун бериш мақсадида сотиб олган тақдирда бир шахснинг ўзи ҳам лизинг олувчи, ҳам сотувчи бўлишига йўл қўйилади.

4. Лизинг операциялари молиявий барқарор бўлган хўжалик юритувчи субъектларга тўловлилик, таъминланганлик, банк томонидан лизинг объектини сотиб олишга инвестиция қилинган кредит маблағларини қайтаришлик ва мақсадга мувофиқ фойдаланишлик тамойиллари асосида амалга оширилади.

5. Лизинг операцияси лизинг объекти лизинг олувчи томонидан бевосита тадбиркорлик фаолиятини амалга ошириш мақсадида ишлатилиши кўзда тутилган ҳолларда кўрсатилади.

Қиморхоналар ва биллиардхоналарни ташкил этишда лизинг объектини қўллаш кўзда тутилган ҳолларда лизинг хизматларини кўрсатишга йўл қўйилмайди.

6. Лизинг бўйича молиявий ижарага олинган мол-мулкнинг тасодифан нобуд бўлиши, йўқолиши, ўғирланиши, шикастланиши, бузилиши ва барвақт эскириши хавфи билан боғлиқ бўлган тарздаги ҳар қандай етказилиши мумкин бўлган зарардан лизинг объектини суғурталаш тарафларнинг келишувига биноан суғурталана-

ди. Бундай келишув бўлмаган тақдирда, лизинг олувчи лизинг объекти суғуртаси учун жавобгар бўлади.

7. Лизинг берувчи ва лизинг олувчи ўзаро келишган ҳолда қонун ҳужжатларига мувофиқ лизинг объектини жадал амортизация қилишни қўллаш ҳуқуқига эга.

8. Банклар қонун ҳужжатлари ҳамда ушбу Низом асосида лизинг хизматлари кўрсатишнинг ички тартибини ишлаб чиқишлари лозим. Мазкур ички тартибларда қонун ҳужжатлари ва ушбу Низомга зид меъёрларни ўрнатилишига йўл қўйилмайди.

II. Лизинг шартномасини расмийлаштириш тартиби ва шартлари

9. Лизинг олувчи лизинг шартномасини тузиш учун унинг асосий депозит ҳисобварағига хизмат кўрсатаётган банкка қуйидаги ҳужжатларни тақдим этиши лозим:

лизинг буюртмаси;

лизинг объектининг техник-иқтисодий кўрсаткичлари ва унинг сотувчиси тўғрисидаги маълумотнома;

лизингнинг бутун даврини ичига олган пул оқими таҳлили кўрсатилган бизнес-режа;

охирги ҳисобот санасига туман (шаҳар) давлат солиқ инспекцияси томонидан қабул қилинган бухгалтерлик баланси (1-шакл), молиявий натижалари ҳақида ҳисобот (2-шакл), муддати ўтган дебиторлик ва кредиторлик қарздорлик ҳақидаги маълумотнома (2а-шакл), 90 кундан ортиқ муддатдаги қарздорликни солиштириш даволатномалари.

Лизинг берувчи банклар лизинг бериш юзасидан қарор қабул қилиш учун лизинг олувчидан унинг лизинг тўловларини амалга ошириш имкониятларини баҳолаш учун зарур бўлган ҳужжатларни сўраб олишлари мумкин.

10. Буюртма лизинг берувчи банк томонидан кўриб чиқиладиганда қуйидагиларнинг таҳлили амалга оширилади:

буюртма берувчи даромадларининг лизинг тўловларини амалга ошириш учун етарлилиги;

буюртмада баён этилган маълумотларнинг бир-бирига зид эмаслиги;

лизинг берувчи банк олдидаги мажбуриятларни буюртма берувчи томонидан ўз вақтида бажариш имкониятининг мавжудлиги.

11. Лизинг объекти шартномага мувофиқ лизинг берувчи банк томонидан лизинг объектини сотиб олишга, лизинг объектини етказиб бериш ва белгиланган мақсадда фойдаланиш учун уни яроқли ҳолга келтириш билан боғлиқ ва бошқа харажатларини қайтариш ҳамда лизинг даромади (фоизи) тўловини амалга ошириш таъминоти вазифасини бажариши мумкин.

Бунда лизинг объекти лизинг олувчи томонидан лизинг берувчи банк фойдасига йўқолиш ва шикастланиш ҳодисаларидан ихтиёрий суғурта қилиниши ва бу тўғрисида суғурта полисини банкка тақдим этилиши шарт.

Лизинг берувчи лизинг операциясини амалга ошириш натижасида сарфланган маблағларнинг қайтарилиши ва лизинг фоизи тўланишининг кафолати сифатида лизинг олувчидан бошқа таъминот шакллари тақдим этишни талаб қилиши мумкин.

12. Лизинг фоиз ставкалари миқдори лизинг олувчи ва лизинг берувчи банк ўртасидаги ўзаро келишувга кўра лизинг шартномасида белгиланади.

13. Лизинг олувчининг буюртмаси бўйича лизинг берувчи банк томонидан

лизинг операциясини амалга ошириш ёки оширмаслик тўғрисида қарор қабул қилиш муддати буюртма банкка келиб тушган кундан бошлаб 30 иш кунидан, микролизинг операциясини амалга ошириш бўйича эса 10 иш кунидан ошмаслиги лозим.

Лизинг операциясини амалга ошириш асослантирилган ҳолда рад этилган тақдирда, лизинг берувчи банк лизинг олувчига бу ҳақда рад этиш сабабини асослаган ҳолда ёзма шаклда маълум қилиши шарт.

14. Лизинг операциясини амалга ошириш тўғрисида қарор қабул қилинган тақдирда, бу ҳақда лизинг олувчига билдирилади ҳамда лизинг берувчи банк ва лизинг олувчи ўртасида қонун ҳужжатларида белгиланган тартибда лизинг шартномаси тузилади.

Лизинг объекти ҳисобланган мол-мулк бўйича тузиладиган битимлар қонунга мувофиқ нотариал тасдиқланиши талаб қилинадиган ҳолларда лизинг шартномаси нотариал тасдиқланиши лозим.

15. Ўзбекистон Республикасининг «Лизинг тўғрисида»ги Қонунига мувофиқ, лизинг шартномаси қуйидаги шартлардан бирига жавоб бериши керак:

а) лизинг шартномасининг муддати тугагач, лизинг объекти лизинг олувчининг мулки бўлиб ўтса;

б) лизинг шартномасининг муддати лизинг объекти хизмат муддатининг 80 фоизидан ортиқ бўлса ёки лизинг объектининг лизинг шартномаси тугаганидан кейинги қолдиқ қиймати унинг бошланғич қийматининг 20 фоизидан кам бўлса;

в) лизинг шартномасининг муддати тугагач, лизинг олувчи лизинг объектини унинг бозор қийматидан паст нархда сотиб олиш ҳуқуқига эга бўлса, бунда ана шу ҳуқуқни амалга ошириш кундаги лизинг объекти қиймати асос бўлади;

г) лизинг шартномаси амал қиладиган давр учун лизинг тўловларининг умумий суммаси лизинг объекти қийматининг 90 фоизидан ортиқ бўлса.

16. Лизинг шартномасида лизинг шартномаси бошлангандан то тугагунга қадар лизинг объектининг қиймати бўйича вужудга келадиган ўзгаришларни инобатга олиб, лизинг тўловлари суммасига тарафларнинг келишувига биноан тегишли қўшимча ва ўзгартиришлар киритиш шартлари кўзда тутилиши мумкин.

17. Лизинг шартномаси тузилганидан сўнг лизинг берувчи банк ва сотувчи ўртасида лизинг объектининг олди-сотди шартномаси тузилади. Бунда лизинг берувчи банк сотувчига мол-мулк муайян лизинг олувчига бериш учун сотиб олинаётганлигини билдириши шарт.

18. Лизинг объектини фойдаланишга қабул қилиш далолатномаси имзоланиб, мулкка эгалик қилиш ва ундан фойдаланиш ҳуқуқи лизинг олувчига ўтганидан сўнг лизинг операцияси амалга оширилган ҳисобланади.

19. Лизинг шартномасида бошқача тартиб назарда тутилган бўлмаса, лизинг объекти сотувчи томонидан бевосита лизинг олувчига у турган жойда топширилади.

Фойдаланишга қабул қилиш далолатномаси лизинг олувчи томонидан расмийлаштирилади ва лизинг берувчи банк, лизинг олувчи ҳамда сотувчи томонидан имзоланади.

20. Лизинг объекти етказиб берилмаган, тўлиқ етказиб берилмаган, етказиб бериш муддати ўтказиб юборилган ёки сифати талаб даражасида бўлмаган лизинг объекти етказиб берилган тақдирда, агар шартномада бошқача қоида назарда тутилган бўлмаса, лизинг олувчи:

лизинг тўловини амалга оширишни кечиктириш;

етказиб бериладиган лизинг объектидан воз кечиш;

лизинг шартномасининг бекор қилинишини лизинг берувчидан талаб этиш;

лизинг шартномасини бажармаслик ёки тегишлича бажармаслик натижасида етказилган зарарларни тўлашни лизинг берувчидан талаб қилишга ҳақлидир.

21. Лизинг берувчи банк ҳар бир лизинг операцияси бўйича лизинг йиғма жилдини шакллантиради.

Лизинг йиғма жилдда қуйидаги ҳужжатлар бўлиши лозим:

лизинг олувчининг буюртмаси;

лизинг шартномаси;

лизинг олувчининг охири ҳисобот санасига бухгалтерия баланси;

лизинг олувчининг лизинг бўйича бизнес-режаси;

лизинг олувчининг тўлов қобилияти ва унинг бизнес-режасининг самарадорлиги тўғрисида лизинг берувчи банкнинг хулосаси;

суғурта компаниясининг лизинг объектини суғурта қилинганлиги тўғрисидаги суғурта полиси;

лизинг берувчининг лизинг объектини лизинг олувчига етказиб берилиши тўғрисидаги буюртмаси;

лизинг объектининг олди-сотди шартномаси;

лизинг объектини фойдаланишга қабул қилиш далолатномаси;

лизинг объектига сотувчи томонидан берилган техник кафолат;

лизинг операцияси ҳамда таъминоти характеридан келиб чиққан ҳолда олинган бошқа ҳужжатлар.

Лизинг шартномаси юзасидан қўшимча келишув тузилган тақдирда, у ҳам лизинг олувчининг лизинг йиғма жилдига тикиб қўйилади.

22. Лизинг олувчи лизинг шартномасида белгиланган муддат давомида лизинг объектига эгалик қилиш ва ундан фойдаланиш ҳуқуқини олади.

Лизинг олувчи томонидан лизинг шартномаси бўйича ўзида пайдо бўлган ҳуқуқ, мажбурият ва бошқа манфаатларни учинчи шахсга ўтказиш (қўшимча лизинг)га фақат лизинг берувчининг ёзма розилиги асосида рухсат этилади.

23. Лизинг олувчи сотувчи томонидан лизинг объектига берилган техник кафолатдан фойдаланади.

Лизинг объектини ўз вақтида етказиб берилиши ва бутланиши ҳамда уни ўрнатишга доир мажбуриятларнинг бажарилиши бўйича сотувчидан талаб қилиш ҳуқуқини лизинг олувчи ўз зиммасига олиши лизинг шартномасида белгиланиши мумкин.

III. Лизинг берувчи банкда лизинг ҳисоби

§ 1. Лизингни дастлабки тан олиш

24. Лизинг берувчи банкларда лизингга берилган активлар ҳисоби 15600 — «Лизинг (молиявий лизинг)» ҳисобварақларида юритилади.

25. Дастлабки тан олиш лизинг шартномасининг амал қилиш муддати бошла-нишида амалга оширилади. Бунда, лизинг берувчи банк лизингга берилган лизинг объектини ўз балансида соф инвестицияси қиймати, яъни лизинг объектини сотиб олиш, уни лизинг олувчига етказиб бериш ва фойдаланишга шай ҳолга келтириш билан боғлиқ харажатлар йиғиндиси ёки унинг ҳаққоний қийматида, уларнинг қайси бири кичик бўлса ўша суммада актив сифатида тан олади.

26. Лизинг берувчи банк лизинг объекти учун тўловларни сотувчига олдиндан тўлаб бериб лизинг объекти тўғридан-тўғри лизинг олувчига етказиб берилса, ли-

зинг берувчи банк фойдаланишга қабул қилиш далолатномасига асосан мемориал ордер тўлдириб, қуйидаги бухгалтерия амалларини бажаради:

Дт 19909 Товар-моддий қимматликлари учун тўланган маблағлар;

Кт Банкнинг вакиллик ҳисобварағи;

Дт 15600 Лизинг (молиявий ижара) (тегишли мос ҳисобварақ);

Кт 19909 Товар моддий қимматликлар учун тўланган маблағлар.

27. Лизинг объекти аввал лизинг берувчи банк балансига кирим қилиниб, сўнгра лизинг олувчига лизингга берилса қуйидаги бухгалтерия ўтказмалари берилади:

Дт 16500 Асосий воситалар (тегишли мос ҳисобварағи);

Кт 19909 Товар-моддий қимматликлари учун тўланган маблағлар;

Дт 15600 Лизинг (молиявий ижара) (тегишли мос ҳисобварағи);

Кт 16500 Асосий воситалар (мос ҳисобварақ).

28. Лизинг берувчи банк томонидан амалга оширилган ва лизинг шартномасига мувофиқ лизинг олувчи томонидан қопланадиган дастлабки бевосита харажатлар лизинг объектининг қийматига қўшилади.

Лизинг шартномасига мувофиқ юқоридаги харажатлар лизинг олувчи томонидан қопланмаган тақдирда, мазкур харажатлар юзага келган пайтдаги тегишли ҳисобот даври харажатлари сифатида тан олинади.

§ 2. Лизингнинг кейинги ҳисоби ва уни баҳолаш

+

29. Лизинг берувчи банк томонидан лизинг объекти дастлабки тан олингандан сўнгра, кейинги ҳисоб лизинг олувчи томонидан тўланадиган лизинг бўйича асосий қарз суммасини (дастлабки тан олинган суммани) ва у бўйича фоизларнинг ҳисобини юритишдан иборат. Кейинги ҳисоб лизинг объектини баҳолаб боришни ҳам ўз ичига олади.

30. Дастлабки тан олишда ёки объектни лизингга бериш (олиш) вақтида лизинг берувчининг даромади (лизинг олувчининг лизинг фоизи бўйича харажатлари) бухгалтерия ҳисобида акс эттирилмайди.

31. Минимал лизинг тўловларининг дисконтланган қийматини ҳисоблашда дисконтлайдиган омил бўлиб, агар уни аниқлашнинг имконияти бўлса, лизинг шартномасида кўзда тутилган фоиз ставкаси ҳисобланади, акс ҳолларда, қарз сармоясини бўйича ўсиб борувчи фоиз ставкасидан фойдаланилади.

32. Лизинг шартномасида лизинг берувчи ва лизинг олувчи лизинг тўловлари жадвали (тартиби)ни келишиб олади. Лизинг тўловлари жадвалида лизинг берувчи банкнинг даромади (фоизи)ни тўлаш ҳамда лизинг объекти қийматини қоплаш бўйича лизинг олувчининг мажбуриятлари ва уларнинг лизинг муддати давомида тақсимланиши кўрсатилади.

Лизинг тўловлари жадвалида лизинг берувчининг даромади лизинг шартномаси муддати давомида мунтазам равишда даврлар бўйича тенг тақсимланиши акс эттирилиши лозим. Бунда, лизинг шартномасининг ҳар бир даврида қопланмаган мажбуриятлар қолдиғига доимий фоиз ставкаси қўлланилади.

33. Лизинг берувчи банкнинг даромади лизинг олувчи томонидан лизинг тўловларининг амалга оширилишидан қатъи назар, тегишли ҳисобот даврларида лизинг тўловлари жадвалига мувофиқ ҳисобланади.

34. Лизинг берувчи банк томонидан лизинг бўйича фоизли даромадлар ҳисобланганда қуйидаги бухгалтерия ўтказмалари берилади:

Дт 16323 Лизинг бўйича олиш учун ҳисобланган фоизлар;

Кт 45100 Лизинг (молиявий ижара) бўйича фоизли даромадлар (тегишли мос ҳисобварақ).

35. Лизинг тўловлари келиб тушган ҳолларда қуйидаги бухгалтерия ўтказмалари берилади:

Дт Кассадаги нақд пул ва бошқа тўлов ҳужжатлари ёки миջознинг депозит ёки банкнинг вакиллик ҳисобварағи (умумий суммага);

Кт 15600 Лизинг (молиявий ижара) (тегишли мос ҳисобварақ) (асосий қарз суммасининг қайтарилган суммасига);

Кт 16323 Лизинг (молиявий ижара) бўйича олиш учун ҳисобланган фоизлар (фоизли даромад суммасига).

36. Лизинг шартномаси муддати тугаганидан сўнг лизинг тўловларини тўлаш шартлари тўлиқ бажарилган тақдирда 15600 Лизинг (молиявий ижара) ва 16323 Лизинг бўйича олиш учун ҳисобланган фоизлар ҳисобварақлари қолдиғи нолга тенг бўлади.

Лизинг олувчи томонидан лизинг объекти лизинг шартномаси муддати тугамасидан олдин сотиб олинган ҳолларда ҳам ушбу ҳисобварақлардаги қолдиқ нолга тенг бўлади.

37. Лизинг объекти лизинг олувчи томонидан лизинг шартномаси шартлари бузилганлиги сабабли қайтариб олинганида, лизинг берувчи ушбу активнинг тақдирини ҳал этгунга қадар уни ўз балансига қуйидаги бухгалтерия ўтказмалари орқали қабул қилади:

Дт 16705 Банкнинг бошқа кўчмас мулклари;

Кт 15600 Лизинг (молиявий ижара) (мос ҳисобварақ).

38. Лизинг олувчи томонидан лизинг тўловлари ўз вақтида амалга оширилмаган тақдирда активга «Фоизларни ўстирмаслик тўғрисида»ги низомга (2004 йил 24 январь, рўйхат рақами 1304) асосан ўстирмаслик мақоми берилади ва активнинг келгуси ҳисоби мазкур Низомга мувофиқ амалга оширилади.

39. Лизинг «Активлар сифатини таснифлаш, тижорат банклари ва уларнинг филиаллари томонидан эҳтимолий йўқотишларга қарши захиралар ташкил қилиш ва уларни ишлатиш тўғрисида»ги низом (1999 йил 11 февраль, рўйхат рақами 632) талабларидан келиб чиққан ҳолда таснифланади.

IV. Лизинг олувчи банкда лизинг ҳисоби

§ 1. Лизингни дастлабки тан олиш

40. Банklar лизинг шартномаси бўйича лизинг олувчи сифатида иштирок этган тақдирда лизингга олинган активлар ҳисоби 16515 — Объектларни ижарага олиш ва уни такомиллаштириш ҳуқуқининг, лизинг бўйича юзага келган мажбуриятлар эса 22100 — Лизинг (молиявий ижара) бўйича мажбуриятларнинг тегишли мос ҳисобварақларида юритилади.

41. Лизинг лизинг олувчи банкнинг молиявий ҳисоботларида ҳам актив ҳам мажбурият сифатида тан олинади. Ушбу дастлабки тан олиш лизинг шартномаси муддати бошланишида амалга оширилади. Бунда, лизинг олувчи банк лизинг объектини ўз балансида соф инвестиция қиймати ёки унинг ҳаққоний қийматининг қайси бири кичик бўлса ўша суммада акс эттиради.

42. Лизингни дастлабки тан олишда қуйидаги бухгалтерия ўтказмаси бажарилади:

Дт 16515 Объектларни лизингга олиш ва уни такомиллаштириш ҳукуқи;
Кт 22100 Лизинг (молиявий ижара) бўйича мажбуриятларнинг тегишли мос ҳисобварағи.

43. Лизинг олувчи банк томонидан амалга оширилган лизинг объектини сотиб олиш, етказиб бериш ёки белгиланган мақсадда фойдаланиш учун яроқли ҳолга келтириш билан боғлиқ харажатлар лизинг объектининг қийматига қўшилади.

Лизинг объекти лизинг олувчи банк балансида актив ва мажбуриятларнинг алоҳида моддалари сифатида акс эттирилиши лозим. Лизинг бўйича мажбуриятни актив суммасидан чегириб ташлаган ҳолда (контр-актив ҳисобварақ сифатида) кўрсатишга рухсат этилмайди.

§ 2. Лизинг олувчи банкда лизингнинг кейинги ҳисоби ва уни баҳолаш

44. Лизинг олувчи банк томонидан лизинг дастлабки тан олингандан сўнг кейинги ҳисоб мажбурият бўйича асосий қарз суммасини (дастлабки тан олинган суммани) ва лизинг бўйича фоизлар тўлаш ҳисобини юритишдан иборат.

Кейинги ҳисоб, лизинг билан боғлиқ барча хавф-хатарлар лизинг олувчига ўтганлиги сабабли лизинг олувчи банк томонидан лизинг объектини баҳолаб бориш, амортизация ажратмаларини ва шартномада кўзда тутилган бошқа харажатларни амалга ошириш ишларини ҳам ўз ичига олади.

45. Дастлабки тан олишда ёки объектни лизингга олиш вақтида лизинг олувчи банкнинг лизинг фоизи бўйича харажатлари бухгалтерия ҳисобида акс эттирилмайди.

46. Лизинг шартномасида лизинг олувчи банк ва лизинг берувчи лизинг тўловлари жадвалини келишиб олади, унда лизинг олувчи банкнинг фоизли харажатлари, лизинг объектининг қийматини қоплаш бўйича мажбуриятлар ва уларнинг лизинг муддати давомида тақсимланиши кўрсатилади.

47. Лизинг тўловлари жадвалида лизинг олувчи банкнинг фоизли харажатлари лизинг шартномасининг амал қилиш муддати давомида даврлар бўйича тенг тақсимланиши акс эттирилиши лозим. Бунда, лизинг шартномасининг ҳар бир даврида қопланмаган мажбуриятлар қолдигига доимий фоиз ставкаси қўлланилади.

48. Лизинг олувчи банк томонидан лизинг тўловлари жадвалига мувофиқ лизинг бўйича фоизли харажатлар ҳисобланганда қуйидаги бухгалтерия ўтказмалари берилди:

Дт 54198 Бошқа банклардан олинган лизинг бўйича фоизли харажатлар ёки

Дт 54199 Бошқа лизинг берувчилардан олинган лизинг бўйича фоизли харажатлар;

Кт 22408 Лизинг (молиявий ижара) бўйича ҳисобланган фоизлар.

49. Лизинг олувчи банк томонидан лизинг тўловлари қуйидаги бухгалтерия ўтказмалари орқали амалга оширилади:

Дт 22408 Лизинг (молиявий ижара) бўйича ҳисобланган фоизлар;

Дт 22100 Лизинг (молиявий ижара) бўйича мажбуриятлар;

Кт Банкнинг вакиллик ёки лизинг берувчининг депозит ҳисобварағи.

50. Лизинг олувчи банк томонидан лизинг объекти бўйича амортизация ажратмалари «Ўзбекистон Республикаси банкларида асосий воситаларнинг бухгалтерия ҳисоби тўғрисида йўриқнома» (2004 йил 17 декабрь, рўйхат рақами 1434) талабла-

ри асосида амалга оширилади ва қуйидаги бухгалтерия ўтказмаси амалга оширилади:

Дт 56626 Объектларни ижарага олиш ва уни такомиллаштириш ҳуқуқи бўйича эскириш суммаси;

Кт 16519 Объектларни ижарага олиш ва уни такомиллаштириш ҳуқуқи бўйича йиғилган эскириш суммаси (контр-актив).

51. Аниқ бир даврдаги лизинг олувчи банкнинг лизинг объекти бўйича амортизация ажратмаси ва молиявий харажатлари (лизинг бўйича фоизлари) суммаси мазкур даврда тўланиши керак бўлган лизинг тўловлари суммасига тенг бўлмаслиги мумкин.

52. Лизинг объектини йиллик қайта баҳолаш лизинг олувчи банк томонидан қонунчиликда ўрнатилган тартибда амалга оширилади.

53. Лизинг олувчи банк томонидан охириги тўловлар амалга оширилганидан кейин 16515, 16519, 22100 ва 22408 баланс ҳисобварақларида мазкур лизинг операциялари бўйича очилган шахсий ҳисобварақлар (аналитик ҳисоб) қолдиғи нолга тенг бўлади ва мулкка эгалик ҳуқуқи лизинг олувчига ўтади.

Лизинг объектнинг лизинг олувчи банкка ўтказиш қуйидаги бухгалтерия ўтказмалари орқали амалга оширилади:

Дт 16500 Асосий воситалар (тегишли мос ҳисобварақ);

Дт 16519 Объектларни ижарага олиш ва уни такомиллаштириш ҳуқуқи бўйича йиғилган эскириш суммаси (контр-актив);

Кт 16515 Объектларни ижарага олиш ва уни такомиллаштириш ҳуқуқи;

Кт 165xx Йиғилган эскириш суммаси (тегишли мос ҳисобварақ).

54. Лизинг шартномаси муддати охирида лизинг олувчи банкка лизинг объектнинг сотиш санасидаги ҳаққоний қийматидан паст нархда сотиб олиш ҳуқуқи берилган бўлса, сотиб олиш қуйидаги бухгалтерия ўтказмаси орқали амалга оширилади:

Дт 22100 Лизинг (молиявий ижара) бўйича мажбуриятлар;

Кт Банкнинг вакиллик ёки лизинг берувчининг депозит ҳисобварағи;

22100 Лизинг (молиявий ижара) бўйича мажбуриятлар ҳисобварағи ёпилганидан сўнг, лизинг объектга бўлган мулк ҳуқуқи лизинг олувчига ўтади ва бунда 36-бандда кўрсатилган бухгалтерия ўтказмалари бажарилади.

55. Лизинг шартномаси унинг амал қилиш муддатидан олдин тўхтатилиб, лизинг берувчи томонидан лизинг объекти шартнома шартларида белгиланган тартибда олиб қўйилган тақдирда, лизинг объектини лизинг берувчига қайтариш лизинг шартномасининг амал қилиш муддати тўхтатилган санадаги лизинг объектнинг қопланмаган қиймати суммасида амалга оширилади ва бунда қуйидаги бухгалтерия ўтказмалари амалга оширилади:

Дт 16519 Объектларни ижарага олиш ва уни такомиллаштириш ҳуқуқи бўйича йиғилган эскириш суммаси (контр-актив);

Кт 16515 Объектларни ижарага олиш ва уни такомиллаштириш ҳуқуқи.

56. Лизинг объектнинг ҳисобдан чиқариш бўйича молиявий натижа (фойда ёки зарар) лизинг объектнинг қолдиқ (баланс) қиймати ва лизинг тўловлари жадвали бўйича қолган қарз ўртасидаги фарқ сифатида лизинг объектнинг ҳисобдан чиқариш билан боғлиқ бўлган харажатлар суммасини ҳисобга олган ҳолда аниқланади.

Лизинг объектнинг ҳисобдан чиқариш бўйича молиявий натижа (фойда ёки зарар) аниқлаганида, олдинги қайта баҳолашлардаги лизинг объекти қийматининг кўпайган суммаси, яъни олдинги баҳолашлар натижасида 30908 «Бошланғич қий-

матга нисбатан баҳолаш қийматининг ошган суммаси» ҳисобварағининг кредит қолдиғи лизинг объектининг чиқиб кетишидан кўрилган даромад таркибига қўшилади ва бир вақтнинг ўзида ушбу ҳисобварақ бўйича резерв капиталини камайтиради.

V. Лизинг бўйича маълумотларни ошкор этиш

57. Лизинг олувчи банк лизинг бўйича қуйидаги маълумотларни ошкор этади:

1) ҳисобот санасига лизингга берилган активларнинг ҳар бир синфи бўйича соф баланс қиймати;

2) ҳисобот санасига жами келгуси минимал лизинг тўловлари билан уларнинг жорий дисконт қиймати таққосламаси;

3) қуйидаги даврларнинг ҳар бири бўйича ҳисобот санасига жами келгуси минимал лизинг тўловлари билан уларнинг жорий дисконт қиймати тўғрисидаги маълумотлар:

а) бир йилгача бўлган муддат;

б) бир йилдан ортиқ, лекин беш йилдан ортиқ бўлмаган муддат;

в) беш йилдан ортиқ бўлган муддат;

4) лизинг олувчининг муҳим лизинг шартномаларининг қуйидагиларни ўз ичига олган, лекин булар билан чегараланмаган ҳолда умумий тавсифи:

а) шартномага киритилган қўшимча ва ўзгартиришларнинг мавжудлиги ва шартнома шартларининг ўзгартирилиши ва янги киритилган шартларнинг хариднинг қулайлигига таъсири имкониятлари;

б) лизинг шартномаси шартларига асосан қўшимча қарздорлик ва келгуси лизинг битимида ўрнатилган чеклашлар.

58. Лизинг берувчи банк қуйидаги маълумотларни ошкор этади:

1) ҳисобот санасига лизингга қилинган ялпи лизинг инвестицияси билан ҳисобот санасига олиниши керак бўлган бўлгуси минимал лизинг тўловларининг жорий дисконт қиймати билан таққосланмаси;

2) қуйидаги даврларнинг ҳар бири бўйича ҳисобот санасига лизингга қилинган ялпи лизинг инвестицияси ва олиниши керак бўлган келгуси минимал лизинг тўловларининг жорий дисконт қиймати тўғрисидаги маълумотлар:

бир йилгача бўлган муддат;

бир йилдан ортиқ, лекин беш йилдан ортиқ бўлмаган муддат;

беш йилдан ортиқ бўлган муддат;

3) олинмаган молиявий даромад;

4) олиниши лозим бўлган минимал лизинг тўловлари бўйича шаклланган умидсиз қарздорлик бўйича йиғилган захира;

5) лизинг берувчи банк томонидан имзоланган муҳим лизинг шартномаларининг умумий тавсифи;

6) давр мобайнида лизинг шартномалари бўйича тегишли маблағларнинг ялпи инвестициядан чегирган ҳолдаги маълумотлар.

ЎЗБЕКИСТОН РЕСПУБЛИКАСИ ДАВЛАТ МУЛКИНИ БОШҚАРИШ
ДАВЛАТ ҚЎМИТАСИ
ЎЗБЕКИСТОН РЕСПУБЛИКАСИ АДЛИЯ ВАЗИРЛИГИНИНГ
ҚАРОРИ

524 Суд ҳужжатлари ва бошқа органлар ҳужжатлари
бўйича мол-мулкни сотиш учун савдо ташкилотлари-
ни танлаш ва мол-мулкни сотиш тартиби тўғрисидаги низом-
ни тасдиқлаш ҳақида

*Ўзбекистон Республикаси Адлия вазирлиги томонидан 2006 йил
29 декабрда 1649-сон билан давлат рўйхатидан ўтказилди*

(2007 йил 8 январдан кучга киради)

Ўзбекистон Республикаси Президентининг 2006 йил 31 августдаги ПҚ-458-сон «Ўзбекистон Республикаси Адлия вазирлиги ҳузуридаги Суд қарорларини ижро этиш, судлар фаолиятини моддий-техника жиҳатидан ва молиявий таъминлаш департаменти фаолиятини янада такомиллаштириш чора-тадбирлари тўғрисида»ги қарорига асосан Ўзбекистон Республикаси Давлат мулки қўмитаси ва Адлия вазирлиги **қарор қилади:**

1 Суд ҳужжатлари ва бошқа органлар ҳужжатлари бўйича мол-мулкни сотиш учун савдо ташкилотларини танлаш ва мол-мулкни сотиш тартиби тўғрисидаги низом иловага мувофиқ тасдиқлансин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан кейин ўн кун ўтгач кучга киради.

Давлат мулки қўмитаси раиси Д. МУСАЕВ

Тошкент ш.,
2006 йил 29 декабрь,
01/19-18/08-сон

Адлия вазири Ф. ОТАХОНОВ

Тошкент ш.,
2006 йил 29 декабрь,
37-сон

Давлат мулки қўмитаси ва Адлия
вазирлигининг 2006 йил 29 декабрдаги
01/19-18/08, 37-сон қарори билан
ТАСДИҚЛАНГАН

**Суд ҳужжатлари ва бошқа органлар ҳужжатлари бўйича
мол-мулкни сотиш учун савдо ташкилотларини танлаш ва
мол-мулкни сотиш тартиби тўғрисида
НИЗОМ**

I. Умумий қоидалар

1. Ушбу Низом Ўзбекистон Республикасининг Фуқаролик кодекси, «Суд ҳужжатлари ва бошқа органлар ҳужжатларини ижро этиш тўғрисида»ги Ўзбекистон Республикаси Қонуни (кейинги ўринларда — Қонун), Ўзбекистон Республикаси Президентининг 2006 йил 31 августдаги ПҚ-458-сон ҳамда Ўзбекистон Республикаси Вазирлар Маҳкамасининг 2004 йил 25 мартдаги 140-сон қарорларига мувофиқ ишлаб чиқилган бўлиб, суд ҳужжатлари ва бошқа органлар ҳужжатларини (кейинги ўринларда — ижро ҳужжатлари) ижро этиш бўйича мол-мулкни сотиш учун савдо ташкилотларини танлов асосида танлаш ва мол-мулкни сотиш тартибини белгилайди.

Мазкур Низом қоидалари ижро ҳужжатлари асосида хатланиб, аукцион савдолари орқали ёхуд қонунчиликда белгиланган бошқа усулда сотилиши белгиланган мол-мулкка нисбатан татбиқ этилмайди.

**II. Ижро ҳужжатларига асосан мол-мулкни сотиш бўйича савдо
ташкилотлари ўртасида танлов ўтказиш**

§ 1. Асосий қоидалар

2. Ижро ҳужжатларига асосан мол-мулкни сотиш бўйича савдо ташкилотларини танлаб олиш Ўзбекистон Республикаси Адлия вазирлиги ҳузуридаги Суд қарорларини ижро этиш, судлар фаолиятини моддий-техника жиҳатидан ва молиявий таъминлаш департаментининг (кейинги ўринларда — Суд департаменти) ҳудудий бошқармалари томонидан танлов асосида амалга оширилади.

3. Танлов ўтказишдан асосий мақсад ҳар бир туман (шаҳар) бўйича ёки алоҳида турдаги мол-мулкларни сотиш бўйича энг мақбул савдо ташкилотларини аниқлашдан иборат.

4. Танловнинг барча қатнашчиларига тенг танлов шартларини яратиш, ошкоралик, талабларнинг ягоналиги ва баҳо беришда холислик танлов ўтказишнинг асосий тамойиллари ҳисобланади.

§ 2. Танлов комиссияси

5. Танлов ижро ҳужжатларига асосан мол-мулкни сотиш учун савдо ташкилотини аниқлаш мақсадида ташкил этилган танлов комиссияси (кейинги ўринларда — Комиссия) томонидан ўтказилади.

6. Комиссия Суд департаменти директори буйруғи асосида 7 кишидан иборат қуйидаги таркибда тузилади:

Суд департаментининг ҳудудий бошқармаси бошлиғи — Комиссия раиси;

Ўзбекистон Республикаси Адлия вазирлигининг жойлардаги (Қорақалпоғистон Республикаси, вилоят ва Тошкент шаҳар) адлия бошқармалари вакили — Комиссия аъзоси;

Ўзбекистон Республикаси Давлат мулки қўмитасининг ҳудудий бошқармаси вакили — Комиссия аъзоси;

Ўзбекистон Республикаси Монополиядан чиқариш, рақобатни ва тадбиркорликни ривожлантириш давлат қўмитасининг ҳудудий бошқармаси вакили — Комиссия аъзоси;

Суд департаменти ҳудудий бошқармасининг суд қарорларини ижро этиш бўлими бошлиғи, ички хавфсизлик инспекцияси бош инспектори ҳамда статистика ва таҳлил бўйича етакчи инспектор — Комиссия аъзолари ҳисобланади.

Зарурат туғилганида, махсус билим талаб қиладиган масалалар бўйича хулоса бериш учун Комиссия йиғилишларига маслаҳат овози билан эксперт (мутахассис)-лар жалб қилиниши мумкин.

7. Комиссия:

танлов ўтказиш вақти, жойи ва шартлари тўғрисида эълон бериш бўйича қарор қабул қилади;

танлаб олинган савдо ташкилотлари билан тузиладиган намунавий шартнома лойиҳасини тасдиқлайди;

танлов ғолибларини аниқлайди;

танлов ўтказиш бўйича бошқа вазифаларни амалга оширади.

Комиссия аъзоларининг учдан икки қисми иштирок этган тақдирда ваколатли ҳисобланади.

Комиссия аъзолари талабгорлар ҳужжатларининг ҳолисона кўриб чиқилиши ва баҳоланиши учун жавобгар ҳисобланадилар.

8. Комиссиянинг ишчи органи вазифалари Суд департаментининг ҳудудий бошқармаларидаги статистика ва таҳлил бўйича масъул бўлинма (ҳодим) зиммасига юклатилади.

Ишчи орган:

танловга қатнашиш учун талабгорлардан тушган аризаларни қабул қилади;

оммавий ахборот воситаларида танлов ўтказиш тўғрисида эълон беради;

Комиссия баённомаларини юритади;

манфаатдор шахсларни танлов шартлари ҳамда намунавий шартнома шакли билан таништиради;

савдо ташкилотлари томонидан шартнома шартлари бажарилишини назорат қилади;

танлов бўйича келиб тушган ва юритиладиган ҳужжатларнинг ҳисобини, сақла-нишини ҳамда махфийлигини таъминлайди;

Комиссиянинг топшириғи асосида бошқа вазифаларни амалга оширади.

§ 3. Танлов ўтказишга тайёргарлик кўриш

9. Комиссия танлов бошланишидан камида ўттиз кун олдин оммавий ахборот воситаларида танлов ўтказиш тўғрисида эълон беради. Эълон бериладиган омма-вий ахборот воситалари рўйхати Суд департаменти томонидан белгиланади.

Эълонда қуйидагилар кўрсатилиши шарт:

танлов ўтказадиган органнинг номи;

танлов ўтказиш жойи, санаси ва вақти;

танлов шартлари ва танлов ғолибларини аниқлаш мезонлари;

танловда иштирок этиш учун зарур бўлган ҳужжатлар рўйхати;

ариза ва ҳужжатларни қабул қилиб олиш жойи ва манзили;

танловда иштирок этиш учун аризалар тақдим этишнинг охириги муддати.

10. Суд департаментининг тегишли ҳудудий бошқармаси танлов эълон қилинган кундан бошлаб уч кундан кечиктирмай бу ҳақда Суд департаментига хабар беради. Суд департаменти масъул ходими танловларда кузатувчи сифатида қатнашиши мумкин.

11. Танлов ҳар йили бир марта ўтказилади. Зарурият туғилган ҳолларда Комиссия томонидан навбатдан ташқари танлов ўтказилиши ҳам мумкин.

12. Савдо ташкилотлари ўртасидаги танлов ҳар бир туман (шаҳар) бўйича олдиндан белгилаб бериладиган ғолиблар сони (камида иккита) миқдорида ўтказилади.

Зарур ҳолларда, маҳаллий шароитлардан келиб чиқиб, алоҳида турдаги мол-мулкларни (озиқ-овқат маҳсулотлари; кийим-кечак; техник ва маиший товарлар; қурилиш маҳсулотлари ва бошқ.) сотиш учун ихтисослаштирилган ваколатли савдо ташкилотлари аниқланиши мумкин.

Қуйидаги турдаги мол-мулклар ихтисослаштирилган ваколатли савдо ташкилотлари орқали сотилади:

қимматбаҳо металлар ва қимматбаҳо (ярим қимматбаҳо) тошлардан ясалган буюмлар бўйича;

маҳсулдор ва иш моллари, асалари оилалари, ем-хашак, бошқа турдаги кишлоқ хўжалиги маҳсулотлари бўйича;

сотиш учун алоҳида рухсатнома ёхуд лицензия талаб қилинадиган бошқа маҳсулотлар бўйича;

Комиссия томонидан белгилаб берилган бошқа мол-мулклар бўйича.

Комиссиянинг қарори билан алоҳида турдаги мол-мулкларни сотиш учун ихтисослаштирилган савдо ташкилотлари вилоят миқёсида ҳам аниқлаб берилиши мумкин.

13. Маданий бойликлар (тарихий, бадий, илмий қимматга эга бўлган қимматбаҳо асарлар, ноёб қўлёзмалар, антиквар маҳсулотлар ва бошқалар) бўйича ваколатли савдо ташкилотлари Суд департаменти томонидан республика миқёсида аниқлаб берилади.

§ 4. Танловда иштирок этиш шартлари

14. Танловда белгиланган тартибда давлат рўйхатидан ўтган, турғун савдо шохбачаси ва назорат-касса машинаси мавжуд юридик шахслар қатнашишлари мумкин.

Қуйидаги юридик шахслар танловга қатнашишга қўйилмайдилар:

қайта ташкил этиш, тугатиш ёки банкрот арафасида бўлган;

олти ойдан кам муддат давомида фаолият юритаётган;

охириги 2 йил ичида ижро ҳужжатлари асосида хатланган мол-мулкни сотиш юзасидан тузилган шартнома бўйича мажбуриятларни бажармаган ёки лозим даражада бажармаганлиги сабабли шартнома бекор қилинган бўлса.

15. Танловда иштирок этиш истагини билдирган савдо ташкилоти Суд департаментининг тегишли ҳудудий бошқармасига рўйхат асосида қуйидаги ҳужжатларни тақдим этади:

а) Комиссия номига ариза;

б) давлат рўйхатидан ўтказилганлик тўғрисидаги гувоҳноманинг нотариал тасдиқланган нусхаси;

- в) савдо ташкилоти таъсис ҳужжатларининг нотариал тасдиқланган нусхаси;
- г) савдо ташкилотининг олдинги ҳисобот йили учун тегишли давлат идораларига берилган бухгалтерлик баланси (1 ва 2-шакллар) нусхаси;
- д) савдо ташкилотида назорат касса машинасининг мавжудлиги тўғрисида давлат солиқ хизмати органларининг маълумотномаси;
- е) савдо дўконига бўлган мулк (ижара) ҳуқуқининг мавжудлигини тасдиқловчи ҳужжатлар;
- ж) савдо дўконининг жойлашган жойи тўғрисида маълумот, унинг қисқача тавсифномаси ва 10x15 ўлчамдаги рангли фотосуратлари (жойнинг атроф кўриниши, умумий ташқи ва ички кўринишлари акс эттирилиши керак);
- з) мол-мулкларнинг сақланиши, туркумланиши, сортларга ажратилиши ва бутланишини таъминловчи жой (ускуна)ларнинг қисқача тавсифномаси, шунингдек 10x15 ўлчамдаги рангли фотосуратлари (жойнинг умумий ташқи ва ички кўринишлари акс эттирилади) ва уларга бўлган ҳуқуқни тасдиқловчи ҳужжатлар;
- и) савдо ташкилоти ходимлари ва уларнинг иш тажрибаси тўғрисида маълумот;
- к) талабгорнинг мажбуриятлардан холи пул маблағлари мавжудлиги тўғрисида банк маълумотномаси;
- л) талабгорга тегишли ҳамда ижро ҳужжати бўйича мол-мулкни сотишда иштирок этиши мумкин бўлган яроқли транспорт воситаларига оид ҳуқуқни белгилловчи ҳужжатлар ҳамда уларнинг техник тавсифи;
- м) кўрсатилган хизмат учун савдо чегирмаси миқдори (10% дан кўп бўлмаган).

— Алоҳида турдаги фаолиятни амалга ошириш учун рухсатнома ёки лицензия талаб қилинган ҳолларда, шунингдек нотариал тасдиқланган рухсатнома ёхуд лицензиянинг нусхаси ҳам тақдим этилади. +

Талабгорлар мазкур Низомда белгиланган баҳолаш мезонларини тасдиқлаш учун зарур бўлган бошқа қўшимча ҳужжатларни тақдим қилишлари мумкин.

16. Савдо ташкилоти қайси ҳудудда фаолият юритаётган бўлса ёки танлов ўтказилаётган туман (шаҳар)га яқин жойлашган бўлса, ушбу ҳудуд бўйича ўтказиладиган танловда иштирок этиш учун ҳужжатлар тақдим этиши мумкин.

17. Танловда иштирок этиш учун тақдим этилган ҳужжатлар Комиссиянинг Ишчи органи томонидан қабул қилинади. Тақдим этилган ҳужжатларни қабул қилишни рад этиш мумкин эмас, мазкур Низомнинг 14-бандида назарда тутилган ҳолатлардан ташқари.

Ишчи орган ҳужжатлар қабул қилиш муддати тугашига қадар манфаатдор талабгорларни танлов шартлари ва Комиссия томонидан тасдиқланган намунавий шартнома нусхаси билан таништиради.

Ҳужжатлар қабул қилиш танлов бошланишидан беш кун олдин тўхтатилади.

18. Комиссия Ишчи органи савдо ташкилотининг товар айланмаси, қонунчиликка риоя этиш аҳволи, фаолиятини текшириш натижалари, ходимларининг малакаси ва бошқа жиҳатлари тўғрисида мустақил равишда солиқ, статистика, ҳокимлик идоралари, шунингдек бошқа муассаса ва ташкилотлардан тавсияномалар олиши мумкин.

19. Талабгорлар томонидан сохта ҳужжатлар тақдим қилингани ёхуд суд ижрочилари билан тил бириктириб, ноқонуний ҳаракатлар қилганлиги аниқланган тақдирда улар танловга қўйилмайдилар, танлов ғолиби деб топилган тақдирда эса танлов натижаларининг уларга оид қисми бекор қилинади.

§ 5. Танлов ғолибларини аниқлаш ва танлов натижаларини эълон қилиш тартиби

20. Танлов ғолибларини аниқлаш икки босқичда амалга оширилади:

биринчи босқичда — Ишчи орган томонидан тақдим қилинган ҳужжатлар белгиланган талабга жавоб берганлиги ва тўғри расмийлаштирилганлиги, шунингдек Ички хавфсизлик инспекцияси томонидан талабгорнинг ишчанлик обрўси, қонунчилиikka ва Суд департаменти билан тузилган шартнома шартларига риоя этиш аҳволи (агар бундай шартнома тузилган бўлса), унга нисбатан назорат идоралари томонидан қўлланилган санкциялар ва бошқа шунга ўхшаш жиҳатлар текширилади.

иккинчи босқичда — Комиссия ўз йиғилишида тақдим қилинган ҳужжатларни ўрганadi, белгиланган мезонлар бўйича баҳолайди ҳамда унинг натижалари бўйича танлов ғолибини аниқлайди.

21. Талабгорнинг ишчанлик обрўсини текшириш яқунлари бўйича Ички хавфсизлик инспекцияси томонидан хулоса тузилиб, у Ишчи органга тақдим қилинади.

Биринчи босқичдан ўтган талабгорларнинг ҳужжатлари иккинчи босқичга қўйилади.

22. Ишчи органи томонидан айрим талабгорларнинг ҳужжатлари биринчи босқичдан қайтарилган бўлса, улар бўйича умумлашган маълумот сабабларини кўрсатган ҳолда Комиссияга тақдим қилинади. Комиссия қайтариш сабабларини асоссиз деб топганда, талабгорлар иккинчи босқичга қўйилишлари мумкин.

23. Савдо ташкилотлари танлови Комиссия томонидан коллегиал тарзда ҳал қилинади.

Комиссия аъзолари талабгорлар томонидан тақдим қилинган ҳужжатларни ўрганиб чиқиб, қўйидаги мезонлар бўйича уларни баҳолайди:

а) истеъмолчи учун жойлашган жойининг қулайлиги (вилоят ва туман (шаҳар) марказлари, бозорлар ва ҳоказоларга яқинлиги);

б) мол-мулкларнинг сақланишини, туркумланишини, сортларга ажратилишини ва бутланишини таъминловчи жой (ускуна)ларнинг мавжудлиги;

в) мажбуриятлардан ҳоли бўлган пул маблағлари;

г) мавжуд яроқли техникаси;

д) ходимларининг малакаси ва иш тажрибаси;

е) кўрсатилган хизмат учун савдо чегирмасининг пастлиги.

24. Талабгорларнинг имкониятлари 10 баллик рейтинг шкаласида қўйидагиларни инобатга олган ҳолда баҳоланади:

а) истеъмолчи учун жойлашган жойининг қулайлигини (вилоят ва туман (шаҳар) марказлари, бозорлар ва ҳоказоларга яқинлиги) унинг аниқ жойлашган ўрни асосида ўрганилиб, талабгорга 5 баллдан 10 баллгача баҳо берилади. Бунда маҳаллий ҳокимият идоралари томонидан солиқ солиш, ижара ҳақи ставкасини белгилаш ёхуд бошқа мақсадларда туман (шаҳар) худуди тегишли зоналарга бўлинган бўлса, мазкур зоналаштириш ҳисобга олинади.

б) мол-мулкларнинг сақланишини, туркумланишини, сортларга ажратилишини ва бутланишини таъминловчи жой (ускуна)ларнинг мавжудлиги мезонини аниқлашда талабгор имконияти 5 баллдан 8 баллгача баҳоланади.

в) талабгор томонидан танловга таклиф этилаётган яроқли техника воситаси, унинг тури ва техник имкониятларидан келиб чиқиб 3 баллдан 8 баллгача баҳоланади. Танловда талабгорнинг ижро ҳужжати бўйича мол-мулкни сотишда иштирок этиши мумкин бўлган техник жиҳатдан соз бўлган кўпи билан 2 та техника воситалари ҳисобга олинади;

г) талабгорнинг ҳисобварағидаги мажбуриятлардан озод бўлган мавжуд пул маблағи ва мол-мулки 2 баллдан 5 баллгача баҳоланади. Бунда талабгорнинг барча мавжуд пул маблағлари ва мол-мулки умумлаштирилиб, ягона балл берилади;

д) савдо ташкилоти ходимларининг маълумоти ва иш тажрибаси 2 баллдан 5 баллгача баҳоланади (кўпи билан 2 нафар савдо ташкилоти ходими ҳисобга олинади);

е) кўрсатилган хизмат учун савдо чегирмасининг пастлиги 5 баллдан 8 баллгача баҳоланади.

Талабгорлар томонидан тақдим этилган маълумотлар юқорида кўрсатилган мезонлар талабига жавоб бермаса, уларга ушбу мезон бўйича балл берилмайди.

25. Йиғилишда талабгорнинг ҳар бир кўрсаткичи бўйича тегишли баллни бериш масаласи комиссия аъзолари томонидан мазкур Низомнинг 1-иловасида назарда тутилган кўрсаткичлар асосида кўпчилик овоз билан ҳал этилади ва ҳар бир кўрсаткич бўйича ягона балл берилади.

26. Энг кўп якуний балл тўплаган талабгорлар — савдо ташкилотлари Комиссия йиғилишида танлов ғолиблари деб топилади.

Агар икки ва ундан ортиқ талабгор бир хил балл тўплаган тақдирда, улар орасида нисбатан паст савдо чегирмаси тақлиф қилган талабгор танлов ғолиби деб топилади.

27. Танлов ғолиблари деб топиш тўғрисидаги қарор Комиссия аъзоларининг оддий кўпчилик овози билан қабул қилинади. Овозлар тенг бўлиб қолган ҳолларда Комиссия раисининг овози ҳал қилувчи ҳисобланади.

28. Комиссия қарори баённома билан расмийлаштирилади. Баённома Комиссия раиси ва котиби томонидан имзоланади.

Баённомада қуйидагилар кўрсатилиши шарт:

йиғилиш ўтказилган жой ва сана;

йиғилишда иштирок этган Комиссия аъзолари;

танловда иштирок этиш учун ҳужжатлар тақдим этган талабгорларнинг рўйхати;

талабгорлар тақлифларини баҳолаш ҳақидаги маълумот;

танлов ғолиблари тўғрисида маълумот.

29. Танлов натижалари бўйича баённома имзоланганидан сўнг беш кунлик муддат ичида танлов ғолиблари ва Суд департаментининг вилоят бошқармалари ўртасида муддатини узайтириш ҳуқуқи билан бир йил муддатга ижро ҳужжатлари бўйича мол-мулкни сотиш тўғрисида тасдиқланган намунавий шаклдаги шартнома тузилади.

Шартноманинг амал қилиш муддатини узайтиришда савдо ташкилотлари томонидан шартнома шартларига риоя қилинганлиги ҳамда улар томонидан ижро ҳужжатлари бўйича савдони ташкил этиш ва ўтказиш тартибини бузиш ҳолатларига йўл қўйилмаганлиги инобатга олинади.

30. Шартнома тузилганидан сўнг бир кунлик муддат ичида ваколатли савдо ташкилотларининг рўйхати тегишли суд ижрочилари туман (шаҳар) бўлимларига юборилади. Шунингдек, танловни ўтказиш тўғрисида эълон берилган оммавий ахборот воситаларида бу ҳақда маълумот берилади.

III. Ижро ҳужжатлари асосида сотиладиган мол-мулкни сотувга чиқариш ва сотиш тартиби

31. Ижро ҳужжатлари асосида сотувга чиқариладиган мол-мулк савдо ташкилотларига топширилгунга қадар белгиланган тартибда баҳоланади.

32. Хатланган мол-мулк уни баҳолаш тўғрисидаги хулоса баҳоловчидан олинган кундан бошлаб, қонунчиликда назарда тутилган ҳолларда суд ижрочиси томонидан баҳоланганда эса, мол-мулкни баҳоланган кундан бошлаб 3 кун ичида далолатнома асосида суд ижрочиси томонидан савдо ташкилотига топширилади.

Далолатнома мазкур Низомнинг 2-иловасида белгиланган шаклда тузилади.

33. Мол-мулкни сотиш тўғрисидаги далолатномага қуйидагилар илова қилинади: ижро ҳужжатининг нусхаси; мол-мулкни хатлаш (рўйхатга олиш) далолатномасининг нусхаси; мол-мулкни тавсифловчи ҳужжатлар ва (ёки) баҳолаш тўғрисидаги хулоса нусхалари;

сертификатланиши шарт бўлган товарлар бўйича мувофиқлик сертификатлари.

34. Ижро ҳужжатлари ижросини ўз вақтида таъминлаш учун миқдори, ҳажми ва тез сотилиши имкониятларидан келиб чиқиб, мол-мулк бир вақтнинг ўзида сотиш учун шартнома тузилган бир нечта савдо ташкилотларига берилиши мумкин.

35. Сотиш учун савдо ташкилотлари томонидан қабул қилинган мол-мулклар хатлаш (рўйхатга олиш) далолатномасида назарда тутилган тартиб рақамлари, шунингдек қонун ҳужжатларига мувофиқ бошқа маълумотлар кўрсатилган ҳолда мувофиқлик сертификатлари (сертификатланиши шарт бўлган товарлар бўйича) ва савдо ташкилотининг товар ёрлиқлари билан таъминланиши керак.

Мол-мулкларни жузъий таъмирлаш, тозалаш ва текислаш уларни сотиш учун қабул қилиб олган савдо ташкилотлари ҳисобидан амалга оширилади.

36. Савдо ташкилотлари томонидан мол-мулкни сотиш Ўзбекистон Республикаси Вазирлар Маҳкамасининг 2003 йил 13 февралдаги 75-сон қарори билан тасдиқланган «Ўзбекистон Республикаси чакана савдо қоидалари» асосида амалга оширилади.

37. Сотувга чиқарилган мол-мулк икки ой мобайнида белгиланган нархда сотилмаса, савдо ташкилоти мол-мулк нархини камайтириш ёхуд уни қайтариб олиш масаласини кўриб чиқиш учун суд ижрочисига ёзма равишда хабарнома юборади.

38. Савдо ташкилотлари томонидан шартнома шартларига, шунингдек мол-мулкни сотиш тартибига риоя этилиши устидан назорат тегишли суд ижрочилари туман (шаҳар) бўлимлари томонидан амалга оширилади.

Шартнома шартлари ва мол-мулкни сотиш тартиби бузилган тақдирда суд ижрочилари туман (шаҳар) бўлимлари шартномани бир томонлама бекор қилиш тўғрисида ҳудудий бошқармага билдирги юбориши ҳамда мол-мулкни мазкур Низом асосида танлаб олинган бошқа савдо ташкилотига олиб беришга ҳақлидир.

IV. Мол-мулкни реализация қилишдан тушадиган пул маблағларини ҳисобга олиш

39. Мол-мулкни реализация қилишдан тушган пул маблағларини ўтказиш учун суд ижрочилари бўлимлари томонидан банкда депозит ҳисоб рақами очилади.

40. Мол-мулкни реализация қилишдан тушган пул маблағлари, савдо чегирмасини ушлаб қолган ҳолда, реализация қилинишига қараб савдо ташкилоти томонидан суд ижрочилари туман (шаҳар) бўлимларидаги депозит ҳисоб рақамига икки банк иш кунидан кечикмай, ижро ҳужжатининг тартиб рақами ва санаси кўрсатилган ҳолда ўтказилади.

Мол-мулкни реализация қилишдан тушган суммани ўтказиш муддати кечиккан тақдирда савдо ташкилоти кечиккан ҳар бир кун учун тўланадиган сумманинг 0,5 фоизи миқдорида пеня ундирилади.

41. Суд ижрочилари туман (шаҳар) бўлимининг депозит ҳисоб рақамига мол-мулкни реализация қилишдан келиб тушган маблағларни тақсимлаш қонун ҳужжатларида белгиланган тартибда амалга оширилади.

Ҳ. Яқуний қоидалар

42. Суд департаменти, унинг ҳудудий бошқармалари ва суд ижрочилари туман (шаҳар) бўлимлари савдо ва ихтисослашган ташкилотлар, шунингдек бозорлар томонидан ижро ҳужжатлари бўйича мол-мулкни сотишни ташкил этилиши ва ўтказилиши устидан доимий назоратни амалга оширади.

43. Мазкур Низом Монополиядан чиқариш, рақобат ва тадбиркорликни қўллаб-қувватлаш давлат қўмитаси билан келишилган.

Монополиядан чиқариш, рақобат ва тадбиркорликни қўллаб-қувватлаш давлат қўмитаси раиси в.б. Б. УЛАШОВ

Тошкент ш.,
2006 йил 28 декабрь

Суд ҳужжатлари ва бошқа органлар ҳужжатлари бўйича мол-мулкни сотиш учун савдо ташкилотларини танлаш ва мол-мулкни сотиш тартиби тўғрисидаги
низомига
1-ИЛОВА

Танловда иштирок этиш учун қатнашувчиларни танлашда талабгорларнинг имкониятларини баҳолайдиган РЕЙТИНГ БАЛЛАРИ

№	Баҳолаш мезонлари	Рейтинг кўрсаткичлари	Рейтинг баллар	Бериладиган маълумот
	Истеъмолчи учун жойлашган жойининг қулайлиги (вилоят ва туман (шаҳар) марказлари, бозорлар ва ҳоказоларга яқинлиги)	Аҳоли гавжум вилоят ва туман (шаҳар) марказида, бозорлар ва савдо марказларда ёхуд уларнинг яқин атрофида жойлашган талабгор	8 баллдан 10 баллгача	Ҳуқуқни тасдиқловчи ҳужжатлар, фотосуратлар тегишли маълумот
Юқорида кўрсатилганидан бошқа аҳоли гавжум транспорт воситалари серкатнов йўл бўйида жойлашган талабгор		6 баллдан 8 баллгача		
Аҳоли гавжум бошқа ҳудудларда жойлашган талабгор		5 баллдан 6 баллгача		
	Мол-мулкларнинг сақланишини таъминловчи жой (ускуна)лар	Махсус сақлаш биноси ёки жойи (омборхона, ертўла, музлатгич, совутгич ва ҳ.к.)	5 баллдан 8 баллгача	Ҳуқуқни тасдиқловчи ҳужжатлар, фотосуратлар, тегишли маълумот
	Мол-мулкларнинг туркумланиши, сортларга ажратилиши ва бутланишини таъминловчи жой (ускуна)лар	Мол-мулкларнинг туркумланиши, сортларга ажратилиши ва бутланишини таъминловчи етарлича савдо асбоб-анжомлари ва махсус сотиш жойлари	5 баллдан 8 баллгача	Ҳуқуқни тасдиқловчи ҳужжатлар, фотосуратлар, тегишли маълумот

№	Баҳолаш мезонлари	Рейтинг кўрсаткичлари	Рейтинг баллар	Бериладиган маълумот
	Талабгорга тегишли яроқли техника	Юк машина	8 балл	Хукуқни тасдиқловчи ҳужжатлар, фотосуратлар, техник паспорт
		Юк ташишга ихтисослашган енгил машина	6 балл	
		Енгил машина	4 балл	
		Юк ташишга ихтисослашган мотоцикл	3 балл	
	Талабгорнинг мажбуриятлардан ҳоли бўлган мавжуд пул маблағи ва мол-мулки	100 млн. сўмдан юқори	5 балл	Банк маълумотномаси
		50 млн. — 100 млн. сўмгача	4 балл	
		10 млн. — 50 млн. сўмгача	3 балл	
		1 млн. дан — 10 млн. сўмгача	2 балл	
	Савдо ташкилоти ходимларининг маълумоти ва уларнинг иш тажрибаси	Мутахассислик бўйича маълумоти ва 5 йилдан ортиқ иш тажрибаси	5 балл	Белгиланган тартибда тасдиқланган меҳнат дафтарчаси ва дипломи нусхалари
		Мутахассислик бўйича маълумоти ва 5 йилдан кам иш тажи	3 балл	
		Мутахассислик бўйича маълумоти бўлмасдан туриб, 5 йилдан ортиқ иш тажи	2 балл	
	Кўрсатилган хизмат учун савдо чегирмасининг пастлиги	5% гача	8 балл	Талабгорни ёзма таклифи
		5% дан 7% гача	7 балл	
		7% дан 9% гача	6 балл	
		9% дан 10% гача	5 балл	

Изоҳ. Комиссия баҳоланаётган кўрсаткичларнинг хусусиятига қараб уларнинг ҳар бири бўйича балл бериш мақбул ёки мақбул эмаслигини аниқлайди. 4 ва 6-бандлар бўйича 1 тадан ортиқ ходим ёки техника воситаси кўрсатилган бўлса, улардан танлаб олинган 2 тасининг ҳар бири учун алоҳида балл берилади.

Суд ҳужжатлари ва бошқа органлар ҳужжатлари бўйича мол-мулкни сотиш учун савдо ташкилотларини танлаш ва мол-мулкни сотиш тартиби тўғрисидаги низомга
2-ИЛОВА

Хатланган мол-мулкни сотишга топшириш ҳақидаги ДАЛОЛАТНОМА

«___» _____ 20___ й. _____ туман (шаҳар)

Мен, _____ суд ижрочилари туман (шаҳар)
бўлими суд ижрочиси _____, савдо ташкилоти вакили

(Савдо ташкилоти вакилининг Ф.И.Ш., яшаш жойи ҳақидаги маълумотлар)

иштирокида _____ га мувофиқ,
(ижро ҳужжатининг номи)

қарздор _____ дан ундирувчи
(қарздорнинг Ф.И.Ш.)

_____ фойдасига _____
(ундирувчининг Ф.И.Ш.)

Ўзбекистон Республикаси Қонун ҳужжатлари тўплами, 2006 й.

(ижро ҳужжатининг мазмуни)

ундириш ҳақидаги «___» _____ 200__ йилда қўзғатилган _____сонли ижро иш юритуви бўйича «___» _____ 200__ йилдаги далолатномага мувофиқ

№	Мол-мулкнинг номи ва тавсифи	Миқдори	Нархи
1.			
2.			
3.			

хатланган мулкларни мазкур далолатномага мувофиқ _____

_____ савдо дўконига сотиш учун топширдим
(савдо ташкилотининг номи)

Юқоридаги мулкларни сотиш учун қабул қилиб олдим _____

(шахснинг Ф.И.Ш., лавозими, унинг ваколатлигини тасдиқловчи ҳужжатлар ҳақида маълумот)

Сотиш учун топширилган мулкнинг жами нархи _____ сўм,
(сўз билан)

бундан комиссия тўлов _____ фоизни, яъни _____
(сўз билан)

— сўмни ташкил этади.

_____ сўм _____ * ҳисоб рақамига ўтказилиши лозим.

+

Имзолар:

Суд ижрочиси: _____

Савдо ташкилоти _____

* суд ижрочилари туман (шаҳар) бўлимлари депозит ҳисоб рақамлари кўрсатилади, давлат даромадига ўтказилган мол-мулкни сотишда эса махсус ҳисобрақам кўрсатилади.

ЎЗБЕКИСТОН RESPUBLIKACI ADLIA VAZIRINING
БУЙРУҒИ**525** Хўжалик юритувчи субъектларда текшириш ўтказиш
ва Текширишларни рўйхатга олиш китобини юритиш
тартиби тўғрисидаги низомни тасдиқлаш ҳақида

*Ўзбекистон Республикаси Адлия вазирлиги томонидан 2006 йил
29 декабрда 1650-сон билан давлат рўйхатидан ўтказилди*

(2007 йил 8 январдан кучга киради)

Назорат органларининг хўжалик юритувчи субъектлар фаолиятига аралашувини камайитириш, уларнинг ҳуқуқ ва қонуний манфаатлари ҳимоя қилинишини таъминлаш, тадбиркорлик фаолиятини асоссиз чекланишига йўл қўймаслик ҳамда Ўзбекистон Республикасининг 2006 йил 23 мартдаги «Тадбиркорлик субъектларини текшириш сони қисқартирилганлиги ҳамда текширишлар тизими такомиллаштирилганлиги муносабати билан Ўзбекистон Республикасининг айрим қонун ҳужжатларига ўзгартириш ва қўшимчалар киритиш тўғрисида»ги Қонунига, шунингдек Ўзбекистон Республикаси Президентининг 2005 йил 14 июндаги ПФ-3619-сон ва 2005 йил 5 октябрдаги ПФ-3665-сон фармонларига асосан **бўяраман:**

1. Хўжалик юритувчи субъектларда текшириш ўтказиш ва Текширишларни рўйхатга олиш китобини юритиш тартиби тўғрисидаги низом иловага мувофиқ тасдиқлансин.

2. Идоравий меъёрий ҳужжатларни давлат рўйхатидан ўтказиш бошқармаси (С. Саттаров):

мазкур буйруқни давлат рўйхатидан ўтказсин ҳамда вазирликлар, давлат қўмиталари ва идоралар норматив ҳужжатларининг Давлат реестрига тегишли ёзув киритсин;

ушбу буйруқни барча манфаатдор шахслар эътиборига етказилиши ва амалда қўлланилиши устидан назоратни таъминласин.

3. Мазкур буйруқ Ўзбекистон Республикаси Адлия вазирлигида давлат рўйхатидан ўтказилганидан сўнг ўн кундан кейин кучга киради.

4. Ушбу буйруқ кучга кирган кундан бошлаб Ўзбекистон Республикаси Адлия вазирининг 2001 йил 15 майдаги 55-мх-сон «Хўжалик юритувчи субъектлар фаолиятини текшириш ва Текширишларни рўйхатга олиш китобини юритиш тартиби тўғрисидаги низомга ўзгартириш ва қўшимчалар киритиш ҳақида»ги буйруғи (2001 йил 15 май, рўйхат рақами 917-1) ўз кучини йўқотган деб топилсин.

5. Қонун ҳужжатларини туркумлаш ва ҳуқуқий ахборот бошқармаси (У. Аюбов) мазкур норматив-ҳуқуқий ҳужжатни «Ўзбекистон Республикаси қонун ҳужжатлари тўплами» — «Собрание законодательства Республики Узбекистан»да нашр этишни таъминласин.

6. Мазкур буйруқнинг бажарилишини назорат қилиш вазир ўринбосари Е. Канъязов зиммасига юклансин.

Адлия вазири Ф. ОТАХОНОВ

Тошкент ш.,
2006 йил 29 декабрь,
213-мх-сон

Ўзбекистон Республикаси Қонун ҳужжатлари тўплами, 2006 й.

Адлия вазирининг
2006 йил 29 декабрдаги 213-мх-сон
буйруғи билан
ТАСДИҚЛАНГАН

**Хўжалик юритувчи субъектлар фаолиятини текшириш
ва Текширишларни рўйхатга олиш китобини юритиш
тартиби тўғрисида
НИЗОМ**

Ушбу Низом Ўзбекистон Республикасининг «Тадбиркорлик фаолияти эркинлигининг кафолатлари тўғрисида»ги, «Хўжалик юритувчи субъектлар фаолиятини давлат томонидан назорат қилиш тўғрисида»ги қонунлари, Ўзбекистон Республикаси Президентининг 1996 йил 8 августдаги ПФ-1503-сон «Текширишларни тартибга солиш ва назорат қилувчи органлар фаолиятини мувофиқлаштиришни такомиллаштириш тўғрисида»ги ва 1998 йил 19 ноябрдаги ПФ-2114-сон «Хўжалик юритувчи субъектларни текширишни ташкил қилишни тартибга солиш тўғрисида»ги фармонларига, Ўзбекистон Республикаси Вазирлар Маҳкамасининг 2000 йил 17 февралдаги 57-сон «Кичик ва хусусий тадбиркорликни ривожлантиришни рағбатлантириш бўйича Республика мувофиқлаштирувчи кенгаши фаолиятини фаоллаштириш тўғрисида»ги қарорига мувофиқ тадбиркорлар ҳуқуқларини ҳимоя қилишни таъминлаш мақсадида ишлаб чиқилган.

I. Умумий қоидалар

1. Мазкур Низомда қуйидаги асосий тушунчалар ва уларнинг таърифлари қўлланилади:

Текширишларни рўйхатга олиш китоби — назорат қилувчи ва ҳуқуқни муҳофаза қилувчи органлар томонидан ўтказиладиган хўжалик юритувчи субъект фаолиятини текширишлар тўғрисидаги ахборот киритиладиган расмий ҳужжат ҳисобланувчи текширишларни ҳисобга олиш махсус китоби;

хўжалик юритувчи субъект — белгиланган тартибда рўйхатдан ўтган ҳамда тадбиркорлик фаолиятини амалга ошираётган юридик ва жисмоний шахс;

назорат қилувчи органлар — хўжалик юритувчи субъектлар фаолиятини давлат томонидан назорат қилишга қонун ҳужжатлари билан ваколат берилган вазирликлар ва идоралар;

текшириш — хўжалик юритувчи субъектлар томонидан қонунлар ҳамда улар фаолиятини тартибга солувчи бошқа қонун ҳужжатлари қандай бажарилаётганлигини назорат қилувчи ва ҳуқуқни муҳофаза қилувчи органларнинг бир марта назорат қилиши;

комплекс текшириш — бир вақтнинг ўзида икки ва ундан ортиқ назорат қилувчи органлар томонидан амалга ошириладиган текшириш;

молия-хўжалик фаолиятини текшириш (тафтиш қилиш) — солиқ ва валюта тўғрисидаги қонун ҳужжатларига риоя этилиши устидан назоратни амалга ошириш мақсадида хўжалик юритувчи субъектларнинг бухгалтерия, молия, статистика, банк ҳамда бошқа ҳужжатларини ўрганиш ва таққослаш;

режадан ташқари текшириш — назорат қилувчи органлар томонидан қонун ҳужжатларида назарда тутилган тартибда ва ҳолларда амалга ошириладиган йиллик (чораклик) текширишлар режасига киритилмаган текшириш (шу жумладан қисқа муддатли текшириш);

қисқа муддатли текшириш — назорат қилувчи органлар томонидан бир иш куни давомида ўтказиладиган ва хўжалик юритувчи субъектларнинг молия-хўжалик фаолиятини текшириш билан боғлиқ бўлмаган текширув (кечки ва ёки) тунги вақтларда фаолият кўрсатувчи (текшириш кунининг соат 18-00дан эртаси кунининг соат 6-00 гача) хўжалик юритувчи субъектларда қисқа муддатли текширишлар текшириш бошланган пайтдан бошлаб саккиз соат давомида амалга оширилади);

муқобил текшириш — операциялар бирлиги туфайли ўзаро боғлиқ бўлган ва турли хўжалик юритувчи субъектлардаги ёки бир хўжалик юритувчи субъектнинг турли бўлинмаларидаги ҳужжатларни таққослашдан иборат текширув;

назорат тартибида текшириш — хўжалик юритувчи субъектларнинг илгариги текширишда кўрсатилган қоидабузарликларни бартараф этиши устидан назорат қилувчи органлар амалга оширадиган текшириш.

2. Мазкур Низом назорат қилувчи ва ҳуқуқни муҳофаза қилувчи органлар (кейинги ўринларда — текширувчи органлар)нинг хўжалик юритувчи субъектлар фаолиятини барча текширишлари (молия-хўжалик фаолиятини текшириш, комплекс текшириш, тафтиш қилиш, режадан ташқари текшириш, муқобил текшириш, назорат тартибида текшириш ва ҳ. к.), шу жумладан ёнғин, санитария-эпидемиология, ветеринария хавфсизлиги, касса операцияларини юритиш тартиби ва товарлар билан савдо қилиш қоидаларига риоя қилишни текшириш, шунингдек энергия назорати, карантин ва ўсимликлар ҳимояси хизматлари, табиатни муҳофаза қилиш органлари томонидан ўтказиладиган текширишлар ва бошқа текширишлар бўйича хатти-ҳаракатларига нисбатан татбиқ этилади.

3. Хўжалик юритувчи субъектлар фаолиятини текширишнинг асосий принциплари қуйидагилардан иборат:

текширувчи органлар фаолиятида қонунийлик, холислик ва ошкоралик;
юридик ва жисмоний шахсларнинг ҳуқуқлари ва қонуний манфаатларини ҳимоя қилиш;

хўжалик юритувчи субъектларнинг фаолиятига аралашмаслик.

4. Текшириш билан хўжалик юритувчи субъектнинг бевосита текшириш ўтказиш йилидан олдинги тўрт календарь йилдан кўп бўлмаган фаолияти қамраб олиниши мумкин. Бунда:

текшириш ўтказиладиган календарь йил даврларини текширишга рухсат этилади;

илгари текширилган масалалар бўйича текшириш ўтказиш ман этилади.

Мазкур банднинг қоидалари қўзғатилган жиноят ишлари доирасида ҳуқуқни муҳофаза қилувчи органлар томонидан ўтказиладиган текширишларга татбиқ этилмайди.

5. Давлат бюджети ва мақсадли давлат жамғармалари маблағлари ҳисобидан молиялаштириладиган муассасалар фаолиятини давлат томонидан назорат қилиш қонун ҳужжатларида белгиланган тартибда амалга оширилади.

Прокурор назорати тартибида амалга ошириладиган давлат назорати ҳам тегишли қонун ҳужжатлари билан тартибга солинади.

6. Мазкур Низом билан тартибга солинмаган муносабатлар бошқа қонун ҳужжатлари билан тартибга солинади.

II. Текшириш ўтказиш учун асослар

7. Режали текширишлар ўтказиш учун қуйидагилар асос бўлади:

назорат қилувчи органлар фаолиятини мувофиқлаштирувчи Республика кенгаши (кейинги ўринларда — Кенгаш) ёки унинг Қорақалпоғистон Республикаси, вилоятлар ва Тошкент шаҳри бўйича тегишли ҳудудий комиссиялари (кейинги ўринларда — вилоят комиссиялари) томонидан белгиланган тартибда берилган хўжалик юритувчи субъектлар фаолиятини текширишнинг мувофиқлаштириш режасидан кўчирма;

назорат қилувчи органнинг текширишлар амалга оширишни мувофиқлаштириш режаси асосида текшириш мақсади, текширувчи мансабдор шахслар таркиби ва текшириш ўтказиш муддатлари кўрсатилган ҳолда чиқарган буйруғи.

8. Хўжалик юритувчи субъектлар фаолиятини режадан ташқари текшириш учун Кенгаш, вилоят комиссиялари ёки қонунчиликда назарда тутилган ҳолларда, Кенгашнинг туман ва шаҳарлар бўйича ҳудудий комиссиялари томонидан текширилаётган объект номи, текшириш ўтказиш мақсади, муддатлари ва унинг сабаблари асослилиги кўрсатилган ҳолда режадан ташқари текшириш ўтказиш тўғрисида белгиланган тартибда қабул қилинган қарор, шунингдек текширишни амалга оширувчи тегишли назорат қилувчи органнинг мансабдор шахслари таркиби ва текшириш ўтказиш муддати кўрсатилган буйруғи асос бўлади.

9. Режадан ташқари текширишлар назорат қилувчи органлар томонидан қуйидаги ҳолларда ўтказилади:

агар текширувчи ўтказиш зарурати Ўзбекистон Республикаси Президентининг ва Ҳукуматининг қарорларидан келиб чиққанда. Бунда агар Президент ва Ҳукумат қарорларида текшириш ўтказиладиган хўжалик юритувчи субъект номи аниқ кўрсатилган бўлса, Кенгаш ёки унинг вилоят комиссиясининг розилигини олиш талаб қилинмайди;

назорат қилувчи органга хўжалик юритувчи субъект томонидан қонунлар ва бошқа қонун ҳужжатларининг бузилганлиги тўғрисида қўшимча маълумотлар келиб тушганда. Қўшимча маълумотлар сифатида корхоналар, ташкилотлар, муассасалар ва фуқароларнинг аниқ исботланган ва ҳужжатлар билан тасдиқланган қонунбузилиш фактлари хизмат қилиши мумкин;

фавқулодда вазиятлар юзага келишининг олди олинаётганда;

санитария-эпидемиология вазияти мураккаблашганда, шунингдек қўшни давлатлардан юқумли касалликлар кириб келиши ва тарқалиши эҳтимоли вужудга келганда.

Юқори турувчи назорат қилувчи органлар ўзларининг ҳудудий бўлинмаларига хўжалик юритувчи субъектларнинг фаолиятида режадан ташқари текшириш ўтказиш учун топшириқларни фақатгина Кенгаш, вилоят комиссиялари ёки қонунчиликда назарда тутилган ҳолларда, Кенгашнинг туман ва шаҳарлар бўйича ҳудудий комиссияларининг уларни ўтказиш тўғрисидаги қарори бўлганида юборади.

10. «Тадбиркорлик фаолияти эркинлигининг кафолатлари тўғрисида»ги Ўзбекистон Республикаси Қонунининг 39-моддаси ва «Хўжалик юритувчи субъектлар фаолиятини давлат томонидан назорат қилиш тўғрисида»ги Ўзбекистон Республикаси Қонунининг 9-моддасига мувофиқ прокуратура, ички ишлар ва миллий хавфсизлик хизмати органлари томонидан хўжалик юритувчи субъектлар фаолиятини текшириш учун кўзғатилган жиноий иш мавжудлиги асос бўлади.

11. Хўжалик юритувчи субъект Кенгаш ёки вилоят комиссияси ишчи органларидан унинг фаолиятини текширишга тааллуқли (режалаштирилган текшириш саноати, тури, назорат қилувчи органнинг номи ва ҳ. к.) ахборотни (бунда ушбу ахборот хўжалик юритувчи субъектга бепул тақдим этилади) олишга ҳақли. Хўжалик юритувчи субъектларнинг ушбу ахборотни олиши, шунингдек Кенгаш томонидан

тасдиқланадиган текширишлар режаларига киритилган текширувлар тўғрисидаги маълумотларни матбуотда эълон қилиш йўли билан ҳам таъминланиши мумкин.

12. Хўжалик юритувчи субъектларни уларнинг молия-хўжалик фаолияти билан боғлиқ бўлмаган ҳолда текширишлар тегишли назорат қилувчи (ёнфинга қарши, санитария, ветеринария, энергетика назорати ва бошқа) органлар томонидан, қонда тариқасида, бир марта ўтказиладиган комплекс текширув давомида амалга оширилади.

Хўжалик юритувчи субъектларнинг молия-хўжалик фаолиятини текшириш (тафтиш қилиш) белгиланган тартибда фақат давлат солиқ хизмати органлари, улар томонидан текшириш давомида солиқ ва валютага оид жиноят аломатлари аниқланган тақдирда эса — Ўзбекистон Республикаси Бош прокуратураси ҳузуридаги Солиқ ва валютага оид жиноятларга ҳамда жиноий даромадларни легаллаштиришга қарши кураш департаменти томонидан амалга оширилади.

Бунда ҳудудий солиқ органлари томонидан бошқа туманлар (шаҳарлар)да рўйхатга олинган хўжалик юритувчи субъектларнинг ишлаб чиқариш бинолари, савдо шохобчалари қаерда жойлашганидан ва хизматлар кўрсатиладиган (ишлар бажариладиган) жойдан қатъи назар уларнинг молия-хўжалик фаолиятини текшириш такрорланишига йўл қўйилмаган ҳолда, хўжалик юритувчи субъект рўйхатга олинган жойдаги тегишли солиқ органлари билан бир вақтда амалга оширилади.

13. Режали текширувлар Кенгаш томонидан тасдиқланган режалар асосида ўтказилади.

Бир кундан ортиқ давом этадиган режадан ташқари текширишлар назорат қилувчи органлар томонидан Кенгаш қарори бўйича амалга оширилади. Бир кунлик режадан ташқари текширишлар назорат қилувчи органлар томонидан Кенгаш ёки унинг вилоят комиссияси, шунингдек қонунчиликда назарда тутилган ҳолларда, Кенгашнинг туман ва шаҳарлар бўйича ҳудудий комиссияларининг қарори бўйича амалга оширилади.

Хўжалик юритувчи субъектларда муқобил текширишлар жиноят ишлари юзасидан тергов олиб бориш жараёнида текшириш тайинлаш тўғрисидаги қарор асосида ёки назорат қилувчи органлар томонидан Кенгаш ёки вилоят комиссияси қарорига биноан ўтказилиши мумкин.

Назорат тартибдаги текширишлар назорат қилувчи органлар томонидан ушбу Низомнинг 23-банди талабларига қатъий риоя қилинган ҳолда Кенгаш ёки унинг вилоят комиссиясининг қўшимча қарорисиз амалга оширилади.

Якка тартибдаги тадбиркорлар фаолиятини текшириш учун асослар Кенгаш томонидан тасдиқланадиган норматив ҳужжатлар билан тартибга солинади.

14. Текшириш ўтказишга фақат тегишли назорат органлари томонидан амалга ошириладиган аттестация натижалари бўйича ва текшириш ҳуқуқини берувчи белгиланган намунадаги махсус гувоҳномаларга эга бўлган мансабдор шахсларга рухсат этилади.

III. Текширишлар ўтказиш шартлари

15. Хўжалик юритувчи субъектлар фаолиятини текшириш муддатлари 30 календарь кундан ошмаслиги лозим. Алоҳида ҳолларда Кенгаш қарорига биноан бу муддат узайтирилиши мумкин.

16. «Тадбиркорлик фаолияти эркинлигининг кафолатлари тўғрисида»ги Ўзбекистон Республикаси Қонунининг 39-моддасига мувофиқ хўжалик юритувчи субъект-

лар — Ўзбекистон Республикаси Савдо-саноат палатаси аъзолари фаолиятини текшириш унинг вакиллари иштирокида амалга оширилиши мумкин.

Бухгалтерия ҳисобини юритиш ва ҳисобот тузиш аудиторлик ташкилоти томонидан амалга ошириладиган хўжалик юритувчи субъектларнинг молия-хўжалик фаолияти тегишли аудиторлик ташкилоти мажбурий жалб қилинган ҳолда текширилади. Бунда молиявий ҳисоботнинг тўғрилиги учун аудиторлик ташкилоти жавоб беради.

17. Текшириш ўтказиш учун аудиторлик ташкилотлари ва/ёки экспертлар жалб қилинган тақдирда аудиторлик текширишлари (экспертизалар) ўтказиш бўйича сарф-харажатлар фақат ушбу текширишларни тайинлаган текширувчи органлар ҳисобидан амалга оширилади.

18. Аудиторлик ташкилотлари ва/ёки экспертлар жалб қилинганда текширувчи орган ҳамда аудиторлик ташкилоти ва/ёки эксперт ўртасида тузилган шартнома нусхаси албатта хўжалик юритувчи субъектга тақдим этилади. Шартномада аудитор ва/ёки экспертнинг фамилияси, исми, отасининг исми, иш жойи ва мансаби кўрсатилган бўлиши лозим.

Аудиторлик ва/ёки эксперт хулосасининг тўғрилиги ҳамда унинг Ўзбекистон Республикаси қонунчилигига мувофиқлиги юзасидан аудиторлик ташкилоти ва/ёки экспертнинг жавобгарлиги тузиладиган шартноманинг зарурий шарти ҳисобланади.

19. Хўжалик юритувчи субъектларнинг фаолиятини текширишлар Кенгашнинг қарорига биноан режали тартибда кўпи билан йилига бир марта амалга оширилиши мумкин, хусусий корхоналар ва ушбу Низомнинг 20-бандида назарда тутилган ҳоллар бундан мустасно.

Белгиланган нормалар ва қоидаларга ўз вақтида ҳамда тўла ҳажмда риоя этувчи хўжалик юритувчи субъектларнинг фаолиятини текширишлар назорат қилувчи органлар томонидан кўпи билан икки йилда бир марта амалга оширилади, ушбу Низомнинг 20-моддасида назарда тутилган ҳоллар бундан мустасно.

Хусусий корхоналар фаолиятини текширишлар назорат қилувчи органлар томонидан кўпи билан икки йилда бир марта, белгиланган тартибда амалга оширилиши мумкин, қонун ҳужжатларида назарда тутилган ҳоллар бундан мустасно.

20. Микрофирмалар, кичик корхоналар ва фермер хўжаликларининг молия-хўжалик фаолиятини ҳар тўрт йилда кўпи билан бир марта, бошқа тадбиркорлик субъектларини эса ҳар уч йилда кўпи билан бир марта режа асосида текшириш ўтказилади.

Янги ташкил қилинган микрофирмалар, кичик корхоналар ва фермер хўжаликларининг молия-хўжалик фаолиятини улар давлат рўйхатига олинган пайдан бошлаб икки йил мобайнида режа асосида текшириш ўтказилмайди.

21. Прокуратура, ички ишлар ва миллий хавфсизлик хизмати органлари томонидан ўтказиладиган текширишда хўжалик юритувчи субъектнинг фақат қўзғатилган жиноят иши билан боғлиқ фаолиятигина қамраб олиниши мумкин, бу ҳақда текшириш тайинлаш тўғрисидаги қарорда кўрсатилган бўлиши лозим.

22. Хўжалик юритувчи субъектлар фаолиятини муқобил текшириш хўжалик юритувчи субъектларга бормасдан амалга оширилади ва фақат уларнинг текширилаётган хўжалик юритувчи субъект билан ўзаро муносабатлари доирасидагина йўл қўйилади.

Хўжалик юритувчи субъектнинг текшириш объекти билан ўзаро муносабати деганда шахсларнинг ҳужжатлар (жиноят иши материаллари, ашёвий далиллар) билан тасдиқланган аниқ муносабатини тушуниш лозим.

Кенгаш ёки вилоят комиссиясининг қарори ёхуд ҳуқуқни муҳофаза қилувчи

органнинг тегишли мансабдор шахсининг қарори билан белгиланган муддатда муқобил текшириш ўтказиш имконияти бўлмаганида, у фақатгина муқобил текширишни бошқа муддатга кўчириш тўғрисидаги Кенгаш ёки вилоят комиссиясининг қўшимча қарори ёхуд ҳуқуқни муҳофаза қилувчи органнинг тегишли мансабдор шахсининг қўшимча қарори асосида ўтказилиши мумкин.

Хўжалик юритувчи субъектлардан муқобил текширишга тааллуқли бўлмаган молия-бухгалтерия ёки бошқа ҳужжатларни талаб қилиш ман этилади.

23. Назорат тартибдаги текширишларни ўтказиш назорат қилувчи органлар томонидан фақат илгари ўзлари ўтказган текшириш натижаларига доир далолатномада (маълумотномада) белгиланган ҳолатлар ва муддатлар бўйича Кенгаш ёки унинг вилоят комиссияларининг қўшимча розилигисиз амалга оширилади.

Тадбиркорлик субъекти текшириш натижалари бўйича далолатномада (маълумотномада) белгиланган муддатларда назорат тартибда текширишлар ўтказишга рози бўлмаса, уларни ўтказиш муддатлари Назорат қилувчи органлар томонидан ўтказиладиган, тадбиркорлик субъектлари — юридик шахслар фаолиятини текширишларни мувофиқлаштириш тартиби тўғрисидаги Низомда (2006 йил 6 май, рўйхат рақами 1573) кўрсатилган тартибга мувофиқ вилоят комиссияларининг қарорлари билан белгиланади. Бунда ўтказилган текшириш натижалари бўйича далолатнома (маълумотнома) назорат тартибда текшириш ўтказиш зарурлигига асос бўлади.

24. Хўжалик юритувчи субъектлар текширувчи органларнинг ваколатига кирмайдиган масалаларга оид талабларини бажармаслик ҳамда текшириш предметига тааллуқли бўлмаган материаллар билан уларни таништирмасликка ҳақлидир.

25. Ҳужжатларни олиб қўйиш ва уларни ҳуқуқни муҳофаза қилувчи органларнинг талаби бўйича тақдим этиш Ўзбекистон Республикасининг Жиноят-процессуал кодексига белгиланган тартибда амалга оширилади, прокуратура органлари эса, бу ҳолда «Прокуратура тўғрисида»ги Ўзбекистон Республикасининг Қонунига ҳам асосланади. Ҳуқуқни муҳофаза қилувчи органлар асл нусхаси олиб қўйилган ҳужжатларнинг сақланиши учун жавобгардирлар. Ҳужжатларнинг асл нусхасини олиб қўйишда, ҳуқуқни муҳофаза қилувчи органларнинг ваколатли шахслари, хўжалик юритувчи субъектларга бош бухгалтер ёки хўжалик юритувчи субъектнинг бошқа мансабдор шахси томонидан тасдиқланадиган ҳужжатларнинг асл нусхасидан кўчирмалар олиш имкониятини беришлари лозим.

26. Текширувчи органлар ва уларнинг мансабдор шахслари, аудиторлик ташкилотлари ва/ёки экспертлар уларга хўжалик юритувчи субъектни текшириш билан боғлиқ ҳолда маълум бўлган тижорат сирини ташкил қилувчи маълумотларни тарқатганликлари учун қонунчиликка мувофиқ жавобгар бўладилар.

27. Текширувчи мансабдор шахслар текшириш бошланишидан олдин хўжалик юритувчи субъектнинг раҳбарини (якка тартибдаги тадбиркорни, хўжалик юритувчи субъект раҳбари бўлмаган тақдирда — унинг вазифасини бажарувчи шахсни) текшириш мақсади ва шартлари билан таништириши, қонунчиликда белгиланган ҳужжатларни тақдим этиши, Текширишларни рўйхатга олиш китобига (1-сонли илова) тегишли ёзувлар киритиши лозим.

Текширишларни рўйхатга олиш китобини тўлдириш 2-сонли иловада кўрсатилган қоидаларга мувофиқ амалга оширилади.

28. Текширишларни рўйхатга олиш китоби белгиланган намунага мувофиқ бўлиши, қаттиқ муқова билан қопланган ва рақамланган, тикилган, варақлар сони ва Китобни юритиш санаси кўрсатилган ҳолда хўжалик юритувчи субъект раҳбарининг имзоси ва муҳри (якка тартибдаги тадбиркор учун — агар у мавжуд бўлса) билан тасдиқланган бўлиши керак.

Адлия органлари томонидан ҳисоби юритиладиган Текширишларни рўйхатга

олиш китобида хўжалик юритувчи субъектнинг тўлиқ номи, унинг жойлашган жойи (почта манзили), унга берилган солиқ тўловчининг идентификация рақами (СТИР) тўғрисида маълумотлар бўлиши лозим.

29. Текширишларни рўйхатга олиш китоби мулкчилик шаклидан қатъи назар, хўжалик юритувчи субъектлар томонидан юритилади. Текшириш бошланишидан олдин хўжалик юритувчи субъект раҳбари (якка тартибдаги тадбиркор, хўжалик юритувчи субъект раҳбари бўлмаган тақдирда — унинг вазифасини бажарувчи шахс) текширувчи мансабдор шахсга Текширишларни рўйхатга олиш китобини тегишли устунларини тўлдириш учун тақдим этади.

Текширувчи мансабдор шахс Текширишларни рўйхатга олиш китобини тўлдиришдан бош тортса, у текширишга қўйилмайди.

30. Назорат қилувчи органлар текширишни назорат қилувчи орган раҳбари томонидан тасдиқланган текшириш ўтказиш режасига мувофиқ амалга оширади. Текшириш текширишни ўтказиш режаси ва назорат қилувчи органнинг ваколатлари доирасидан четга чиқмаслиги лозим.

31. Текширишлар натижалари далолатнома (маълумотнома) билан, зарур ҳолларда эса — аниқланган камчиликларни бартараф этиш тўғрисидаги кўрсатма билан ҳам расмийлаштирилади.

32. Кенгаш ёки унинг вилоят комиссияси томонидан белгиланган тартибда берилган хўжалик юритувчи субъектлар фаолиятини текширишнинг мувофиқлаштириш режасидан кўчирма (кўчирманинг ҳақиқийлиги кўрсатилган ҳолда тегишли имзо ва муҳр билан тасдиқланган бўлиши лозим), назорат қилувчи орган раҳбари томонидан тасдиқланган текшириш ўтказиш буйруғи ва режаси, қўзғатилган жиноят иши билан боғлиқ текширишни тайинлаш тўғрисидаги қарор нусхалари хўжалик юритувчи субъект раҳбарига (якка тартибдаги тадбиркорга, хўжалик юритувчи субъект раҳбари бўлмаган тақдирда — унинг вазифасини бажарувчи шахсга) уларни олганлиги ҳақидаги тилхат асосида топширилади. Бунда текшириш натижаларини акс эттирувчи ҳужжатнинг бир нусхаси текшириш тугаганидан кейин ўн кунлик муддат ичида топширилади. Текшириш ўтказиш учун аудиторлик ташкилоти ва/ёки эксперт жалб қилинган тақдирда, текширувчи орган ва аудиторлик ташкилоти ва/ёки эксперт ўртасида тузилган шартнома нусхаси ҳам топширилади.

33. Текширишларни рўйхатга олиш китоби тўлдирилгандан ва текшириш тугагандан сўнг мансабдор шахс — текшириш раҳбари ва хўжалик юритувчи субъект раҳбари (якка тартибдаги тадбиркор, хўжалик юритувчи субъект раҳбари бўлмаган тақдирда — унинг вазифасини бажарувчи шахс) унда қайд қилинган ёзувларни тўғрилигини ўзларининг имзолари билан сана ва вақтни кўрсатган ҳолда тасдиқлайдилар.

IV. Текширилаётган хўжалик юритувчи субъектлар ва текширувчи органлар ҳамда уларнинг мансабдор шахсларининг ҳуқуқ ва мажбуриятлари

34. Текширилаётган хўжалик юритувчи субъектлар қўйидаги ҳуқуқларга эга: ўз фаолиятлари текширилиши тўғрисидаги тегишли ахборотга эга бўлиш; текширувчи мансабдор шахслардан Кенгаш, вилоят комиссиялари ёки қонунчиликда назарда тутилган ҳолларда, Кенгашнинг туман ва шаҳарлар бўйича ҳудудий комиссиялари қарорини ва қўзғатилган жиноят иши билан боғлиқ бўлган текширишни тайинлаш тўғрисидаги қарорни, текшириш ўтказиш учун асос ҳисобла-

нувчи бошқа ҳужжатларни талаб қилиш, текширувчиларнинг шахсини тасдиқловчи ҳужжатлар билан танишиш;

текшириш ўтказиш учун асосга эга бўлмаган шахсларнинг текшириш ўтказишига йўл қўймаслик;

текширувчи мансабдор шахсларнинг ваколатига кирмайдиган масалаларга оид талабларини бажармаслик ва текшириш предметида тааллуқли бўлмаган материаллар билан уларни таништирмаслик;

текширувчи мансабдор шахслардан текшириш тугаганидан сўнг ўн кун муддат ичида текшириш натижаларини акс эттирувчи ҳужжатнинг бир нусхасини олиш;

қонунда белгиланган тартибда текшириш натижалари устидан шикоят қилиш.

35. Хўжалик юритувчи субъектлар текширувчи мансабдор шахсларнинг қонуний талабига биноан текшириш ўтказиш учун зарур бўлган материаллар ва ҳужжатларни тақдим этишга, уларни текшириш объектларига киритишга, текширувчи мансабдор шахсларга ўз вазифаларини бажаришлари учун қўмаклашишга мажбурдирлар.

36. Текширишни амалга ошираётган текширувчи органлар ва уларнинг мансабдор шахслари ўз ваколатлари доирасида қуйидаги ҳуқуқларга эга:

текширилаётган хўжалик юритувчи субъектлардан текшириш ўтказиш билан бевосита боғлиқ бўлган зарур ҳужжатлар ва бошқа ахборотларни талаб қилиш;

текширилаётган хўжалик юритувчи субъектларга аниқланган қоидабузарликларни бартараф этиш тўғрисида бажарилиши мажбурий бўлган кўрсатмалар бериш; тегишли давлат ҳокимияти ва бошқарув органлари, хўжалик юритувчи субъектлар мулкдорлари олдига айбдор шахсларнинг жавобгарлиги тўғрисидаги масалани қўйиш;

текширувга аудиторлик ташкилотлари ва/ёки экспертларни белгиланган тартибда шартнома асосида жалб этиш;

қонун ҳужжатларида назарда тутилган ҳолларда молиявий ва (ёки) маъмурий жазо чораларини қўллаш;

режали текширишлар ўтказиш муддатини кўчириш тўғрисида башарти, бунга объектив асослар бўлса, Кенгашга тақдимнома киритиш.

Текширувчи мансабдор шахсларнинг қонуний талаблари текширилаётган хўжалик юритувчи субъектлар томонидан бажариш учун мажбурийдир.

37. Текширувчи мансабдор шахслар ўз ваколатлари доирасида қуйидагиларни бажаришга мажбурдирлар:

текширилаётган хўжалик юритувчи субъектларга текшириш ўтказиш ҳуқуқини берувчи зарур ҳужжатларни кўрсатиш;

хўжалик юритувчи субъектлар ишлашига халал бермаслик;

Текширишларни рўйхатга олиш китобига ушбу Низомда белгиланган тартибда ёзув киритиш;

давлат сири, тижорат ёки бошқа сирлар сақланишини таъминлаш;

текширув натижаларини далолатнома (маълумотнома) билан расмийлаштириб, унинг бир нусхасини текширилаётган хўжалик юритувчи субъект ихтиёрида қолдириш;

ҳуқуқбузарлик ҳоллари аниқланган тақдирда қонун ҳужжатларида назарда тутилган чораларни кўриш.

38. Текширувчи органлар ва уларнинг мансабдор шахслари хўжалик юритувчи субъектларнинг қонун ҳужжатларига мувофиқ амалга ошириладиган фаолиятига арилишига ҳақли эмас.

Агар текширувчи органлар ва уларнинг мансабдор шахслари хўжалик юритув-

чи субъектларнинг фаолиятида қонунчилик бузилганлигини аниқласалар, улар ўзларига берилган ваколат доирасида ва муайян қоидабузарликни бартараф этиш билан бевосита боғлиқ чора-тадбирларни кўришлари мумкин. Текширувчи органлар ва уларнинг мансабдор шахслари қоидабузарлик ҳолати мавжудлигидан хўжалик юритувчи субъектларнинг бошқа қонуний фаолиятига аралашши ёки уни чеклаш учун асос сифатида фойдаланишга ҳақли эмас.

V. Жавобгарлик

39. Хўжалик юритувчи субъект фаолиятини текширишнинг белгиланган тартибига риоя этилиши бўйича жиноий жавобгарликкача бўлган шахсан жавобгарлик текширувчи органларнинг раҳбарлари ва ваколатли шахслари зиммасига юклатилади.

40. Ҳуқуқи бузилган хўжалик юритувчи субъект унга келтирилган зарарни тўлиқ ундирилишини талаб қилиши мумкин.

давлат органларининг ноқонуний қарорлари ёки шу органлар мансабдор шахсларининг қонунга хилоф ҳаракатлари (ҳаракатсизлиги) натижасида тадбиркорлик субъектига етказилган зарарнинг ўрни суд қарори асосида тўла ҳажмда бевосита ана шу давлат органлари томонидан, биринчи навбатда, уларнинг бюджетдан ташқари жамғарма маблағлари ҳисобига қопланиши лозим.

Зарарларнинг ўрнини қоплаш суд қарори билан ана шу етказилган зарар учун айбдор бўлган давлат органларининг мансабдор шахсларига, қонунчиликда белгиланган тартиб ва миқдорларда юкланиши мумкин.

Хўжалик юритувчи субъект айбдор мансабдор шахснинг ноқонуний аралашуви натижасидаги етказилган реал зарарни, бой берилган фойдани, шунингдек маънавий зарарни қоплашни суд орқали талаб қилишга ҳақли.

41. Текширувчи органлар ва уларнинг мансабдор шахсларининг ҳаракатлари ва қарорлари устидан бевосита судга ёки бўйсунуш тартибида юқори турувчи органга ёхуд мансабдор шахсга шикоят қилиниши мумкин.

Ўзбекистон Республикаси Вазирлар Маҳкамасининг 2000 йил 17 февралдаги 57-сон «Кичик ва хусусий тадбиркорликни ривожлантиришни рағбатлантириш бўйича республика мувофиқлаштирувчи кенгаши фаолиятини фаоллаштириш тўғрисида»ги қарорига мувофиқ текширувчи органлар ва уларнинг мансабдор шахсларининг ҳаракатлари ва қарорлари устидан шикоятлар, шунингдек Ўзбекистон Республикаси Адлия вазирлиги ва унинг ҳудудий бўлинмаларига берилиши мумкин.

VI. Яқуний қоидалар

42. Ушбу Низом Кичик ва хусусий тадбиркорликни ривожлантиришни рағбатлантириш бўйича республика мувофиқлаштирувчи кенгаши, Ўзбекистон Республикаси Бош прокуратураси, Миллий хавфсизлик хизмати, Ички ишлар вазирлиги ва Давлат солиқ қўмитаси билан келишилди.

Кичик ва хусусий тадбиркорликни ривожлантиришни рағбатлантириш бўйича республика мувофиқлаштирувчи кенгаши раиси ўринбосари в.б., Монополиядан чиқариш, рақобат ва тадбиркорликни қўллаб-қувватлаш давлат қўмитаси раиси в.б. Б. УЛАШОВ

Тошкент ш.,
2006 йил 21 декабрь

Бош прокурор Р. ҚОДИРОВ

Тошкент ш.,
2006 йил 28 декабрь

Миллий хавфсизлик хизмати раиси Р. ИНОЯТОВ

Тошкент ш.,
2006 йил 29 декабрь

Ички ишлар вазири Б. МАТЛЮБОВ

Тошкент ш.,
2006 йил 21 декабрь

Давлат солиқ қўмитаси раиси Б. ПАРПИЕВ

Тошкент ш.,
2006 йил 21 декабрь

+

-

Хўжалик юритувчи субъектлар фаолиятини
 текшириш ва Текширишларни рўйхатга
 олиш китобини юритиш тартиби тўғрисида
 низомга
 1-ИЛОВА

ТЕКШИРИШЛАРНИ РЎЙХАТГА ОЛИШ КИТОБИ

(хўжалик юритувчи субъектнинг тўлиқ номи)

(хўжалик юритувчи субъектнинг жойлашган ери (почта манзили))

(солиқ тўловчининг идентификация рақами)

Т/р	Назорат ёки ҳуқуқни муҳофаза қилувчи органнинг номи	Текширувчининг исми, фамилияси, отасининг исми ва гувоҳнома рақами	Аудиторлик ташкилотининг номи (лицензия берилган сана, рақами ва амал қилиш муддати), аудитор, экспертнинг Ф.И.О. (шахсини тасдиқловчи ҳужжат)	Текшириш ўтказиш учун асос; жиноий иш рақами	Текшириш тури ва мақсади
1	2	3	4	5	6

Текшириш ўтказиш учун белгиланган муддатлар	Текширишни бошлаш ва тугатиш санаси ва вақти	Текширишнинг аниқ давом этган вақти	Талаб қилинган ҳужжатлар	Текшириш жараёнида кўрилган чоралар	Хўжалик юритувчи субъект раҳбарининг (якка тадбиркорнинг) фикри
7	8	9	10	11	12

Хўжалик юритувчи субъектлар
фаолиятини текшириш ва Текширишларни
рўйхатга олиш китобини юритиш тартиби
тўғрисида низомга
2-ИЛОВА

Хўжалик юритувчи субъектнинг Текширишларни рўйхатга олиш китобини тўлдириш қоидалари

1. Текширувчи орган 2—7, текширилувчи хўжалик юритувчи субъект 8—12 устунларни тўлдириши шарт.

2. Иккинчи устунда текширувчи органнинг тўлиқ расмий номи, унинг почта манзили, раҳбарининг фамилияси, исми, отасининг исми, у бўлмаган тақдирда — унинг вазифасини бажарувчи шахснинг фамилияси, исми, отасининг исми кўрсатилади.

3. Учинчи устунда текширувчининг фамилияси, исми, отасининг исми, гувоҳнома (шу жумладан махсус гувоҳнома) рақами, гувоҳномани берган идора номи, гувоҳноманинг амал қилиш муддати кўрсатилади. Текширишларни рўйхатга олиш китоби тўлдирилгандан ва текшириш тугагандан сўнг мансабдор шахс — текшириш раҳбари ушбу устунга Китобга қайд қилинган ёзувларни тўғрилиги тўғрисида ёзув киритади ва сана ва вақтни кўрсатган ҳолда унинг имзоси билан тасдиқланади.

4. Тўртинчи устунда аудиторлик ташкилоти ва/ёки эксперт жалб этилган тақдирда, аудиторлик ташкилотининг номи, лицензия берилган сана, рақами ва амал қилиш муддати, аудитор ва/ёки экспертнинг фамилияси, исми, отасининг исми, шахсини тасдиқловчи гувоҳнома рақами кўрсатилади.

5. Бешинчи устунда текшириш ўтказиш режа-жадвалини тасдиқлаган орган номи ва уни тасдиқлаш санаси; буйруқни чиқарган мансабдор шахснинг фамилияси, исми, отасининг исми, буйруқни тасдиқлаш рақами ва санаси; қўзғатилган жиноят иши иш билан боғлиқ текширишни тайинлаш тўғрисида қарор чиқарган мансабдор шахснинг фамилияси, исми, отасининг исми, қарорнинг санаси, шунингдек жиноят ишининг рақами кўрсатилади.

6. Олтинчи устунда текшириш турининг тўлиқ номи (режали текшириш, режадан ташқари текшириш, қисқа муддатли текшириш, муқобил текшириш, назорат тартибида текшириш) ва мақсади кўрсатилади. Текшириш турининг номи текшириш ўтказиш режа-жадвали ва буйруқда кўрсатилган номга, мақсади эса — буйруқда кўрсатилганига мувофиқ бўлиши лозим.

7. Еттинчи устунда текшириш ўтказиш муддати кўрсатилади. У текшириш ўтказиш режа-жадвалида кўрсатилган муддатдан ошмаслиги лозим.

8. Саккизинчи устунда ҳар куни текшириш ўтказишни бошлаш ва тугатиш вақти, санаси кўрсатилади. Ушбу устунда зарур ҳолларда текширувчи мансабдор шахсларнинг хўжалик юритувчи субъектнинг ички тартибида белгиланган иш вақти тугаганидан кейинги фаолияти ҳақида махсус белгилар қўйилади.

9. Тўққизинчи устунда текширишнинг ҳақиқатан давом этган календарь муддати кўрсатилади.

10. Ўнинчи устунда талаб қилинган ҳужжатларнинг тўлиқ номи кўрсатилади. Ушбу устунда талаб қилинган ҳужжатлар тавсифи текшириш ўтказиш режа-жадвали ҳамда буйруқда кўрсатилган текшириш тури ва мақсадларига мос келмаган ҳолда махсус белгилар қўйилади.

11. Ўн биринчи устунда хўжалик юритувчи субъектга нисбатан белгиланган тартибда кўрилган чоралар (ишлаб чиқаришни тўхтатиш, омборни ёки бутунлай

корхонани муҳрлаш, пул маблағларидан ва/ёки хом-ашёдан фойдаланишни таъқиқлаш, молия ва бошқа ҳужжатларни олиб қўйиш ва ҳ. к.) кўрсатилади.

12. Ўн иккинчи устунда хўжалик юритувчи субъект раҳбарининг (якка тартибдаги тадбиркорнинг) «Розиман», «Рози эмасман», «Эътирозлар билан розиман» шаклларидаги фикри кўрсатилади. «Рози эмасман» шаклидаги фикр кўрсатилган ҳолда хўжалик юритувчи субъект раҳбари (якка тартибдаги тадбиркор) бунинг асосланган сабабларини кўрсатади. «Эътирозлар билан розиман» шаклидаги фикр кўрсатилган ҳолда асосланган эътирозлар келтиради. Текширишларни рўйхатга олиш китоби тўлдирилгандан ва текшириш тугагандан сўнг хўжалик юритувчи субъект раҳбари (якка тартибдаги тадбиркор, хўжалик юритувчи субъект раҳбари бўлмаган тақдирда — унинг вазифасини бажарувчи шахс) ушбу устунга Китобга қайд қилинган ёзувларни тўғрилиги ҳақида сана ва вақтни кўрсатган ҳолда ўзининг имзоси билан тасдиқлайди.

Текширишларни рўйхатга олиш китобида ўчириб ёзиш ва бўяш тақиқланади. Тўғрилашлар хато ёзувлар ўчирилиб, керакли маълумотларни устидан қайта ёзиш ёки қўлда устидан ёзиш йўли билан амалга оширилиши лозим. Ҳар бир бундай тўғрилаш мансабдор шахс-текшириш раҳбарининг ва хўжалик юритувчи субъект раҳбари (якка тартибдаги тадбиркор)нинг имзоси билан тасдиқланади.

ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ
ЎЗБЕКИСТОН РЕСПУБЛИКАСИ ДАВЛАТ СОЛИҚ ҚЎМИТАСИ
ЎЗБЕКИСТОН РЕСПУБЛИКАСИ ҲИСОБ ПАЛАТАСИНING
ҚАРОРИ

526 Ўзбекистон Республикаси Ҳисоб палатаси томонидан аниқланган давлатнинг иқтисодий манфаатларига етказилган зарар суммаларини Давлат бюджети даромадига йўналтириш тартиби тўғрисида низомни тасдиқлаш ҳақида

*Ўзбекистон Республикаси Адлия вазирлиги томонидан 2006 йил
29 декабрда 1651-сон билан давлат рўйхатидан ўтказилди*

(2007 йил 8 январдан кучга киради)

Ўзбекистон Республикаси Президентининг 2006 йил 7 сентябрдаги ПҚ-460-сон «Ўзбекистон Республикаси Ҳисоб палатаси фаолиятини такомиллаштиришга доир қўшимча чора-тадбирлар тўғрисида»ги қарорининг 6-бандини ижро қилиш мақсадида **қарор қиламиз:**

1. Ўзбекистон Республикаси Ҳисоб палатаси томонидан аниқланган давлатнинг иқтисодий манфаатларига етказилган зарар суммаларини Давлат бюджети даромадига йўналтириш тартиби тўғрисида низом* тасдиқлансин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилганидан сўнг ўн кундан кейин кучга киради.

* Низом рус тилидаги матнда берилган.

3. Ушбу қарорнинг ижроси юзасидан назоратни ўз зиммамизда қолдирамыз.

Молия вазири Р. АЗИМОВ

Тошкент ш.,
2006 йил 11 декабрь,
101-сон

Давлат солиқ қўмитаси раиси Б. ПАРПИЕВ

Тошкент ш.,
2006 йил 11 декабрь,
2006-52-сон

Ҳисоб палатаси раиси Б. МУСАЕВ

Тошкент ш.,
2006 йил 11 декабрь,
11-133-сон

+

-

Ўзбекистон Республикаси
Адлия вазирлиги маълум қилади:
вазирликлар, давлат қўмиталари ва идораларининг
умумий мажбурий тусдаги меъёрий ҳужжатларини давлат
рўйхатидан ўтказиш ҳолати тўғрисида
2006 йил 16 декабрдан 29 декабргача бўлган маълумот

I. Давлат рўйхатидан ўтказилди:

1. «Давлат органлари ахборот тизимларини ҳисобга олиш ва рўйхатдан ўтказиш тартиби тўғрисидаги низомни тасдиқлаш ҳақида» *Ўзбекистон алоқа ва ахборотлаштириш агентлиги Бош директорининг 2006 йил 17 ноябрдаги 355-сон буйруғи.*

2006 йил 21 декабрда 1646-сон билан рўйхатдан ўтказилди (2006 йил 31 декабрдан кучга киради).

2. «Қимматли қоғозлар бозори иштирокчилари томонидан ахборотларни очиш тўғрисидаги низомга ўзгартириш ва қўшимчалар киритиш ҳақида» *Ўзбекистон Республикаси Давлат мулки қўмитаси ҳузуридаги Қимматли қоғозлар бозори фаолиятини мувофиқлаштириш ва назорат қилиш маркази Бош директорининг 2006 йил 22 ноябрдаги 2006-14-сон буйруғи.*

2006 йил 23 декабрда 1127-3-сон билан рўйхатдан ўтказилди (2006 йил 2 январдан кучга киради).

3. «Пахта толасини Ўзбекистон Республикаси товар-хом ашё биржаси орқали республика корхоналарига сотишда қўшилган қиймат солиғини ҳисоблаб чиқариш ва тўлаш тартиби тўғрисидаги низомга ўзгартиришлар киритиш ҳақида» *Ўзбекистон Республикаси Молия вазирлиги, Давлат солиқ қўмитасининг 2006 йил 7 декабрдаги 99, 2006-48-сон қарори.*

2006 йил 25 декабрда 1583-1-сон билан рўйхатдан ўтказилди (2006 йил 4 январдан кучга киради).

4. «Бошоқли дон экинлари сомонини ёқиб юборилиши натижасида етказиладиган зарарни аниқлаш ҳамда ушбу ҳолатларни содир этган юридик ва жисмоний шахсларга нисбатан жарималар қўллаш бўйича низомни тасдиқлаш ҳақида» *Ўзбекистон Республикаси Табиатни муҳофаза қилиш давлат қўмитаси, Қишлоқ ва сув хўжалиги вазирлиги, Молия вазирлигининг 2006 йил 27 ноябрдаги 11-1481, 10/8, 91-сон қарори.*

2006 йил 25 декабрда 1647-сон билан рўйхатдан ўтказилди (2006 йил 4 январдан кучга киради).

5. «Тижорат банкларида лизинг операцияларини амалга ошириш ва уларнинг бухгалтерия ҳисобини юритиш тартиби тўғрисида низомни тасдиқлаш ҳақида» *Ўзбекистон Республикаси Марказий банки Бошқарувининг 2006 йил 21 октябрдаги 25/6-сон қарори.*

2006 йил 27 декабрда 1648-сон билан рўйхатдан ўтказилди (2006 йил 6 январдан кучга киради).

6. «Суд ҳужжатлари ва бошқа органлар ҳужжатлари бўйича мол-мулкни сотиш учун савдо ташкилотларини танлаш ва мол-мулкни сотиш тартиби тўғрисидаги низомни тасдиқлаш ҳақида» *Ўзбекистон Республикаси Давлат мулкни бошқариш давлат қўмитаси ва Адлия вазирлигининг 2006 йил 29 декабрдаги 01/19-18/08, 37-сон қарори.*

2006 йил 29 декабрда 1649-сон билан рўйхатдан ўтказилди (2006 йил 8 январдан кучга киради).

7. «Хўжалик юритувчи субъектларда текшириш ўтказиш ва текширишларни рўйхатга олиш китобини юритиш тартиби тўғрисидаги низомни тасдиқлаш ҳақида» *Ўзбекистон Республикаси Адлия вазирлигининг 2006 йил 29 декабрдаги 213-сон буйруғи.*

2006 йил 29 декабрда 1650-сон билан рўйхатдан ўтказилди (2006 йил 8 январдан кучга киради).

8. «Ўзбекистон Республикаси Ҳисоб палатаси томонидан аниқланган давлатнинг иқтисодий манфаатларига етказилган зарар суммаларини Давлат бюджети даромадига йўналтириш тартиби тўғрисида низомни тасдиқлаш ҳақида» *Ўзбекистон Республикаси Молия вазирлиги, Давлат солиқ қўмитаси ва Ҳисоб палатасининг 2006 йил 11 декабрдаги 101, 2006-52, 11-133-сон қарори.*

2006 йил 29 декабрда 1651-сон билан рўйхатдан ўтказилди (2006 йил 8 январдан кучга киради).

II. Давлат реестридан чиқарилди:

1. «Ўзбекистон Республикаси банклари томонидан молиявий лизингни амалга ошириш тартиби тўғрисида низом». *Ўзбекистон Республикаси Марказий банки Бошқарувининг қарори билан тасдиқланган (рўйхат рақами 776, 20.07.1999 й.).*

Адлия вазирининг 2006 йил 27 декабрдаги 211-мқ-сон буйруғи билан реестрдан чиқарилди.

2. «Хўжалик юритувчи субъектлар фаолиятини текшириш ва текширишларни рўйхатга олиш китобини юритиш тартиби тўғрисидаги низомга ўзгартириш ва қўшимчалар киритиш ҳақида» *Ўзбекистон Республикаси Адлия вазирининг буйруғи билан тасдиқланган (рўйхат рақами 917-1, 15.05.2001 й.).*

Адлия вазирининг 2006 йил 29 декабрдаги 213-мқ-сон буйруғи билан реестрдан чиқарилди.

Мазкур ҳужжатлар амалдаги қонунчиликка ўзгартиришлар киритилиши ва/ёки янги норматив-ҳуқуқий ҳужжатлар қабул қилиниши муносабати билан давлат реестридан чиқарилди.

-

+